

আমার দেশ



“ ভারত আমার । জননি আমার । ধার্ত্তি আমার ! আমার দেশ,
কেন গো মা তোর শুদ্ধ নয়ন, কেন গো মা শের প্রস্থ কেশ !
কেন গো মা তোর ধূলয় আসন, কেন গো মা তোর মলিন বেশ !
ত্রিশ কোটি সন্তান যার, ডাক্তে উঠে “ আমার দেশ ”—

★ ★ ★ ★ ★ ★ ★ ★ ★

★ ★ ★ ★ ★ ★ ★ ★ ★

যদিও মা তোর দিব্য-আলোকে ঘেরে আছে আজ অধার ঘোর,
কটে যাবে মেঘ নবীন গরিমা ভাতিবে আবাস ললাটে তোর ;
অধর চুচাব মা তোর দৈন্য ! মানুষ আমরা নহি ত মেস !

সব্বি আমার । সাদনা আমার । স্বপ্ন আমার । “ আমার দেশ ! ”

—দেশ মাতৃকার প্রিয় সন্তান—

—‘দেশবন্ধুর’ আদর্শে গঠিত—

দেশ-বন্ধু

[জাতীয় উপন্যাস]

শ্রীমতী আশালতা দাশ,
সাহিত্য-ভারতী, ব্রহ্মপ্রভা,


কংগ্রেস অধিবেশন,

পৌষ, ১৩৩৫

সাধারণ সং ১০]

[মূল্য ১ টাকা]

প্রকাশক—শ্রীসত্যেন্দ্রকুমার গীল
শ্রীকৃষ্ণ লাইব্রেরী
২১১১১, কর্ণওয়ালিশ ষ্ট্রিট, কলিকাতা



প্রিন্টার—শ্রীপঞ্চানন দাস
সত্যনান্দ্রাঙ্কণ প্রেস
২৫, দুর্গাচরণ মিত্রের ষ্ট্রিট, কলিকাতা।

== স্মৃতি-তর্পণ ==



“দেশবন্ধু ।

—চির-পরাধীন চির-পদানত বাঙালী যেদিন সকল দেশে
অত্যাচারের প্রগাঢ়-পঙ্কে পড়েছিল তারা কাঙাল-বেশে,
বাজালে তোমার ত্যাগের তুর্ষা, মুক্তি-মন্ত্র উঠিলে গাহি;
স্বরাজ্যের পথে ছুটিল বাঙালী তোমার আশীষ-তরণী বাহি ।

। —দেশের বন্ধু, হে মহারাজ,
ছুর্যোগ-রাতে তোমার মিলন ভুলিনি, ভুলিনি আমরা আজ—

প্রণতা—আশালতা ।



গাও ভারতের মুক্তিগান—মেঘ আরাবে—ভলদ গভীরে ।

বাজাও—বাজাও বিজয়শব্দ গভীরে—স্বপ্নে ॥

আজি এসেছে ছয়াতে তোমার ভারতের রাজা ।

কোথা কে আছে ভক্ত ভারতবাসী প্রদ্ধা-অর্ঘ্যে করগো পূজা

ভারতের স্বাধীনতার প্রদীপ্ত প্রভাতারুণ—ভারতের গৌরবের

মহান অবদান—ভারতের প্রোজ্জ্বল উজ্জল কনক কেতন—

—ভারতের নেপোলিয়ন—

শাঞ্জাব-কেশরী

বণজিৎ-সিংহ

ঐতিহাসিক উপন্যাস-সম্রাট

শ্রীযুক্ত প্রমথনাথ চট্টোপাধ্যায়

অহোদয়ের

সম্পাদনয় সাহিত্য সম্ভারে—রক্তময় ভাবার বন্ধারে—সুদৃশ
সুন্দর আধারে—নিসাড় অসাড় ভারতের প্রাণে চেতনা সঞ্চারে—
বিশ্বাকাশে নূতন বিশ্বয়ের মত অচিরে উদ্ভাষিত হইবে ।

নিবেদন

দেশবন্ধু—তঁাহার পূণ্য জীবনের আদর্শ লইয়া এই বই-খানির নায়ক চরিত্র আঁকিবার প্রয়াস পাইয়াছি—তঁাহার সহিত চাক্ষুষ পরিচয়-লাভ এ ভাগ্য-হীন জীবনে কখনো ঘটয়া উঠে নাই। দেবতার দর্শন লাভ না কি সকলের ভাগ্যেই ঘটয়া উঠে না,—তাই হৃদৃষ্টের পংক্তিতে নিজেকে ফেলিয়া সাস্থনা দিয়াছিলাম। তঁাহার অসামান্য মহত্বের পরিচয় লোকমুখে, সংবাদ-পত্রে বহুবার পাইয়াছি। তঁাহার অনুপম দেশ-প্ৰীতির জ্বলন্ত পরিচয় তঁাহার বক্তৃতার ছত্রে ছত্রে ফুটিয়া উঠিতে দোঁধিয়াছি—তঁাহার আত্মত্যাগের জ্বলন্ত উদাহরণ ভারতের ইতিহাসের পাতায় পাতায় ফুটিয়া থাকিবে।.....

তঁাহারই কয়েকটা উপদেশ-বাণী অবলম্বন করিয়া এই পুস্তক খানিকে উপস্থানে রূপ নদবার প্রয়াস পাইয়াছি মাত্র। সফল-কাম হইয়াছি কি না সে বিচার আমার নহে,—পাঠকের; এই পুস্তক পাঠে যদি সহস্রের মধ্যে অন্ততঃ একজনের মনেও দেশাত্মবোধ জাগিয়া উঠে, তবেই শ্রমকে সার্থক জ্ঞান করিব।

পরিশেষে,—আমার অকৃত্রিম বন্ধু শ্রীসত্যেন্দ্রকুমার গুপ্ত-কে

অন্তরের শ্রদ্ধা না জানাইয়া থাকিতে পারিলাম না, কারণ তাঁহার
উদ্যোগেই বইখানি লোকচক্ষুর সম্মুখে আত্মপ্রকাশ করিতে সমর্থ
হইল।

৩০শে বৈশাখ, ১৩৩৫,

কলিকাতা

ইতি

শ্রীআশালতা দাস।

দেশ-বন্ধু

—এক—

পিতৃমাতৃহীন অমলকুমারের সিভিল সার্ভিস পরীক্ষায় সসম্মানে পাশ হওয়ার সংবাদে, তাহার পিতার বাল্যবন্ধু ও তাহার প্রতিপালক কলিকাতার প্রসিদ্ধ ধনী ব্যারিষ্টার মিঃ এ, সি, মুখার্জীর মনটা যে পরিমাণে আনন্দে উৎফুল্ল হইয়া উঠিয়াছিল... ঠিক তাহার দ্বিগুণ পরিমাণে তাহার কন্যা নেলির তরুণ মনের নিভৃত কন্দরে সুখের অপূর্ণ ও অনির্বচনীয় পুলকোচ্ছ্বাস বহিয়া তাহার অন্তর বাহির প্রাবর্তিত করিয়া তুলিতেছিল। নেলি অমল কুমারের বাগদত্তা।

চৈত্রেয় এক উষ্ণ মধুর রৌদ্রালোকিত প্রভাতে ড্রয়িং রুমে বসিয়া পিতা পুত্রী দৈনন্দিন চা পান করিতেছিলেন। দ্বারের চিত্র বিচিত্র রঙ্গীন পর্দাটা ঠেলিয়া ‘বয়’ আসিয়া প্রভাতের ‘ডাক’ রাখিয়া নীরবে অভিবাদনাস্তে প্রস্থান করিল। চা পান করিতে-করিতে মিঃ মুখার্জী কন্যাকে সম্বোধন করিয়া বলিলেন—“দেখ

দেশ-বন্ধু

তো মা নেলি, বিলেত থেকে আমার কিছু চিঠিপত্র এসেছে কি না ?”

বিলাত...! আশা, আনন্দ ও লজ্জার সংমিশ্রণে নেলির মুখের বর্ণ অপরূপ হইয়া উঠিল। পিতার স্নেহপূর্ণ আদেশে আনত বদনে সে পত্র বাছিতে সুরু করিল। পত্র মধ্যে অধিকাংশই তাহার পিতার নামে আসিয়াছিল...নেলি তন্মধ্য হইতে সন্তর্পণে বাছিয়া চির পরিচিত হস্তাক্ষরে লেখা ‘এনভেলাপ্’ খানি তাহার পিতাকে আগাইয়া দিল। মিঃ মুখার্জীর চা পান ইতিপূর্বে সমাধা হইয়া গিয়াছিল, তিনি ব্যগ্র হস্তে ‘এনভেলাপ্’ ছিঁড়িয়া পত্র বাহির করিয়া পাঠ করিতে করিতে মুহু মুহু হাসিতে লাগিলেন। পরে প্যাণ্টের পকেট হইতে রুমাল বাহির করিয়া মুখ মুছিতে মুছিতে বলিলেন—“ভারী সুখবর মা—অমল লিখছে আগামী এপ্রিল মাসের first weekএ Calcuttaতে এসে পৌছুবে, এই নাও মা, প’ড়ে ত্যাখ।”

রাজা মুখ আরও রাজা করিয়া কণ্ঠা নতমুখে জড়িতস্বরে বলিল—“আপনি তো পড়েছেন বাবা, আমার আর দেখবার দরকার নেই।”

মিঃ মুখার্জী কণ্ঠার এই সংক্ষিপ্ত উত্তরে মনে মনে সন্তুষ্ট হইয়া উঠিয়া কণ্ঠার মস্তকে আপনার স্নেহ শীতল হাতখানি রাখিয়া, বলিলেন—“তুই কি করে জানবি মা, যে অমলের এই পাশের

দেশ-বন্ধু

সংবাদে আমি কি সুখী হয়েছি। আঃ আজ মনে পড়ছে সেই দিনের ঘটনা...যখন সুবোধ তার সাগর-সেঁচা একমাত্র মানিক অমলকে আমার হাতে সঁপে দিয়ে, আমারই চোখের সামনে শেষ নিঃশ্বাস ছাড়বার পূর্ব-মূহুর্তে বলেছিল—“দাদা, তোমার হাতে এই মাতৃহীন অনাথ বালককে তুলে দিয়ে গেলাম, আর আমি ত জন্মের মত পৃথিবীর বুক হতে বিদায় নিচ্ছি, দেখো ভাই, তোমার স্নেহে ও যেন পিতার সবখানি অভাব ভুলতে পারে, আর,—আর আমার ছেলে যাতে দশের মাঝে মাথা উঁচু করে দাঁড়াতে পারে, এটুকুও তুমি আমার অবর্তমানে মনে করে ক’রো। আঃ সেই বন্ধু আমার আজ কোথায় কোন দেশে চলে গ্যাছে—আমার বৃকের একখানি পাঁজর ভেঙ্গে দিয়ে।”

মিঃ মুখার্জী থামিয়া থামিয়া কথাগুলি বলিয়া ক্ষণকালের জন্ত স্তব্ধ হইয়া বসিয়া রহিলেন—যেন সেই কাল মৃত্যু-দিবস তাঁর চোখের উপর হইতে ঘন যবনিকাখানি তুলিয়া সেই দিনটি সুস্পষ্টরূপে অভিনয় করিয়া গেল। লুপ্তপ্রায় অতীত আজ বহুদিন পরে বায়স্কোপের ফিল্মের মত পর পর, দৃশ্যের পর দৃশ্য উন্টাইয়া যাইতে লাগিল। প্রথম—তাহার বাল্যের প্রিয়তম সুহৃদ সুবোধ-কুমার চৌধুরীর মৃত্যু। দ্বিতীয়—সেই শোকের বিষম আঘাতের ক্ষত মিলাইতে না মিলাইতে তাঁহার প্রাণাধিকা পত্নীর অকালে

দেশ-বন্ধু

পরলোক গমন—আত্মীয় স্বজনদের দ্বিতীয়বার দার পরিগ্রহের নিমিত্ত অনুরোধ উপরোধ, অবশেষে ব্যর্থকাম,—পরে কত্ৰা ও অমলকুমারকে লইয়া বারাকপুরের নূতন আবাসে উঠিয়া আসা—অমলের বিত্তা শিক্ষার্থ বিলাত গমন। এ সকল কতদিনকার পুরাতন ঘটনাবলী আজ মিঃ মুখার্জীর স্মৃতির-দ্বারে ভাসিয়া আসিল। তাঁহার চোখের পাতা অশ্রুজলে ঝাপসা হইয়া উঠিল। আর নেলি? সেও মূক! তাহারও আজ ভাবান্তর ঘটিয়াছে। হারাণ দিনগুলির বার বার স্মরণ করা প্রতি ক্ষণ, প্রতি কথাটি আজ তাহার মনের ভিতর আছাড় খাইয়া পড়িল—যেন অধীর চঞ্চল উন্নিমালার ত্রায়। অমলকুমারের বিলাত গমনের পর দীর্ঘ একটি যুগ কাটিয়া গিয়াছে—দশ বৎসর কেশ্বিজের থাকিয়া পড়া শুনা শেষ করিয়া আজ আবার ভারতে ফিরিয়া আসিতেছে। উঃ, সে কতদিন চলিয়া গিয়াছে, এতদিন পরে আবার, আবার তাহাদের দেখা হইবে। কে জানে, বিলাতের সেই হিম-কুন্দ গুল্ল তুষার-ধবলিতা ষ্ঠেতাঙ্গনাদের সংস্পর্শে গিয়া আজিও তাহার মনখানি এই কত দেশ দেশান্তরের এ পারে একটি গৃহ কোণে ঘুরিতেছে কি না। সম্ভব অসম্ভব কত চিন্তাই না তাহার মনের পাতায় পাতায় ফুটিয়া উঠিল, সে চিন্তার যেন শেষ নাই, রবার টানিয়া বড় করার মত বাড়িয়াই চলে! ভাবিতে ভাবিতে নেলির ব্যাকুল চিত্ত সবেগে দোল খাইয়া উঠিল—অজানিত আশঙ্কা মন হইতে জোর করিয়া

ঝাড়িয়া সে ভাবিল—না না এ সব সে কি ভাবিতেছে, ছিঃ ছিঃ তাও কি হয়, ও সব কথা ভাবিতেও যে বিশ্রী লাগে, মা গো !

“বয়, ভিতরমে সাব্‌হায় ?”

বাহির হইতে এই কথাগুলি ভাসিয়া আসিল। পিতাকে গভীর চিন্তামগ্ন দেখিয়া নেলি উঠিয়া বাহিরে আসিয়া উত্তর দিল—“ইয়েস্ মিঃ বোস, কাম্‌ ইন প্লীজ ।”

বদ্ধ ঘরের দ্বার ঠেলিয়া নেলির সহিত গৃহে প্রবেশ করিল— যৌবনের প্রথম সীমায় উপনীত সুন্দর কান্তি সম্পন্ন একটি প্রিয়দর্শন তরুণ যুবক। স্তম্ভিত্তে প্রথমটা লোকে যেমন দিশেহারা হইয়া কোন কিছুই সম্যক উপলব্ধি করিতে পারে না। তেমন যুবকের আগমনে মিঃ মুখার্জী পাঁচ ছয়বার এধার ওধার দৃষ্টিপাত করিয়া বলিলেন—“কে আলোক নাকি, এস এস, ফিরলে কবে ?”

আলোক মিঃ মুখার্জীকে নমস্কার করিয়া একথানা চেয়ার অধিকার করিয়া বসিয়া বলিল—“ফিরেছি কাল রাত্রে দশটা পয়ত্রিশএর ট্রেণে। তারপর, এখানকার খবর সব আপনাদের ভাল তো ? আপনি কেমন আছেন মিস্ মুখার্জী, ওঃ কালকে সারা পথটা রেবা আপনার নাম কর্তে কর্তে এসেছে ।”

নেলি মুখ ঘুরাইয়া কৃত্রিম অভিমান মিশ্রিত সুরে বলিয়া উঠিল—“তবে রেবা আপনার সঙ্গে এল না কেন ? বাড়ীতে নেমে বুঝি আমার কথা ভুলে গেছে মিঃ বোস ।”

দেশ-বন্ধু

আলোক হাসিয়া বলিল—“না না সে কি কথা, সে আসবার জন্তে প্রস্তুত হইছিল—হঠাৎ তার শরীর অসুস্থ হয়ে পড়াতে আসতে পারলে না। বিকেলে সুস্থ হলে সে নিশ্চয় আসবে, তখন বন্ধুর সঙ্গে ঝগড়া করে অনেক দিনের রাগ মেটাবেন মিস্ মুখার্জী।”

মিঃ মুখার্জী ‘অ্যাস টে’তে চুরুটের ছাই ঝাড়িয়া বলিলেন—
“জান আলোক, আজ তোমাকে একটি শুভ সংবাদ দিচ্ছি, অমল আগামী এপ্রিলে এখানে আসছে।”

“তাই নাকি, কবে ফিরছেন তিনি?”

“খুব সম্ভব first week এ।”

“ইংলণ্ড থেকে আসছেন বুঝি? ওঃ দাঁড়ান মিঃ মুখার্জী আজ আপনাকে একটা জিনিষ দেখাতে এনেছি” বলিয়া পকেট হইতে একখানি ইংরাজী সংবাদ পত্র বাহির করিয়া তাহার মধ্য হইতে লাল পেন্সিলে চিহ্নিত স্থানটিতে অঙ্গুলী রাখিয়া অবহেলাপূর্ণকণ্ঠে আলোক বলিল—“ফরোয়ার্ড কি লিখছে দেখুন, ‘আগত এপ্রিল মাসের প্রথম সপ্তাহে ইংলণ্ড হইতে দেশের সুযোগ্য সন্তান কৰ্ম্মবীর শ্রীঅমলকুমার চৌধুরী দেশ মাতৃকার উদ্ধার-কল্পমানসে ভারতে আগমন করিতেছেন, সমগ্র ভারতবাসী তাঁহার উপযুক্ত সম্বৰ্দ্ধনার জন্ত প্রস্তুত হউন!’” হজুগ আর বলেন কেন, লাগলেই হ’লো। আঃ পথে ঘাটে আর বেরবার জো নেই,

দেশ-বন্ধু

চারিদিকে স্বদেশীর দল একেবারে হৈ হৈ করে বেড়াচ্ছে, আচ্ছা মিঃ মুখার্জী ইনি আমাদের মিঃ অমল চৌধুরী নন তো? তা হ'লেই সর্বনাশ...।”

মিঃ মুখার্জী এ সংবাদে একটু বিচলিত হইয়া পড়িলেন। পরে বলিলেন—“নাঃ অমল সে রকমই নয়।”

“বলা যায় না মানুষের মনের গতি কখন কি ভাবে বেয়ে চলে; আচ্ছা এই স্বদেশীদের এত হুজুগের কি প্রয়োজন? এতে কি তাদের কোন লাভ আছে?”

“দেখ আলোক, তাদের আসল কৰ্ম্মটি হচ্ছে মাতৃপূজা, লাভ বা অলাভের তাঁরা ধার ধারেন না। এ মহা যজ্ঞের যে প্রধান হোতা, তাঁকে যে তারা প্রাণ দিয়ে ভালবাসবে, পূজা করবে, তাতে বিন্দুমাত্রও সন্দেহ নেই। এই দেখ না, এই যে অসংখ্য কৰ্ম্মী তাদের দেশভক্ত পূজারীর জন্ত প্রচুর আদর অভ্যর্থনার অনুষ্ঠান করছে...হয়তো এর চেয়ে বেশী আদর ও উৎসবের আয়োজন অমলের জন্ত করবে। কিন্তু তুমি লক্ষ্য করো বোসু, যে এ কৰ্ম্মে প্রাণ খুলে কেউ যোগদান করবে না, তার কারণ অমল আমাদেরই আত্মীয়, তাদের তো কেউ নয়—অমলের কৃতিত্বের সংবাদে আমরাই সুখী। কিন্তু বল দেখি আলোক, ‘অমলকে অভিনন্দিত করতে আমরা আত্মীয়-বন্ধু ছাড়া দেশের কয়জন লোক যাবে?’”

দেশ-বন্ধু

আলোক প্রচ্ছন্ন হাসি টিপিয়া স্বগতঃ বলিল—“আপনার ও বিদেশী খোলসটা খুলে ফেলবার বড়ই প্রয়োজন হয়ে পড়েছে, মিঃ মুখার্জী।” মুখে সে বলিল—“তা দেশের লোক যোগ দিন বা না দিন তাতে আমাদের কোন ক্ষতি নেই। মিঃ চৌধুরী যে কারুর ক্কার ভিখারী নন এটা আমরা খুবই জোর করে বলতে পারি, কি বলেন—মিঃ মুখার্জী?”

* * * *

হাওড়া ষ্টেশনে ভীষণ জনতা—ইংলণ্ড হইতে দেশনেতা আজ কলিকাতায় পৌঁছিবেন। বিরাট জনবাহিনীর অগণিত উৎসুক আঁখি দূর, স্নহরের পানে অধীর আবেগে মেলিয়া রহিয়াছে—কখন তাদের ঈঙ্গিত রঙ্গ বৃকে ধরিয়া টেনেখানি আসিবে। ক্রমে সিগন্যাল পড়িল, ধীরে ধীরে ধূম উদ্‌গীরণ করিতে করিতে সগর্বে ‘ট্রেন’ ‘ইন্’ হইল। বিপুল জনতা হইতে উচ্চকণ্ঠে ধনিয়া উঠিল—“বন্দে মাতরম্।”

বন্দে মাতরমের প্রবর্তক ঋষি জগদ্বরেণ্য সাহিত্য সম্রাট বঙ্কিমচন্দ্র। তাঁহার চরণে কোটি কোটি প্রণিপাত। যুগ লক্ষ্মীর আহ্বান শঙ্খ তিনিই প্রথমে বাজাইয়াছিলেন। সাত কোটি সন্তানের হাত ধরিয়া তিনিই প্রথমে মাতৃ মন্দিরের পথের সন্ধান বলিয়া দিয়াছিলেন। প্রবুদ্ধ জনতা উচ্ছ্বসিত কণ্ঠে গাহিতে গাহিতে চলিল—

দেশ-বন্ধু

“আমার সোণার বাজলা আমি তোমায় ভালবাসি,
চিরদিন তোমার আকাশ বাতাস আমার প্রাণে বাজায় বাশী,

~

*

*

*

আমি পরের ঘরে কিনব না আর ভূষণ বলে গলার ফাঁসী।”

— দুই —

“কার” হইতে নামিয়া মিঃ মুখার্জী, নেলি ও আলোকনাথ বোস অতি কষ্টে সেই অসংখ্য রথী বেষ্টিত জন ব্যুহ ভেদ করিয়া প্রথমে ফাষ্ট ক্লাশ কামরা অব্বেষণ করিলেন। তাঁহাদের সমুদয় উত্তম ব্যর্থ হইল। কামরার মধ্যে জনকয়েক ইউরোপীয়ান নর-নারী ছাড়া তাঁহাদের একখানি পরিচিত মুখের কোন সন্ধানই পাওয়া গেল না। ক্ষুব্ধ চিত্তে তাঁহারা দাঁড়াইয়া রহিলেন।

আলোক বলিল—“একবার ওদিকটা দেখলে হ’তো না, যদিই আমাদের অগ্রমনস্কতায় তিনি নেমে পড়ে থাকেন—কি বলেন আপনারা?”

নেলি অপ্রসন্ন মুখে সেই শোভাযাত্রার পানে তাকাইয়া উদ্বেগে কাতর স্বরে বলিল—“সে তো বেশ কথা মিঃ বোস, চলুন বাবা ঐদিকে। উঃ কী সাংঘাতিক ভীড়, অসম্ভব ঐ ভীড় ঠেলে যাওয়া—না মিঃ বোস?”

মিঃ মুখার্জী মাথা নাড়িয়া বলিলেন—“হোক ভীড়, তবু

আমাদের দেখতে হবে একবার। আচ্ছা দেখি স্টেশন মাষ্টারকে বলে, যদি কোন উপায়ে তিনি পথ করে দিতে পারেন—ঐ যে তিনি এ-দিকেই আসছেন। “হেল্লো মি: রয়, অনুগ্রহ করে একবার এদিকে আসবেন কি?”

স্টেশন মাষ্টার চলিতে চলিতে থামিয়া পড়িলেন। পরে বিস্মিত কণ্ঠে বলিলেন—“হেল্লো মি: মুখার্জী, তারপর কতাসহ এখানে আজ হঠাৎ এসেছেন?”

মি: মুখার্জী ভাবনা ব্যাকুলস্বরে বলিলেন—“বড় মুস্থিলে পড়েছি মি: রয়, আমার একটি আত্মীয়ের এই ট্রেনে আসবার কথা ছিল। ফার্স্ট ক্লাস আমরা খুঁজে দেখলাম, তাকে পেলাম না। ভাবছি একবার ও ধারটা খুঁজে দেখব, কিন্তু এমনি গুগুগোল বাধিয়ে তুলেছে ওরা, যে ওখানে যাওয়াই দুর্ঘট। আপনি একটু চেষ্টা করে দেখুন না, যদি কোন রকমে ওদের সরিয়ে দিতে পারেন?”

মি: রয় এ প্রস্তাব অনুমোদন করিতে পারিলেন না। ‘টাইম টেবল’ খানি খুলিয়া দৃষ্টিপাত করিয়া মাথা হুলাইয়া বলিলেন—“ইম্পসিবল”—দেখছেন না, ওঁরাই জায়গার জগ্গে কিরকম মারামারি বাধিয়ে তুলেছেন। ওদের বলতে গেলে শুনবে কেন? আর জোর করেও হটিয়ে দিতে পারা যায় না কারণ ওরা রেল কোম্পানীর হুকুম পেয়ে তবে এসেছে। তা হ’লে

দেশ-বন্ধু

বুঝতেই পারছেন তো এ ক্ষেত্রে কোন কথা বলা খাটবে না।
আচ্ছা, ক্ষমা করবেন, আপনার কিছু উপকার করতে পারলাম
না, এর জন্তে বড় দুঃখিত আমি। এখন বড় ব্যস্ত আছি good
bye।” বলিয়া তিনি টুপী খুলিয়া অভিবাদন করিয়া দ্রুতপদে
অদৃশ্য হইলেন। মিঃ মুখার্জীর আত্মসম্মান ক্ষুণ্ণ হওয়াতে নেলি
জলিয়া উঠিল। জনতার পানে একটা ঘৃণাপূর্ণ দৃষ্টি হানিয়া তীব্র
কণ্ঠে বলিল—“দেখছেন বাবা আজকাল সব স্পর্দ্ধা কি রকম
বেড়ে উঠেছে, ছিঃ আপনাকে এরকম অপমান করতে ওঁর একটু
বোধল না?”

মিঃ মুখার্জী শাস্ত হুরে বলিলেন—“অপমানটা তুমি কোথায়
দেখলে মা? সত্যি আমারই বলা অগ্রায় হয়েছে।”

নেলি বলিল—“বেশ যাহোক বাবা, ঐ রকম কাউকে কিছু
বলেন না বলে সবাই বাড়িয়ে তুলেছে। না বাবা, এ অপমানের
প্রতিশোধ আপনাকে নিতেই হবে।”

“কাকাবাবু?”

মিঃ মুখার্জী, আলোকনাথ, নেলি সকলে এককালে চমকিয়া
ফিরিয়া তাকাইলেন। মিঃ মুখার্জীর কণ্ঠ হইতে স্বর ফুটিল না।
আর নেলির মুখে দারুণ ঘৃণার ছায়া নিবিড় ভাবে ঘনাইয়া
আসিল। অমল সকলের ভাব বৈলক্ষণ্যে আশ্চর্য্যান্বিত কণ্ঠে

বলিল—“কাকাবাবু আপনারা কি আমার সামান্য পরিবর্তনে চিনতে পারলেন না?”

তাহার স্বর হইতে বেদনা বরিয়া পড়িল। মিঃ মুখার্জীর মনের মধ্যে পুরাতন কথাগুলি ভাল পাকাইয়া জাগিয়া উঠিল। হাত বাড়াইয়া অমলকে গাঢ় আলিঙ্গন করিয়া তিনি রুদ্ধকণ্ঠে বলিলেন—“একটু আশ্চর্য্য হয়েছি বই কি বাবা, তুমি যে এতটা এগিয়ে যাবে এ আমি স্বপ্নেও ভাবি নি।”

অমল একটু জোর করিয়া হাসিয়া বলিল—“এই যে নীলাও এসেছ, ভাল আছ তো?”

নেলির পিত্ত শুদ্ধ এই সম্বোধনে জলিয়া উঠিল, এতদূর! সে একটু শ্লেষ পরিপূর্ণ স্বরে বলিল—“শুড্ ইভনিং মিঃ চৌধুরী, আপনার অরণ শক্তির প্রাচুর্য্য দেখে না ধন্যবাদ দিয়ে থাকতে পারছি না। ওঃ কত কালের সেই পুরাণো নামটা ঠিক মনে করে রেখেছেনও তো! একজন সিবিলিয়ান যে এরকম স্বদেশীয়ানার পক্ষপাতী হয়ে পড়বে আগে জানতাম না। মিঃ চৌধুরী, বিলাতী নামটা ধরতেও কি দোষ জন্মায়?”

অমলের বাম পার্শ্বে শুভ্র খন্দর পরিহিত গৌর বর্ণের একটি যুবক উক্ত কথোপকথন শুনিয়া মনে মনে ক্রমশঃ অসহিষ্ণু হইয়া উঠিতেছিল। কেবল অমলের আত্মীয় বলিয়া সে কোন কথার অবতারণা করিতে সাহসী হইল না।

দেশ-বন্ধু

নেলির বিজ্ঞপবাণভরা স্মৃতিস্ক বাক্যগুলি নীরবে হজম করিয়া অমল স্মিতহাস্তে বলিল—“নিশ্চয় দোষ বই কি নেলি—পরের দেওয়া জিনিষ নিয়ে কেন আমরা খাটো হ’ব বলুন তো কাকা-বাবু? বলুন তো কয়জন সাহেব আমাদের বাঙ্গালী নাম কমলা স্মৃশীলা রাখে? সত্যি সাহেবদের অনুকরণে, আমরা এই বাঙ্গালী জাতি যতটা অসভ্য আর বোধ হয় বাঙ্গলা, বেহার-উড়িষ্যার একটা শিক্ষিত ভদ্রলোকও এতদূর বাড়াবাড়ি করতে সক্ষুচিত হ’ন।”

মিঃ মুখার্জী দেখিলেন—কথাগুলি ক্রমে ক্রমে দ্বন্দ্ব পরিণত হইবার উপক্রম ঘটিতেছে। সেই জন্ত আপোষে উভয় পক্ষকে নিরস্ত করিবার প্রদান উপায় উদ্ভাবন করিয়া অমলের কাঁধে হাত দিয়া বলিলেন—“যার যা ইচ্ছে যাবে সে তাই করবে, তাতে রাগ কর কেন নেলি? অমল কি বাড়ী যাবে না, তোমাদের তর্ক এখন থামাও দেখি! বাড়ী চল, তারপর যত পার অমলের সঙ্গে তর্ক কর।”

কথা কহিতে কহিতে সকলে প্ল্যাটফর্মের বাহিরে আসিয়া উপস্থিত হইলেন। অমল পূর্ববর্ণিত যুবকের হাত ধরিয়া বলিল, এইবার তুমি বাড়ী যাও মৃণাল, মা তোমার জন্তে অপেক্ষা করছেন। আমি পারি তো বিকেলে যাবো’খন।

মৃণাল অমলের হাতে একটু চাপ দিয়া আবেগপূর্ণ কণ্ঠে

বলিল—“পারি তো নয় নিশ্চয় যাবেন, আর আশীর্বাদ করুন অমলদা, যে ভার আমরা স্বেচ্ছায় আমাদের হাতে তুলে নিয়েছি, তা যেন সুশৃঙ্খলে শেষ করতে পারি।”

অমল তাহার উচ্ছ্বাসে বাধা দিয়া বলিল—“আশীর্বাদ আমার কাছে চেও না মুণাল, যিনি সকলের জননী জন্মভূমি ভারতমাতা তাঁর আশীষ ধারা তোমাদের শিরে নিত্য ঝরে পড়ুক, এই আমার প্রার্থনা।”

মিঃ মুখার্জী অবাক হইয়া বলিলেন—“অমল তুমিই ‘ক সেই’ দেশ সেবক।”

মুণাল তৎক্ষণাৎ তাহার দিকে ফিরিয়া গাঢ়স্বরে বলিল—
“আজ্ঞে হ্যাঁ, ইনিই বাঙ্গলা মায়ের সুসন্তান আর আমাদের শিক্ষাগুরু! আমরা খুব আশা করছি যে ইনি আমাদের পতিত হিন্দু সমাজটাকে পুনরায় নতুন করে গড়ে তুলতে পারবেন।”

প্রশংসা বাক্যে লজ্জিত অমল মৃদুস্বরে মুণালকে বলিল—
“আঃ কী বাজে বকছ মুণাল, সামান্য মানুষকে এতটা বাড়িয়ে তোলা তোমার উচিত হয় নি। না কাকাবাবু ওর কোন কথা শুনবেন না।”

সামনেই মিঃ মুখার্জীর স্রবহৎ মিনার্ভা ‘কার’ খানি অপেক্ষা করিতেছিল। মিঃ মুখার্জী অমলকে ডাকিয়া বলিলেন—“এসো বাবা অমল।”

দেশ-বন্ধু

“ক্ষমা করুন, পাঁচ মিনিটের মধ্যেই আমি ফিরে আসছি।”
বলিতে বলিতে অমল সেই বিপুল জনমণ্ডলীর মধ্যে হ্রিত পদে
চলিয়া গেল ! কিছুক্ষণ পরে সে ফিরিয়া আসিয়া ‘কারে’ উঠিয়া
বসিল। সোফেয়ার ষ্টার্ট দিল।

—তিন—

গাড়ীর মধ্যে বসিয়া অমল একবার নিজের কোতুহলী চোখ দুইটা বুলাইয়া সকলের মুখের ভাবগুলি দেখিয়া লইল। সহসা আলোক বলিল—“আচ্ছা মিঃ চৌধুরী, এই মোটা খদ্দেরের কাপড় চাদরে আপনার কষ্ট হচ্ছে না?”

অমল স্নিগ্ধ স্বরে বলিল—“কষ্ট, কিছুমাত্র না; বরঞ্চ আপনি একবার ব্যবহার করে দেখবেন যে আমাদের এই দেশীয় মোটা পরিচ্ছদ কত আরাম প্রদায়ক। আঃ ঐ বিলাতী কোর্ট, প্যান্ট, কলার, নেকটাই যেন এক একটা বন্ধনী। আমার তো মনে হয় যে গলায় কলার নেকটাই লাগালে দম বন্ধ হইয়ে যাবে। কিন্তু আমাদের এই গুল্ল সরা পাড় ধুতি খানির ভাঁজ খুলে পরলে মনে হয় যেন সারা অঙ্গে নির্মল টাঁদের স্নিগ্ধ রজত ধারা ঝরে পড়লো! পাতলা কোঁচান চাদরখানির প্রতিটি কুঞ্জন যেন নদীর বুকের এক একটি হিল্লোল। তবে সকলকার মনোভাব কিছু একরকম নয়, আপনি আমাকে বস্ত্র সম্বন্ধে জিজ্ঞেস করলেন তাই বললাম।

দেশ-বন্ধু

সত্যি বলুন দেখি, ঐ সমস্ত আঁটা আঁটা পোষাক পরে কোথাও হাত, পা মেলিয়ে বসবার জো আছে ?”

আলোক চিন্তিতভাবে বলিল—“কতকটা সত্যি বটে কিন্তু দু’দিন পরে যখন কোর্টে বেরুবেন, তখন তো বাধ্য হয়ে আপনাকে এ দেশীয় পরিচ্ছদ পরিত্যাগ করতে হবে।”

অমল স্বরের উপর জোর দিয়া বলিল—“সে আমি ভেবেই রেখেছি, কোর্টে আমি বেরুচ্ছি না।”

বিনা মেঘে সহসা বজ্রপাত হইলেও লোকে অতটা চমকাইয়া উঠে না, যতটা অমলের কথায় মোটরগুচ্ছ লোক চমকিয়া উঠিলেন।

মিঃ মুখার্জী মস্তকের কেশ বিরল স্থানটায় হাত রাখিয়া বলিলে—“বল কি অমল, চাকরী করবে না ?”

দ্বিধা-লেশ-বর্জিত সরল স্পষ্ট ভাষায় অমল বলিল—“না কাকাবাবু।”

“অমল—কথাটা বলবার পূর্বে বিবেচনা করে দেখেছ কী ?”

“খুবই বিবেচনা করে দেখেছি কাকাবাবু। এই এতদিন ধরে বিবেচনা করে করে শেষ সিদ্ধান্তে উপনীত হয়েছি যে, মিথ্যার নামাস্তুর সত্য জিনিষটাকে শাস্ত্র এবং সমাজ নীতির দোহাই দিয়ে মেনে চলতে পারব না। সেই যে চিরাচরিত ধরে

স্বাস্থ্যহীন দুর্বল অলস বাঙ্গালীর মুখে অবিরত শোনা যাচ্ছে হা চাকুরী, যো চাকুরী, চাকুরীই প্রাণ। ছিঃ ঘৃণা ধরে গ্যাছে, না কাকাবাবু ও পথে চলতে আমি বড়ই নারাজ জানবেন।”

মিঃ মুখার্জী সংশয়পূর্ণ কণ্ঠে বলিলেন—“তবে বিলেতে গিয়ে সিবিল সার্ভিস পাশ দিলে কেন অমল?”

“দিলেই বা কাকাবাবু, শিক্ষাতে কি কোন দোষ আছে? কিন্তু হীন দাসত্ববৃত্তিতে জীবন যাপন করাটাকে, আমি অন্তরের সঙ্গে ঘৃণা করি।”

মিঃ মুখার্জী মাথা নাড়িতে নাড়িতে বলিলেন—“বাপু এখনো ছেলেমানুষ আছ তুমি। আমি ঐ সমস্ত দেখে দেখে চুল পাকালুম, এখন এই স্বদেশীর ঢেউটা নূতন, দেশে আমদানী হয়েছে তাই তোমাদের তরুণ মনগুলি অতি সহজেই আকৃষ্ট হয়ে পড়েছে। দেখতেই পাবে কিছুদিন পরে ওর স্বরূপ মূর্তিটা!”

অসহিষ্ণুকণ্ঠে অমল বলিল—“স্বরূপ মূর্তি ওর আর কী দেখব বলুন, দেখাদেখি তো আমার মনে। আমি তো ইচ্ছে করলে এখনই এ সমস্ত ছেড়ে-ছুড়ে পরের গোলামী—বা আজকালকার বাঙ্গালী জাতির প্রধান হয়ে দাঁড়িয়েছে তাই করতে পারি, কিন্তু কেন তা করব? দেশ আমার আরাধ্যা জননী। কাকাবাবু মাকে আমি ত্যাগ করব? মায়ের প্রাণে আপনি ব্যথা দিতে বলেন?”

দেশ-বন্ধু

নেলি আর চুপ করিয়া থাকিতে পারিল না। সে সহসা বলিয়া বসিল—“মায়ের মনে কষ্ট ! ডেপুটী ম্যাজিষ্ট্রেট ছেলে হলে মার প্রাণে আনন্দ হয় না, এ যে বড় আশ্চর্য্য কথা বলছেন মিঃ চৌধুরী ?”

অমল শাস্ত্র অথচ দৃঢ়কণ্ঠে বলিল—“আনন্দ হবে না কেন নীলা হয়, কিন্তু সেটা বেশীর ভাগই অশিক্ষিতা মাতার। কিন্তু আজকালকার নবযুগের শিক্ষিতা হিন্দু জননী, সন্তান প্রতিপালন করবার সময় প্রার্থনা করবেন না যে ছেলে আমার হাকিম হয়ে বিদেশীর পদলেহন করুক। এক মায়ের কোল ছেড়ে বড় হয়ে যে মায়ের দেওয়া অন্ন মুখে তুলেছি—সারা বছর যিনি আমাদের পুষ্টিকর খাদ্য যোগাচ্ছেন, নানান দেশের নানান ছবি চোখের সামনে ধরে সত্যের পথ দেখিয়ে দিচ্ছেন, যিনি জ্ঞানের আলো জ্বলে আমাদের ভবিষ্যতের আঁধার দূর করবার জ্ঞান চেষ্টি করছেন, সেই চির স্নেহময়ী মা-টি যদি আজ হাজার হাজার স্নেহ, কষ্ট সন্তানদের কাছ হ’তে সহানুভূতি না পান, সেই মায়ের চোখের জল যদি গড়িয়ে পড়তে থাকে...তা হ’লে সন্তানদের প্রাণে ব্যথা লাগা উচিত কি অযুক্তি সেটা তুমিই তো বিবেচনা করে দেখতে পার নীলা!”

আবার সেই জীর্ণ, পুরাতন সন্তাষণ—নালা ! খোঁচা দিয়া খোঁচা খাইয়া নেলি বাহিরে চুপ করিল কিন্তু অন্তরে তার

স্ক্রু রাগ, রোয সমুদ্রের মত গর্জন করিয়া ফেনাইতে লাগিল। গর্তের ভিতরে আহত ভূজঙ্গ যেমন মাটি ফাটাইতে না পারিলে রুদ্ধ রোষে নিজের মাথা নিজেই আছড়াইয়া ভাঙ্গে, ঠিক তেমনি বাক্যের দ্বারায় অমলকে পরাজিত করিতে না পারিয়া নেলি ফুলিয়া ফুলিয়া উঠিতে লাগিল। ক্রমে ‘হর্ণ’ বাজাইয়া মোটার কম্পাউণ্ডের মধ্যে প্রবেশ করিল। ব্যথা ও অভিমানের ভারে প্রপীড়িতা নেলি অন্ধ দিকের দ্বার খুলিয়া নামিয়া পড়িল। দ্বিতলের ভিজিটর রুমে অমলকে বসাইয়া মিঃ মুখার্জী বলিলেন—
“এইখানে একটু বিশ্রাম কর বাবা আমি একবার উপরে যাই, এস আলোক।”

বারাকপুরের ঠিক গঙ্গার ধারেই মিঃ মুখার্জীর প্রকাণ্ড সৌধ। সম্মুখে দুই ধারে দুইটি রাস্তা সর্পাকারে আঁকিয়া বাঁকিয়া একটি গঙ্গার কোলেতে মিশিয়া গিয়াছে, অপরটি গাছের ছায়ায় ছায়ায় আপনার ক্ষীণ দেহখানি বিস্তার করিয়া চলিয়াছে কোন্ অসীম বিশাল পথে ভিড়িবার জন্ত। গঙ্গাবক্ষে কাঁপন জাগাইয়া সাদা সাদা ‘স্ট্রিম লাক্স’গুলি শরতের শুভ মেঘশিশুর মত হাল্কা গতিতে নাচিয়া নাচিয়া ছুটিতেছে। বাম ধারে অনেকটা খোলা জমী পড়িয়া নষ্ট হইতেছিল, মিস মুখার্জীর ইচ্ছায় বা আবদারে সে স্থানটির আগাছা ও কাঁটাবন ঘুচিয়া এক্ষণে শ্রামল শম্পবিস্তৃত সু-বিস্তীর্ণ ‘টেনিস কোর্টে’ পরিণত হইয়াছে। দক্ষিণে

দেশ-বন্ধু

বাগানের শোভা বর্ধন করিতেছে নানারকম বিলাতী ফুলের গাছ এবং পাতা বাহারে লতা, মধ্যে মধ্যে হোয়াইট রোজের গোল গোল কেয়ারী। আকাশ আজ ঘন ঘটাচ্ছিল। মেঘের কোলে নিকষ কালো থমথমে মেঘগুলি এলাইয়া স্থির হইয়া রহিয়াছে, কোথাও এতটুকু ফাঁক নাই। চতুর্দিক কেমন যেন মৌনতায় ভরা। সারা বিশ্ব সংসারটাও কেমন যেন অজানা ব্যথায় আশঙ্কায় স্তব্ধ মূক হইয়া দাঁড়াইয়া রহিয়াছে। আকাশের এই গুমরাণী...প্রকৃতির এই এলান ভাব দর্শনে, দীর্ঘকাল স্বজন পরিত্যক্ত প্রবাস প্রত্যাগত যুবকের মনের মধ্যে বিশ্বের বিরাট ক্ষুধা মূর্ত হইয়া জাগিয়া উঠিল। তাহার সন্মুখে দুইটি পথ...কোন পথে সে যাইবে? একদিকে কঠোর কর্তব্য...অন্যদিকে অগাধ বিষয়ের সাথে স্তন্দরী তরুণীর বুকভরা ভালবাসা...কোথায় সে যাইবে? মন তাহার চঞ্চল হইয়া ছুছ করিয়া উঠিল। সে একটু ব্যাকুল স্বরে ডাকিল—“নীলা।”

নেলির চমক ভাঙাইয়া সে স্বর মর্মের পর্দা ছিঁড়িয়া ভিতরে গিয়া পৌছাইল। তাহার মুখের কাঠিন্য ভাব ঐ একটি মিষ্টি মধুর বাণীতে গলিয়া কোমল হইয়া গেল। সেও মৃদু মধুর স্বরে বলিল—“কী বলছেন মিঃ চৌধুরী? ওঃ কত রাত হয়ে গ্যাছে দেখছেন—বাবা যে আমাদের অনেকক্ষণ উপরে যেতে বলে গেছেন কিন্তু.....”

“কী কিন্তু নীলা?”

“আমার একটি কথা রাখবেন?”

অমল গলার স্বর কোমল করিয়া বলিল—“বল—সাধ্য হয় নিশ্চয় রাখব।”

নেলি একটু থামিয়া পরে বলিল—“অন্ততঃ এ সময়টা আপনার বেশ পরিবর্তন করে ফেলাই উচিত, যেহেতু সেখানে আমার অনেকগুলি বন্ধুবান্ধব এসেছেন...”

“ধাম দেখি নীলা—তোমার কথার ভাব বুঝতে পারছি না আমি। এলেনই বা তোমার বন্ধুবান্ধব, আমার এই বেশে কী এমন ভয়ঙ্কর পদার্থ আছে...যে দেখলে তাঁরা ভয় পাবেন বা ঘৃণা করবেন? না নীলা, তোমার এ অগ্রায় আবদার আমি রাখতে পারলাম না, বেশ আমি ছাড়তে পারব না। আশা করি আমার যে প্রিয়জন, সেও যেন এই রকম দীন বেশে সমাজে মেশে।”

নেলি পা হইতে মাথা পর্য্যন্ত ছলিয়া উঠিল। মুখটাকে সে ষথাসম্ভব নীচু করিয়া ক্ষুব্ধস্বরে বলিল—“আমাকে বার বার ব্যথা দিয়ে আপনি কী খুব সুখী হচ্ছেন মিঃ চৌধুরী?”

বিস্মিত নয়নে অমল নেলির মুখের পাঁনে তাকাইয়া বলিল—
“ব্যথা দিচ্ছি আমি তোমায়! এ কী কথা নীলা, আমার কোন কথার আঘাতে তুমি ব্যথা পাচ্ছ আমি যে কিছুই বুঝতে পাচ্ছি না?”

দেশ-বন্ধু

চোখের জল চোখে চাপিয়া নেলি বিষাদব্যঞ্জক স্বরে বলিল—
“নাঃ কিছু মনে করবেন না, আমারই বলবার ভুল।”

অস্থিরভাবে চেয়ার ছাড়িয়া সে উঠিয়া দাঁড়াইল, পরে অশ্রুমনস্ক ভাবে জানালার স্থল নেটের পর্দাখানি টানিয়া টানিয়া সোজা করিতে করিতে অমল ডাকিল—নীলা।

নেলি তাহার বাষ্পাকুল নেত্র ক্ষণেকের তরে অমলের বিশাল আঁখির পরে নিবদ্ধ করিয়া নতমুখী হইল। অমল একটু সরিয়া আগিয়া বেদনাবিদ্ধ স্বরে বলিল—“নীলা, বহুদিন পরে স্বদেশে ফিরে এসে তোমাদের মুখ দেখে আমার চির দুর্ভাগ্যময় জীবন আবার বহুদিনের অনাগত আশার আনন্দে মেতে উঠেছিল। কিন্তু এখন দেখছি—যে আমার কথায় তুমি ব্যথা পাচ্ছ, কাকাবাবু গম্ভীর হয়ে উঠছেন, আরও কত কি। নীলা, যখন আমি আমার সঙ্গর ছাড়তে পার্বনা—তখন এমনিতর দুঃখ আরও যে কত লোককে দেব তা কে জানে? যাক্ এ মীমাংসা পরের জন্তে তোলা থাক্ এখন এস। রাত অনেক হয়ে গ্যাছে।

ত্রিতলের সুসজ্জিত হলঘর থানি আহৃত অতিথি মণ্ডলীতে পরিপূর্ণ। নেলিকে লইয়া অমল তথায় উপস্থিত হইতেই অসংখ্য কণ্ঠ হইতে উথিত হইল, “ওয়েলকাম্ মিঃ চৌধুরী, আমরা আপনাকে ‘কংগ্রেসচুলেট’ করছি।”

অমল হাসিমুখে সকলকে যথাযোগ্য সম্ভাষণে আপ্যায়িত করিয়া

একখানি সোফার উপরে বসিয়া পড়িল। তারই পাশের চেয়ার হইতে আলোক বলিয়া উঠিল—“জানেন মিঃ ডাট—বিলেত হ’তে ঘুরে এসে ইনি দেশের হিতার্থে উঠে পড়ে লেগেছেন, আচ্ছা মিঃ চৌধুরী, কি করলে দেশহিতৈষী হওয়া যায় আমাদের অনুরোধ করে শিখিয়ে দিতে পারেন? বোধ হয় পথে ঘাটে খদ্দর প্রচারের জন্ত খুব জ্বালাময়ী ভাষায় লেখচার দিলেই হয়, না? ওঃ আপনি এখনও সেই খদ্দর পরে রয়েছেন যে দেখছি, না না ছেড়ে ফেলুন মিঃ চৌধুরী, নিজের শরীরকে অতখানি কষ্ট দেবেন না, রেবা তুমি পরবে অমনি কাপড়?”

আলোক পরিহাসের সুরে শেষোক্ত কথাগুলি পার্শ্বোপবিষ্টা এক তরুণীকে লক্ষ্য করিয়া বলিল। রেবেকা তৎক্ষণাৎ চোখে মুখে দারুণ ঘৃণা ফুটাইয়া বলিল—“বাবা, ও পরে বোধ হয় এক সেকেণ্ডও আমি থাকতে পারি না, উঃ কি ভয়ঙ্কর মোটা স্ত্রীতায় তৈরী!”

অমল তাহার দিকে ফিরিয়া ধীরস্বরে বলিল “দেখুন মিসেস বোস সকলকার রুচি কিছু সমান নয় এ জিনিষটাকে আমি ভালবাসি তাই ব্যবহার করি, কিন্তু এটা এমন কিছু নিন্দা বা উপহাসের নয়। সনাতন পদ্ধতি অনুসারে, আমাদের মোটা কাপড়, এবং মোটা ভাতেই সন্তুষ্ট থাকার বিশেষ দরকার। আমাদের পূর্বতন পুরুষরা কিছু বিলাতী চাল চলনে অভ্যস্ত

দেশ-বন্ধু

ছিলেন না—কিন্তু তাঁদের মতন যথার্থ স্মৃতি, সরল প্রাণ মহানুভব ব্যক্তি, আজকাল সারা ভারত খুঁজলে বোধ হয় মুষ্টিমেয় মেলে।’

অমলের কথায় ব্যঙ্গ করিয়া আলোক বলিল “জানেন তাঁদের মধ্যে অধিকাংশ পুরুষই ছিলেন অশিক্ষিত, তাঁদের ভালমন্দ বিচার করবারই ক্ষমতা ছিল না। আত্মসম্মান বা আত্মমর্যাদা যে কাকে বলে বোধ হয় তাই জানতেন না। কেবল হাঁটুর ওপর কাপড় পরে পরনিন্দা আর পরচর্চায় দিন কাটাতেন। তাঁরা জানতেন সমাজে দলাদলি বাধাতে...কায়র পাপ হ’তে চুণ খসলে সামান্য দোষেই তাকে গলাবাজী করে একঘরে করতে। কিন্তু এটাও জানবেন মিঃ চৌধুরী—অসভ্যের মত হুঁকো হাতে নিয়ে আর্কফলা নেড়ে শুধু শাস্ত্রালোচনা করলেই হয় না, পাশ্চাত্যের খবরগুলোও একটু একটু জানার দরকাব।”

আলোকের এই প্রচ্ছন্ন বিদ্রোপের ভঙ্গীতে কথা বলিবার ধরণ দেখিয়া গৃহমধ্যে একটা চাপা হাসির মুহূ গুঞ্জন শ্রুত হইল।

পিতৃপুরুষদের প্রতি একজন শিক্ষিত হিন্দু যুবকের এইরূপ হীন ধারণা দেখিয়া অমলের সর্বশরীর রী রী করিয়া জ্বলিয়া উঠিল। সে ভাবিল ছিঃ ছিঃ এই কি নৈতিক উচ্চ শিক্ষার ফল! মনের ভাব গোপন করিয়া বলিল—“মিঃ বোস, পাশ্চাত্যের খবর তাঁরা রাখুন আর নাই রাখুন এটা আপনাকে স্বীকার করতেই হবে যে লোকের বিপদে শিক্ষিত নামধারী রিলাতী খোলসে

ঢাকা, আজকালকার সভ্য সমাজ নেতাদের মত পিছন ফিরে বলতে পারতেন না যে ও সব ছোটলোকদের কে দেখবে, আমাদের মহামূল্য সময় নষ্ট হবে। কিম্বা কোন দুঃস্থ পরিবার সাহায্যের আশায় প্রার্থী হয়ে দাঁড়ালে হয় গেটের ভোজপুরী দারোয়ানদের পাকা লাঠির বহর দেখেই ফিরতে হতো... আর ওরি মধ্যে যাঁর বড় কপাল জোর বোধ হয় বিশ্ব বিজ্ঞালয়ের ছাপ মারা, তাঁদের হয়ত বাবুর সরকার এসে বলে গেলেন— “আপনি অল্প সময়ে আসবেন, বাবু এখন গার্ডন পাটিতে চললেন।” এই যে আজ যাঁরা অল্প সমস্তা, বস্ত্র সমস্তা বলে মুখে খুব তর্জন গর্জন করছেন, তাঁদের মধ্যে যথার্থই কয়জন পল্লীগ্রামে গিয়ে অল্প ও বস্ত্র সমস্তা সমাধান করবার জন্ত চেষ্টিত হচ্ছেন বলুন তো? কত পরিবার যে না খেতে পেয়ে ঘরের কোণে মুখ বুজিয়ে মারা পড়ছে সে খবর কি তাঁরা একবারও কন্ঠের অবসরে রাখেন? কেন আজ বাঙ্গলায় এমন দুর্দশা! আগেকার সেই অশিক্ষিত মহাপুরুষরা নেই বলেই—আর গুস্তির মধ্যে যাঁরা আছেন তাঁদের ছাড়া, প্রায় অর্ধেক বিদ্বান ও ভদ্রমণ্ডলীরা প্রতীচ্যের মোহে প্রাচ্যের সমস্ত রীতি, নীতিগুলি ভুলে বসে বসে আছেন। তাই আজ সারা ভারতে হাহাকারের ঢেউ বয়ে চলেছে, সে হেতুই বাঙ্গালী আজ অন্তের কাঙ্গাল। একদিন যাঁরা নিজের হাতে চাষ করে সোণা ফলিয়ে স্ত্রী পুত্র, আত্মীয়,

দেশ-বন্ধু

বন্ধুবান্ধব পরিবেষ্টিত হয়ে, দীন দুঃখীকে প্রতিপালন করে হেসে খেলে দিন কাটিয়ে গেছেন, আজ তাঁদেরই বংশধরেরা লাজল ধরা কাজটাকে অপমান বলে বোধ করেন। তাই আজ ত্রিশটা টাকার জুত পরের দ্বারে গোলামী করতে দ্বিধাবোধ করেন না। নিজের সুস্থ শরীর, কৰ্মক্ষম সবল বাহু থাকতেও আজ বাঙ্গালী শক্তিহীন, বল বীৰ্য্যহীন কেন? সেটা আজকালকার এই আবহাওয়ার চেউয়েতেই না?”

উত্তেজনায় অমলের কণ্ঠস্বর কাঁপিতে লাগিল।

“তাহ’লে মিঃ চৌধুরী তোমার মনে এই ধারণা বদ্ধমূল হয়ে গ্যাছে যে শিক্ষা, জ্ঞানচর্চা সমস্ত ছেড়ে দিয়ে পল্লীগ্রামে গিয়ে চাষ আবাদ করলেই যথার্থ মানুষ তৈরী হয়। তা হলে সি, আর দাশ প্রমুখ অন্যান্য মণীষীদের বিলাত গিয়ে ডিগ্রী নিয়ে আসাই অন্যায় হয়েছে কেমন?”

অবজ্ঞাভরে মিঃ ডাট্ রেবেকার পিতা ভাগলপুরের ডেপুটী ম্যাজিস্ট্রেট এই কথাগুলি বলিয়া গেলেন। অমল সেই দণ্ডে যুক্তকর কপালে ঠেকাইয়া গাঢ়কণ্ঠে বলিল—“ওঃ ওকথা বলবেন না মিঃ ডাট্—তাঁদের প্রতি লক্ষ্য করে আমি কথাগুলি বলিনি, মহাত্মা গান্ধী বা দেশবন্ধু চিত্তরঞ্জন ও প্রধান প্রধান কৰ্মীদের ত্যাগ অপূৰ্ব্ব...অবর্ণনীয় কিন্তু আপনি, তাঁদের কথা ধচ্ছেন কেন? আমি তো বরাবরই বলে আসছি যে শিক্ষা চাই মূৰ্খ

দেশ-বন্ধু

হয়ে থাকলে চলবে না—শিক্ষা নেব আমরা—তা বিদেশীয় হ'লইবা—কিন্তু শিক্ষার সঙ্গে সঙ্গে তাদের অনুকরণে চলে, আমাদের স্বাধীনতাটুকুকে নষ্ট হতে দেব কেন? আমার এই ইচ্ছে যে আমরা যেন প্রকৃত হিন্দু বলে সবার কাছে মাথা তুলে গর্বভরে দাঁড়াতে পারি।

অমলের সুন্দর মুখখানি কী অপূর্ণ ছাতিতে উদ্ভাসিত হইয়া উঠিল। সমস্ত কক্ষ নীরব। সহসা রেবেকা উঠিয়া আসিয়া অনুরোধ করিয়া বলিল “প্রাচ্য আর প্রতীচ্যের হাঙ্গামা ফেলে একবার উঠে পড়ুন তো দেখি। নিন্ দেরী করবেন না মিঃ চৌধুরী।”

অমল উঠিয়া চেয়ারখানা সরাইয়া বিনীত কণ্ঠে বলিল “আপনারা আমাকে ক্ষমা করবেন, কেন না আমি এতগুলি কথা কাউকে বলি নি। তবে মনটায় ভারী আঘাত লেগেছিল তাই এতগুলি অপ্রিয় অবাস্তব কথার অবতারণা করে ফেলেছি।”

—চার—

রেবেকার সহিত লাইব্রেরী রুমে আসিতেই অমলের দুই নয়ন ধাধিয়া গেল। এ কী উজ্জ্বল মধুর—আলো ও ছায়ার একত্র সমাবেশ...! তাহার মনে হইল সে মর্ত্যলোক ছাড়িয়া যেন স্বপ্ন মাধুরীর স্নিগ্ধ জড়িমা মাখা অচিন্ রাজ্যে অনাহৃত পথিকের মত আসিয়া পড়িয়াছে, এখানকার যাহা কিছু সবই যেন মধুর রসে সিঞ্চিত...কী একটা অজানা পুলকের সাড়া পাইয়া তরুণের সর্বশরীর কাঁপিয়া ছুলিয়া ফুলিয়া উঠিল। ইহার পূর্বে সকলের নিকট হইতে ঘৃণা ও তাচ্ছল্যের আঘাত পাইয়া তাহার সমস্ত মনখানি বিষাইয়া উঠিয়াছিল। এখন যেন শিশিরসিক্ত দীর্ঘ ধরণীর বুকখানির উপর বসন্তের সুরভি মলয় বহিয়া গেল, নির্জন শুষ্ক বনানীর বুকে আবীর যেন লতাগুলি ফুলে ফুলে বিকশিত হইয়া উঠিল। অন্তরে তার বেদনার স্থানে অসীম তৃপ্ততা ভরিয়া উঠিল। ভাবের সাগরে ভাসমান অমলের মনখানি যখন সীমা নির্দেশ করিতে পারিতেছিল না সেই সময়

কাহার তীক্ষ্ণ কণ্ঠস্বর তাহাকে সচকিত করিয়া ধাক্কা মারিয়া মাটির রাজ্যে ফেলিয়া দিল।

“বাঃ বেশ হয়েছে নেলি, এইবার তোর টুকটুকে পা দুখানি রান্না আলতায় রঙ্গীন হয়ে উঠবে। জানেন মিঃ চৌধুরী, আপনাদের মিলন দিনটা শেষ হয়ে গেলে আপনাদের বাড়ী গিয়ে একবার নতুন রাঁধুনীর রান্না খেয়ে আসব, দেখব বাঙ্গালা গৃহিণী নেলী আমাদের কেমন রাঁধতে শিখেছে, কি বলিস্ ভাই চেরী?”

স্বপ্নরাজ্য হইতে অমলকে যেন ঠেলিয়া কে পৃথিবীর নিষ্করণ বৃকে ফেলিয়া দিল। মুহূর্ত্তে আবার তার মনখানি তিক্ততায় ভরিয়া উঠিল। আঃ কোথায় সে যায়! দে প্রেমের জাল হইতে মুক্তি পাইল ভাবিয়া সে রেবেকার সহিত এখানে আসিয়া তৃপ্তিলাভ করিল আবার ঘুরাইয়া ফিরাইয়া সেই কথা! এখানেও তাহার নিষ্কৃতি নাই গো। অমল মন হইতে সমস্ত দ্বন্দ্ব জোর করিয়া ঝাড়িয়া বেশ সংযত স্বরেই বলিল—“মিস্ দাশ, ভাত রান্না আর আলতা পরাটা কি ভয়ানক শক্ত কাজ?”

মিস্ দাশকে আর উত্তর দিতে হইল না, রেবেকা তাহার কথার উত্তর দিল—“বাবাঃ যে পারে সে জন্ম জন্ম ভাতই রাঁধুক গিয়ে, কিন্তু আমি তো কক্ষণে পারব না; কী একটা বিশ্রী রঙ সারা পাংটায় লেপে থাকবে, ছিঃ কাপড় চোপড় নষ্ট....আর ভাত

দেশ-বন্ধু

রাঁধবার সময়ই বা আমার কখন? সারাদিন মিটিংএ মিটিংএ ঘুরতেই আমার এক লহমা টাইম থাকে না, তবে আমার এই ননদটি ও-সকল বিষয়ে খুব পটু। এ বোধ হয় আপনারই ধাতে গড়া, কি বল ফাস্তুনী?”

বাহাকে লক্ষ্য করিয়া রেবেকা কথামূলি বলিল সমস্ত বিশ্বের লজ্জা মাথিয়া তাহার আরক্ত মুখখানি ঝুঁকিয়া পড়িল। অমলের শাস্তোজ্জ্বল দৃষ্টি, অনাড়ম্বর পরিচ্ছদ, সংযত মিষ্ট ভাষাগুলি কী সুন্দর! ফাস্তুনী ভাবিল তাহার এই দামা দামা সাড়ী ব্লাউসের কোন মূল্যই নাই। হঠাৎ তাহার দৃষ্টি সন্মুখস্থ দর্পণে গিয়া পড়িল...সে শিহরিয়া উঠিল। আজ তাহার পোষাকগুলি যেন উপহাস করিয়া উঠিল। নিজের দৈন্যতায় কুণ্ঠিতা, শ্রামলা তব্বীটি অন্তরাল খুঁজিতে লাগিল।

“আহা ফাগুনকে নিয়ে টানাটানি কর কেন রেবা ও বেচারী তোমাদের দল ছেড়ে পালিয়ে যাচ্ছে যে, দেখছ কী?”

আকস্মিক স্বামীর আগমনে স্তম্ভিতা রেবেকা স্থলিত ভাষায় বলিল—“ওরে বাসরে...বোনের পরে দরদ যে উথলে উঠছে। সত্যি কথা বলেছি, তাতে হয়েছে কী, আমি কি ফাগুনকে ঘর থেকে যেতে বলেছি না কি?”

রেবেকার মুখের উপর স্থির দৃষ্টি নিবদ্ধ করিয়া আলোক বলিল—“না বল, কিন্তু ফাগুনের সম্বন্ধে অত্যাঁ দোষারোপ

করছ যে রেবা ! তুমি কি ভেবেছ যে ও-ও এই ছেলেমানুষী খেয়ালে মাতবে ?”

রেবেকা ব্যঙ্গোক্তি করিয়া বলিল—“দেখো পরে কি হয়, কিন্তু তোমায় তো এখানে আমি ঝগড়া কর্তে ডাকি নি, তুমি এখানে এলে কেন ?”

“কি আর করি বল রেবা...মিঃ চৌধুরীকে তোমরা এতগুলি মিলে ছেকে ধরে যে রকম অনবরত বাছা বাছা কথার বাণ বর্ষণ করে যাচ্ছ, তাই ওঁর হয়ে ছু’ চারটে কথা বলবার জন্তে ওখানকার মজলিস ছেড়ে এখানে এলাম। দেখছেন মিস্ মুখার্জী... আপনার বন্ধুটি আমাকে তাড়িয়ে দিতে পারলে যেন বাঁচেন, এর উপায় কী করি বলুন তো লক্ষ্মীটির মত।”

নেলি হাসি চাপিয়া বলিল—“সত্যি রেবা আজকাল ভারী জুই হয়ে পড়েছে, মিঃ বোস্—আপনি আমার কথা রেখে ঐ চেয়ারখানিতে স্বচ্ছন্দে বসতে পারেন, দেখি রেবা একবার কী বলে।”

আলোক নেলির চম্পকাস্থলার নির্দেশমত রেবেকার পাশের চেয়ারখানিতে বসিয়া পড়িয়া কৃতজ্ঞভরে নেলিকে বলিল—“ধন্যবাদ আপনাকে ! নাও রেবা এইবার তোমার কি বক্তব্য আছে বলে ফেলো, কেন না বিচারের সময় উদ্ভীর্ণ হয়ে যাচ্ছে !”

দেশ-বন্ধু

রেবেকা মনে মনে চটিয়া জুড়কণ্ঠে বলিল—“তোমার কথা-বলবার সময় এখন নয়।” সে ঘুরিয়া অমলের সম্মুখে চেয়ার টানিয়া বসিয়া বলিল—“জানেন তো মিঃ চৌধুরী, নেলি জ্যাঠামশায়ের কি রকম আত্মরে মেয়ে ! আর কিছুদিন পরে ওর সমস্ত ভার আপনার হাতে পড়বে, তাই আবশ্যক বোধে হু’ একটি প্রস্তাব করতে চাই, অবশ্য যদি আপনি রাগ না করেন।”

অমল বিব্রত হইয়া বলিল—“বলুন না কি বলবার আছে মিসেস্ বোস্, সত্যি, কোন বিষয়েতে মনের সন্দেহ পুষে রাখা ঠিক নয়।”

রেবেকা হাতের পাখাখানি নাড়িতে নাড়িতে মিহিস্বরে বলিল—“দেখুন, নেলি ঐ সমস্ত স্বদেশীয়ানা মোটেই পছন্দ করে না, তারপর চরকা ঘোরান, আর ঘর সংসারের উনকোটি কাজে একেবারেই অনভ্যস্ত। তাই বলছি আপনি যদি ঐ সমস্ত কাজে মত-টত্ গুলো বদলে ফেলেন তা হলে আপনাদের মিলনের পথে কোন অন্তরায়ই ঘটে না।”

রেবেকার কথায় অমল তড়িৎপৃষ্ঠের গ্রায় লাফাইয়া উঠিল—পরে লজ্জিতভাবে ‘অপ্রতিভমুখে অসাড় হইয়া রহিল। হায় রে এই তাহার কৰ্ম্মজীবনের সুখ সহায়তার সঙ্গিনী। অমল একবার চট করিয়া ফাল্গুনীর মুখের পানে তাকাইয়া দেখিল—কালো মেয়েটির মুখখানি ব্যাথার স্নানিমায় শুষ্ক হইয়া উঠিয়াছে,

দেশ-বন্ধু

শ্রামাভ তরুণীর পাণ্ডু মুখখানির প্রতি রেখায় রেখায় ক্ষণে ক্ষণে ফুটিয়া উঠিতেছিল যেন অস্তরের কী একটা নিরুদ্ধ কাতরতা নিবেদন-নিগড়-নিপীড়িতা অসহায়ার সকাতর আঁখিছুটি সকলের অলক্ষ্যে অমলের দীপ্ত চাহনীর নিকট হইতে নীরবে মৌন ভাষায় ক্ষমা মাগিয়া লইল।

মুহূর্ত্তে অমলের মন হইতে সমস্ত রাগটুকু সরিয়া গেল। সকলেই তাহা হইলে ইহাদের মত নিষ্ঠুর প্রকৃতির নহে...এই নিশ্চয় জগতে সমব্যয়ীও খুঁজিলে পাওয়া যায়? তাহার সারা চিত্ত এক অচিন্ত্যনীয় পুলকের উৎসাহে পরিপূর্ণ হইয়া উঠিল তাহার উৎসাহিত চোখে মুখে একটা আনন্দের চিহ্ন পরিস্ফুট হইয়া উঠিল। সে কণ্ঠস্বরে বেশ একটু উন্মার রেশ টানিয়া লইয়া বলিয়া উঠিল—“মিসেস্ বোস আপনার বন্ধু ঠিক যেটিকে পছন্দ করেন না, সেইটিই হচ্ছে আমার সমস্ত জীবনের কাম্যবস্তু, আমি এই রকম ভাবে দীন হয়ে জীবন যাপন করাটাকে বড় সুখের—বড় শান্তির বলে মনে করি...আমার এই আচার ব্যবহারে আপনারা সকলে অসন্তুষ্ট হচ্ছেন, সব বুঝতে পাচ্ছি... কিন্তু কি কর্কস, আমি যে সত্য ও শ্রায়েব আহ্বানে নবযুগের পথে চলা সুরু করে দিয়েছি—প্রলোভন যদি শত সহস্র মূর্ত্তি ধরে আমাকে স্নেহের আহ্বান করে—তবুও সে আমাকে ফেরাতে পার্কে না। আপনারা আমাকে স্বর্ণা করুন, আমাকে হৃদয়হীন বলুন,

দেশ-বন্ধু

আমি আপনাদের সমস্ত নিন্দার বিশেষণগুলিকে মূল্যবান ভূষণ বলে মাথা পেতে নেব—কিন্তু তবুও জানবেন যে আমার এই সঙ্কল্প শুভ তুষার কিরীট হিমগিরির মত অচল অটল—বাঙ্গালীর আজকাল একটা নিন্দে উঠেছে যে তারা কথার ঠিক রাখতে জানে না—এইবার দেখবেন যে বাঙ্গালী কথায় ও কাজে একই কিনা—আরও একটা কথা, আপনাদের এই রীতি-নীতি হতে আমার রীতি নীতি ঢের তফাৎ—আমার আদর্শ বহু উচ্চ...”

সহসা অমল মধ্যপথে থামিয়া গেল। সে রেবেকার অপমানহতা মলিন মুখের প্রতি চাহিয়া ভাবিল—ছি ছি আগে তাহার ভাবিয়া দেখা উচিত ছিল—যে রেবেকা একজন সামান্য নারী মাত্র...সে নিজের স্বভাব সুলভ চপলতাবশতঃ এই প্রশ্ন করিতে পারে, এবং সেই কথার পরে’ এতটা উত্তেজিত ভাবে তাহার উত্তর দেওয়াটা শীলতা সঙ্গত হয় নাই। মনের মধ্যে এই কথাগুলি জাগিয়া উঠিতেই সে আপন হইতেই কেমন যেন লজ্জিত হইয়া উঠিয়া কিছুক্ষণ নিস্তব্ধ থাকিয়া অন্ততপ্তমূরে বলিল—“ক্ষমা করবেন মিসেস্ বোস...আমার এই উদ্ধত কণ্ঠের রুঢ়তার জন্ত মাজ্জনা চাইছি।” কথাগুলি সে ইংরাজীতেই বলিয়া সহজভাবে সকলকে নমস্কার করিয়া লাইব্রেরী ঘর হইতে ধীর পদবিক্ষেপে প্রস্থান করিল।

*

*

*

*

নীলা—নীলা চুপ করে থাকলে চলবে না...আমার কথার একটা উত্তর দাও, জেনো যে তোমার এই একটা উত্তরে আমার সমস্ত জীবনের সুখ দুঃখ নির্ভর করছে—ওকি মুখ ফেরালে ? না না আমি একটা জবাব চাই, আমায় স্পষ্ট করে জানিয়ে দাও, আমার এ প্রস্তাবে তুমি রাজী আছ কিনা ?”

সিঁড়ি বাহিয়া নিমঞ্জিতেরা দ্বিতলে থাইবার ঘরে নামিতে ছিল...অমল সকলের পাশ কাটাইয়া নেলির পার্শ্বে দাঁড়াইয়া তাহার বাম হাতখানি চাপিয়া ধরিয়া আবেগভরে প্রশ্ন করিল, নেলি বিব্রতভাবে জড়িতস্বরে উত্তর দিল—“আজ, আজই—না থাক আজকে মাপ কখন, আমি এখনি এর জবাব দিতে পার্কি না।”

অমল ঘাড় নাড়িয়া বলিল—“না, তা হয় না নীলা—আমাদের এ জীবন মরণের সমস্তা আমি তোমার উত্তরে সমাধান কর্তে চাই বল।”

অমল তাহার প্রেমপূর্ণ উজ্জল নয়নদ্বয় নেলির মুখের পরে তুলিয়া ধরিল। মুখখানি ঘুরাইয়া নেলি কাতর স্বরে বলিল—“তাহ’লে কি বলতে চান যে এই সমস্ত আচার ব্যবহার আমাকে সব ছেড়ে দিতে ? এতদিনকার আজন্মের সংস্কার আমি কেমন করে ছাড়ি বলুন ?”

দেশ-বন্ধু

অমল ব্যগ্রস্বরে বলিল—“নীলা, তুমি কি আমার জন্তে তোমার সামান্য সুখটুকু ছাড়তে পার না?”

নেলি মাথা নামাইল—তাহার মুখে অসন্তোষের ছায়া ঘনাইয়া আসিতেছিল। অমল সেদিকে ক্রক্ষেপও করিল না, বিহ্বলকণ্ঠে বলিল—“এত অকরণ তুমি নীলা—আর স্বজনহীন বিলাতে যে তোমার স্মৃতি আমাকে অনুক্ষণ জাগিয়ে রাখত... আমার এত সুখের কল্পনায় গড়া স্বর্ণসৌধ তুমি এমন করে চূর্ণ করে দিও না—নাইবা হ’লো নীলা বাইরের মধ্যে কতকগুলো মুখস্থ ভড়ং যা আমি মোটেই ভালবাসিনা—আমরা পল্লীমায়ের নিরীলা জায়গাটিতে ছোট একখানি নীড় রচনা করে সমাজ সংসার লোকজনের হতে বহুদূরে একা দিন কাটাতে পারিনা কি?”

নেলি বিস্ময়াব্বিত স্বরে বলিল—“বলেন কি পাড়া গাঁয়ে যাব বাস করতে?”

অমল উচ্ছ্বাসভরে বলিয়া উঠিল—“হ্যাঁ সেথায় আমি আর তুমি থাকব, পল্লীমায়ের সেবা করব। আমি থাকব পুরুষদের উন্নতি সাধনে চেষ্টিত, আর তুমি আমার কল্যাণী হয়ে সেখানকার বালিকা ও রমণীদের শিক্ষা দেবে—সেথায় আমরা এক নূতন রাজ্য গড়ে তুলব, শান্তি, প্রীতি, মিলন, সাম্য, স্বাধীনতা এক হয়ে যাবে সেথায়...কোলাহল সেথা হতে দূরে পালাবে কেবল

দেশ-বন্ধু

চারিধারে অসীম শান্তি, আমার সুদূর কল্পনাকে সত্যে পরিণত কর্তে ?”

নেলি অপ্রসন্নভাবে বলিল—“সে হয় না। না না তাতে বাবাও মত দেবেন না।”

অমল নৈরাশ্রব্যঞ্জকস্বরে বলিল—“নীলা ওসব তো হলো বাজে ওজর—তোমার প্রকৃত মনোভাবটি কেবল আমায় খুলে বল।”

নেলি নিরুত্তর।

“বুঝলাম এতদিনে যে সত্য সত্যই আমার মুখ চাইবার কেউ নাই—আমার মতে অসম্ভবতঃ একজনও সম্মতি দিতে পারে না। আচ্ছা বেশ নীলিমা, তুমি যাতে শান্তিতে থাক করো—আমি আর তোমার চোখের সামনে আমার দীন হীন নগণ্য মূর্তিটাকে এনে ধরো না...ওঃ যাও তুমি স্বাধীন, আশীর্বাদ করি তুমি চিরসুখে থাক, যোগ্য পাত্রে আত্মসমর্পণ করে প্রীতিলাভ করো—আমি ভাবব যে হৃদিনের জন্তে কেবল অভাগাকে বিধাতা অমৃতের আশ্বাদ দিয়ে সুধার পাত্র কেড়ে নিলেন। কাল্বালের কাছে রত্নমন্দির চিরদিনের নিমিত্তই বন্ধ থেকে যায় নীলা সে একটা কেবল স্বপ্নমাত্র। যে আজন্ম পরের কাছে মানুষ হয়েছে, তার আবার উচ্চ আশা কেন? যা পেরেছি তাই যথেষ্ট, সেই পূর্ব্বেকার পুণ্যস্মৃতি আমার বুকে জেগে থাকবে অহোরহ। যাক,

দেশ-বন্ধু

আমার আজ এ একটা দায়িত্ব হতে মুক্তি লাভ হলো—হ্যাঁ, তবে যাবার পূর্বে একটা কথা বলে যাই—যে আমার মত এমন করে অল্প কোন লোককে আশা দিয়ে নিরাশার শ্রোতে ভাসিও না,— আর তার দীর্ঘনিশ্বাস কুড়িও না, এতে মর্মে বড় গভীর যা লাগে ।”

যাই তোমার মূল্যবান সময়ের আর অপব্যয় করো না— অমলের কণ্ঠে বিরাত ফোভ, গভীর নৈরাশ্য, মুক্তির আনন্দ একসঙ্গে একতালে বাজিয়া উঠিল। নেলির হাত ছাড়িয়া সে দ্রুতপদে সিঁড়ি অতিক্রম করিতে লাগিল। নেলি ক্ষণেকের জন্ত একবার বাহিরের গুমোটভরা স্তব্ধ রাত্রির অন্ধকারের পানে তাকাইল—পরে সে ভারাক্রান্ত চিত্তে নামিয়া ভোজনাগারে আসিয়া দাঁড়াইল। তাহার মনের অগোচরে দুইটি চক্ষু অজ্ঞাতে কোন্ বেদনা পীড়িত আশাহত ব্যক্তির সন্ধানে ফিরিতে লাগিল। কিন্তু সে তখন কোথায়! অমল একেবারে নামিয়া নির্জন বাগানের একপ্রান্তে দাঁড়াইয়া ঘন ঘন মাথাটাকে চাপিয়া ধরিতেছিল। নেলি লোকচক্ষুর অলক্ষ্যে ধীরে ধীরে বারান্দা পার হইয়া নিজের ঘরখানিতে আসিয়া সোফার উপর হেলিয়া পড়িল। অকারণে তার চোখের জলে সাগর উছলিয়া উঠিল। তার হৃদয়ের কোমল তারগুলি কী এক করুণ সুরে বন্ বন্ করিয়া বাজিয়া উঠিল।

— পাঁচ —

নীরব নিশীথ । আঁধার চতুর্দিকে আঁধারে ঘেরিয়াছে... কালো কালো মেঘগুলির বুকের পরে অসংখ্য উজ্জ্বল নক্ষত্র অমলকে যেন বিজ্রপ করিয়া মিটিমিটি হাসিতেছিল। অমল চোখের উপর হাত রাখিয়া বাগানের মধ্যে একখানি লোহার বেঞ্চের উপর শুইয়া, গাড়ী হইতে নামা আরম্ভ পর্য্যন্ত, আর এই কিছুক্ষণ আগে ঘটিয়া যাওয়া একটা অস্বস্তির অজানা ব্যাপারগুলি মনের মধ্যে শতবার নাড়িয়া চাড়িয়া দেখিতেছিল। অমলের বুক ফাটিয়া ভাঙ্গিয়া পড়িতেছিল—উঃ পৃথিবীর নারী জাতি কি এত স্বার্থপর—এত নিষ্ঠুর। তবে নারীকে স্নেহ স্বরূপিনী বলে কেন? তবে লোকে নারীকে এত মমতাময়ী বলিয়া উচ্চ আসন দিয়াছে কেন? কই তাহাদের হৃদয়ে তো দয়া-মায়া'র লেশমাত্রও নাই। নীলা নীলা...তুমিও লোকের প্রাণে কঠিণ বজ্র হানিতে শিখিয়াছ—কোথায় তোমার সেই কারুণ্যভরা একান্ত নির্ভরশীল কোমল অন্তঃকরণটি। হায় গো জাননা তুমি—যে তিল তিল করিয়া আমার অন্তরের মধ্যে কেমন করিয়া বাসা বাঁধিয়া বসিয়াছ, চিত্তের

দেশ-বন্ধু

আশা আকাঙ্ক্ষা তোমার কাছে জানাইতে গেলাম...অকরণ
ইহা তুমি মুখ ফিরাইলে...নির্দয়া তুমি আমার প্রতি ফিরিয়াও
চাহিলে না...তোমার ও কঠিন বুকের মধ্যে আমার স্থান নাই...
তবে কি সে স্থান অপরের অধিকৃত হইয়াছে...তাই কি ! উঃ
তবে একপক্ষে আমাকে বড় মুক্তি দিয়াছ...তোমার সহায়তায়
আমার এতটুকুও কৰ্ম সফল হইত না। অমল ভাবিয়া শিহরিয়া
চোখ মুদিল...আঃ এই সব হিন্দু রমণী সন্তানের জননী...মাতৃমূর্তি,
ইহাদেরই নিকট হইতে আমরা আবার সাহায্য চাহিতেছি !
এই সমস্ত বাহ্যিক এটিকেটের গণ্ডীর মধ্যে আবদ্ধ জ্বীলোকেরা
এঁরাই করিবেন মাতৃপূজা ! ইহাদের একটু প্রাণ খুলিয়া
হাসিলে সভ্যতার কঠিন নিয়ম ভঙ্গ হয় যাঁদের চাল-চলন
হাসি কথা সবখানিই পরের নিকট হইতে ধার করা...এঁরাই
আমাদের পুরাকালে শক্তির অংশ স্বরূপা আৰ্য্যনারী ! অমলের
হাসি আসিল, ভাবিল যে, ইহারা যেন দম দেওয়া কলের পুতুল।
চাবি ঘুরাইয়া ছাড়িয়া দাও খুব খানিক ফর ফর করিয়া ঘুরিয়া
বেড়াইবে...কিন্তু কাজ চাহিওনা ইহাদের নিকট তাহা হইলে
সৰ্বনাশ, কেবল সেই কালো মেয়েটী...সে যেন একরাশী বিলাতী
স্কুলের তোড়ার মধ্যে একটি আধফুটন্ত যুঁই বর্ণে না হউক
গন্ধটি বোধ হয় তেমনিই স্নিগ্ধ প্রাণমুগ্ধকারী...আঃ, সে যেন
ওদের দলভ্রষ্ট হইবার জ্ঞাত পথ খুঁজিয়া বেড়াইতেছিল। কিন্তু

ওরকম একটি কি দুইটি শাস্তির প্রলেপে দেশের এত বড় গভীর ক্ষত সূস্থ হইবে না—চাই ঐ রকম মাতৃমূর্তি প্রতি ঘরে ঘরে । অমল শাস্তির নিষ্কাশ ত্যাগ করিয়া উঠিয়া বসিল । পরে পকেট হইতে ক্ষুদ্র একখানি আলেখ্য বাহির করিয়া ভক্তিভরে মাথায় ঠেকাইয়া অস্পষ্টস্বরে আনমনে বলিয়া উঠিল—“বলে দাও আমায় দেবতা—যেন কর্তব্যব্রষ্ট না হই, যে নিষ্কাম ব্রতের অনুষ্ঠান তুমি দেখাইয়া দিয়াছ...যেন তোমার আশীর্ব্বাদে সেই মহাব্রতের হোমানলে আমার তুচ্ছ প্রাণটুকু আহুতি দিয়া ধ্বংস হতে পারি ।” এই পর্য্যন্ত বলিয়া অমল একবার উন্মুক্ত গগনের উপর দৃষ্টি নিবদ্ধ করিয়া উঠিয়া দাঁড়াইল—সহসা সেই ঘন অন্ধকারের মধ্য হইতে জোনাকীর আলোর মত কী একটা মৃদু আলোক দপ্ দপ্ করিয়া জ্বলিয়া উঠিল । নির্ভীক হৃদয় অমল সেই আলোর রেখা লক্ষ্য করিয়া অগ্রসর হইল । ছোট্ট একটা কামিনী গাছের অন্তরালে বসিয়া আলোক সেই মধ্য রাত্রে সিগারেট টানিতেছিল । অমল নিস্তব্ধ পদসঞ্চারে তথায় উপস্থিত হইয়া আলোকের পৃষ্ঠে হাত রাখিল । অতর্কিত আক্রমণে আলোক চমকিয়া ফিরিয়া বলিল—“ওঃ ‘গড্’ মিঃ চৌধুরী—আপনাকে যে এইখানে এমন অবস্থায় দেখব আশা করিনি—ভালই হলো আমার সঙ্গী মিলে গেল—বসুন এই খানটায় আঃ কী ঠাণ্ডা বাতাস, নিন্ একটা সিগার ধরুন ।”

দেশ-বন্ধু

অমল মৃদুকণ্ঠে ধন্তবাদ দিয়া বলিল—“ওটা আপনিই রাখুন.. আমি ও সমস্ত থাই না...; বলিয়া অমল আলোকের পাশের জায়গাটিতে বসিয়া পড়িল। আলোক বলিল...“বলেন কী এই নূতন যুগে আপনি এমন জিনিষ খান না। আশ্চর্য্য, ভারী আশ্চর্য্য...কিন্তু আমার এ চাই-ই, না হলে এক মিনিট চলে না”—

অমলও হাসিয়া উত্তর দিল...“তা হতে পারে...কিন্তু শুধু ঠাণ্ডা বাতাস উপভোগ করবার জন্তে যে এত রাতে নিরালায় বসে সিগারেট ধবংস কচ্ছেন না...এ আমি আপনার মুখের ভাব দেখেই বেশ বুঝতে পাচ্ছি।”

আলোক সিগারেটটা ছুঁড়িয়া পুনরায় সিগার কেস্ হইতে আর একটি সিগারেট তুলিয়া তাহাতে অগ্নিসংযোগ করিয়া বলিল “ঠিক ধরেছেন মিঃ চৌধুরী আপনার অনুমান ঠিক...আমি একটা বিষম সমস্যায় পড়ে গেছি।”

অমল কোমলস্বরে বলিল...“কি আপনার সমস্যাটি বলুনতো ? আচ্ছা তার আগে একটা কাজ করুন তো পরে ও সমস্যার মীমাংসা হবে।”

“কি কাজ মিঃ চৌধুরী ?”

“না এমন বিশেষ কিছু না...দেখুন আলোকবাবু...আমরা বাঙ্গলার ছেলে বাঙ্গালী, যার তার কাছ হ’তে ঐ মিঃ চৌধুরী

দেশ-বন্ধু

ডাক শুনে শুনে অধৈর্য্য হ'য়ে পড়েছি...অবশ্য বিলেতের কথা আলাদা...কিন্তু জরের সময় তেতো 'কুইনাইন' গলাধঃকরণ কর্ত্তে হয় বলে কি সুস্থ অবস্থায় সেটা ভাল লাগে...তেমনিই আজ আপনার মত একজন শিক্ষিত স্বদেশীয়ে়ের মুখে আমার নিজের মায়ে দেওয়া বাঙ্গলা নামটি শুন্তে বড় ইচ্ছে করে।”

আলোক অপ্রতিভ হইয়া বলিল...“মাপ করুন অমলবাবু, ইঁ্যা তাহলে আমার সে কথাটা শুনবেন কি?”

অমল আলোকের কাছে সরিয়া বসিয়া বলিল...“নিশ্চয়ই শুনব বলুন?”

“আচ্ছা তখন যে আপনি বল্লেন...দেশের হিতে প্রাণ দেবার মত লোক ভারতে মুষ্টিমেয় মেলে, এ কথাটা কি সত্য?”

“সত্য না তো কি ভাই,কই তেমন লোকতো আমি সংখ্যাভীত দেখতে পাই নে।”

আলোক সহসা বলিয়া বসিল “অমলবাবু আপনার অনুমতি পেলে আমি আপনার কিছুও সাহায্য করার জন্য কার্য্যক্ষেত্রে নামতে পারি।”

অমল একেবারে স্তম্ভিত হইয়া গিয়াছিল...সে যন্ত্রবৎ বলিল... “সে কী আপনি! একি সম্ভব...আলোকবাবু? আপনার মুখে অশ্রু ধরণের কথা শুন্ছি। না না, এ বিশ্বাসযোগ্য নয়।”

ইঁ্যা অমলবাবু আজ রাত্তিরে হয়তো আমি অশ্রু ধরণের কথা

দেশ-বন্ধু

বলে থাকতে পারি...কিন্তু কি জানি আপনার ভিতরে কি শক্তি নিহিত আছে জানিনা...শুধু আপনার তেজোময় কথার মাধুর্য্যে মুগ্ধ, আকৃষ্ট আমি এই পথে নামলুম...বলুন অমলবাবু আমার দ্বারায় কি আপনি সামান্য উপকারটুকুও পেতে পারেন না ?”

আলোকের স্বর যেন ভক্তিরসে আপ্লুত হইয়া পড়িয়াছিল। আনন্দে বিষ্ময়ে অভিভূত হইয়া অমল পুলকভরা স্বরে বলিল—
“কেন হবে না ভাই—তোমার মত শিক্ষিত ব্যক্তির সাহায্য পেলে আমি কৃতার্থ হয়ে যাব।” বলিয়া আলোককে বুকের মধ্যে জড়াইয়া অশ্রুপূর্ণনেত্রে বলিল—“বল ভাই একবার বন্দে-মাতরম্।”

দমকা বাতাসের সঙ্গে সঙ্গে কাল মেঘের আড়ালে লুকান চাঁদের ক্ষীণ রশ্মিটুকু উভয়ের মুখের উপর লুটাইয়া পড়িল। আলোক আস্তে আস্তে বলিল—“কাল আমরা এ বাড়ী ছেড়ে চলে যাব। বলুন দয়া করে একবার আমার বাড়ীতে যাবেন ?”

অমল বলিল—“কাল, কাল বোধ হয় আমিও এখানে থাকচি না।”

“কেন, তার মানে ?”

অমল বলিল—“তার মানে আমার ডাক এসেছে ভাই, বোধ হয় এই ভোরের টেণেই আমাকে খুলনা-ঘেতে হবে,

সেখানে শুন্ছি যে ম্যালেরিয়ায় সারা গ্রামটা উজাড় হয়ে যাচ্ছে। যারা তার প্রতীকার কর্তে পারেন—তঁারা যে যার প্রাণ নিয়ে পালাতে পথ পাচ্ছেন না...ডাক্তার তো ভুলেও সে পথে চলেন না।...শুধু যারা অসহায় বৃদ্ধ, পঙ্গু, শিশু বা অনাথা স্ত্রীলোক, কেবল তারাই এখনও মরণের সঙ্গে প্রাণপণে যুদ্ধ কচ্ছে। অথচ তারা নিজেরাই জানেনা মৃত্যুর সঙ্গে তাদের অসহায় প্রাণগুলি যে ভীষণ সংগ্রাম বাধিয়ে তুলেছে...তাতে জয়ী হতে পারবে কিনা! তার ওপর এ বছর অনাবৃষ্টিতে সমস্ত ফসল শুকিয়ে নষ্ট হ'য়ে গ্যাছে...সমস্ত গ্রামের লোকগুলি না খেতে পেয়ে ছুট-ফুটিয়ে মরে যাচ্ছে... তাই ভাবছি দেখি সেখানে গিয়ে একবার, যদি একটা প্রাণীকেও বাঁচাতে পারি।”

সুদূর পারের মরণাহত দুঃস্থ পরিবারদিগের কষ্টের কথা স্মরণ করিতে করিতে সরল-হৃদয় অমলের চোখ দিয়া দর দর করিয়া করুণার অশ্রু বরিয়া পড়িল। আলোক একটা গভীর নিঃশ্বাস ফেলিয়া বলিল—“কালকে আপনি চলে যাবেন অমলবাবু—কাউকে বলেন নি?”

“নাঃ, কি দরকার তাতে...তবে দেখি যদি অবসর পাই, তাহলে তাঁকেই বলে যাব—এ ভিন্ন আমার যাওয়ার কথা আর কেউ জানবে না—আমার যাওয়া আসাতে তো কারুর ক্ষতি বৃদ্ধি নেই।”

দেশ-বন্ধু

আলোক বলিল—“কাল ভোরে যাবেন বলছেন, কিন্তু ভোরের তো আর ট্রেণ নেই অমলবাবু।

“নেই! বলেন কী?,” বলিয়া অমল হাতে বাঁধা রিটওয়াচটি দেখিয়া বলিয়া উঠিল—“উঃ এত রাত হয়ে গেছে। তাইতো সেটা যে চারটে পঁয়তাল্লিশে ছাড়ার কথা—এখনই তো হচ্ছে চারটে উনচল্লিশ...আচ্ছা যাক্কে সকালের দিকে যে কোন একটা ট্রেণ ধরলেই হবেখন।”

“তাহলে কাল আপনি এখানে কিছুতেই থাকবেন না স্থির করেছেন?”

“হ্যাঁ ভাই, এখানকার সমস্ত যেন বিষাক্ত বলে ঠেকছে। বিশেষ এঁদের ব্যবহারে আমার মনতো একেবারেই টিকতে চাচ্ছে না। আচ্ছা আলোকবাবু, দাঁড়কাকের বর্ণ তো ময়ুর পুচ্ছে ঢাকবার উপায় নেই তবে কেন এঁদের এই ব্যর্থ সজ্জা।”

আলোক সহসা আপন মনেই বলিয়া ফেলিল—“অমলবাবু কাল আমি আপনার মুখে এ রকম ধরণের কথা শুনলে বোধহয় চটতুম কিন্তু কি জানি এখন আমারও এই সমস্ত আচার ব্যবহার বিসদৃশ ঠেকছে...আচ্ছা অমলবাবু, মিস্ চাটার্জী তো আপনাকে —কি বলে...বেশ...ভাল,...আর তার সাথে অনেকদিন আগে হতেই তো আপনার বিয়ের সম্বন্ধ ঠিক ছিল—তবে এখন কেন মত দিলেন না?”

দেশ-বন্ধু

আলোকের এই কথাটায় অমলের ব্যথিত অন্তরটা নূতন আঘাতে টন্টন্ করিয়া উঠিল। একমুহূর্ত পরে সে ভাবটা সামলাইয়া বলিল—“তিনি অমত করে আমাকে মুক্তি দিয়েছেন ভাই...সত্যি ও রকম জী নিয়ে আমার মত অবস্থার লোকের সংসার করা দুঃসাধ্য! আমার জী সামান্য বিলাস ব্যসন নিয়ে মেতে থাকবে...ভাই জী তো শুধু ভোগের সামগ্রী নয়... আমি চাই তাকে সংসারের শ্রীরূপে, শক্তিরূপে, জননীরূপে... সে এসে আমাকে শক্তিরূপে সাহায্য কর্কে...পিছন হতে আমাকে উৎসাহ দেবে...যখন আমার কর্মক্লাস্তি আসবে। আমার সন্তানকে আদর্শ জননী রূপে শিক্ষা দিয়ে তাদের যথার্থ কর্মী মানুষ করে গড়ে তুলবে। এই দেখনা আজই আমার শক্তি আছে সামর্থ্য আছে...অর্থ আছে...সে মনের আমোদে হেসে খেলে দিন কাটালো। কিন্তু পরে ভবিষ্যৎ কি কেউ বলতে পারে? ধর যদি আমার শরীর শক্তিহীন অকর্মণ্য হয়ে পড়ে—যখন আমার পয়সা দিয়ে চাকর দাসী রাখবার ক্ষমতা থাকবে না। তখন, তখন বোধহয় একমুঠো অন্নের আশায় লালায়িত হ’য়ে পরের দ্বারে হাত পাততে হবে? আর গৃহের লক্ষ্মী তখন আমার ড্রয়িং রুমে বসে অর্গেনের সঙ্গে তাল রেখে গান ধরবে—

“এসহে হৃদয়ভরা—এসহে পিপাসা হারা

এসহে আঁখি শীতল করা ঘনায় এস মনে।”

দেশ-বন্ধু

“কেমন এই তো?” বলিতে বলিতে অমল করুণভাবে হাসিয়া উঠিল। পরে আলোকের হাতখানি ধরিয়া মৃদু মৃদু সুরে বলিল—“একদিক দিয়ে এই মুক্তির আনন্দে আমি এমন উৎফুল্ল হয়ে উঠেছি—ঠিক খাঁচার পাখীর বাঁধন খুলে দিলে সে যেমন বাইরের মুক্ত হাওয়ায় বুকভরা স্নেহে নেচে ওঠে—তেমনি নিছক নিশ্চল আনন্দ আজ আমি মনে প্রাণে অনুভব করছি...আঃ এখন যেথায় ইচ্ছে চলে যাব...পিছন হতে ডাক দেবার লোক আমার আর কেউ রইল না।”

অমল নীরব হইল। আলোক তাহার আবেগময় বাক্যচ্ছায়ে বাধা দিল না। বোধহয় তাহার সে ক্ষমতা তখন লুপ্ত হইয়া গিয়াছিল—সে শুধু নির্ঝাঁক হইয়া বসিয়া রহিল দেবতার সন্মুখে হীন ভক্তের মত। অমল পুনরায় বলিতে আরম্ভ করিল—“আলোক ভাই, তোমাকে আমি ‘তুমি’ বললাম বলে, হয়তো তুমি আমাকে কত কিনা ভাবছ, কিন্তু বলতে কি তোমার মত একটি স্নেহপরায়ণ সোদরের জন্তে প্রাণের মধ্যে দিনরাত ছটফট কর্তো। প্রথম তোমাকে দেখেই আমার মনে হ’ল—বুঝি আমার কত দিনকার হারাণ ভাইটি আবার বুকের মাঝে ফিরে পেলাম। আলোক তুমি কি আমার পরে’ রাগ করেছে ভাই?”

“রাগ!” নত হইয়া আলোক অমলের পদধূলি লইয়া গাঢ়স্বরে

বলিল—“রাগ। তা'ও আপনার পরে?” না না অমলদা আমি এখন বড় ছঃখিত হচ্ছি এই ভেবে—যে আগে আপনার অন্তর না বুঝে শুধু শুধু আপনাকে কত অপমান করেছি।”

আলোকের অন্ততপ্ত হৃদয়টি ঐ কথা কয়টিতে মূর্ত হইয়া উঠিল! অমল বিব্রত হইয়া পা সরাইয়া মুগ্ধকণ্ঠে বলিল—“কর কি ভাই তুমি—কেন এত কুণ্ঠিত হচ্ছ?”

তুমি যে অলীক মোহের মায়া কাটিয়ে এত শীগ্ৰীর পরিবর্তিত হয়েছ, এইটুকুই তোমার বিশেষত্ব! যাক্, এখন ভোর হয়ে আসছে কথায় কথায় সময় কেটে গেল, চল এইবার উঠে পড়ি।”

—ছয়—

বিকালের পড়ন্ত রোদটুকু ছাদের চেউ খেলান আলিসার
বুকের উপর দিয়া টবে সাজানো নানাবিধ ফুলের গাছগুলিকে
নীরবে বিদায় বার্তা জানাইয়া প্রস্থান করিতেছিল। প্রিয় বিরহ
ব্যথায় শঙ্কিতা হইয়া মলয় স্পর্শে ছলিয়া ছলিয়া নীরব ভাষায়
বলিতে লাগিল, ওগো নিঠুর, ওগো প্রিয়, তুমি এমনি করিয়া
চলিয়া যাইও না, ফিরিয়া চাহো গো—একবার ফিরিয়া চাহ ;
অরুণ ফিরিয়া তাহাদের কপোল হইতে অলক গুচ্ছ সরাইয়া
শুভ্র মুকুলগুলিকে বিদায় চুষনে অভিষিক্ত করিয়া মুহু মুহু বচনে
বলিয়া গেল—“ওগো রাণী, ভয় নেই গো তোমাদের...আমি
আবার আসব...রাতে আমার প্রতিনিধির পরশ বরে পড়বে
তোমাদের বুকের পরে, তাকে দেখে তোমরা ঘোমটা খুলো
শতক দলে।

ছাদের উপর ইজি চেয়ারে হেলিয়া য়েবেকা একখানি নূতন
ইংরাজী ‘ম্যাগাজিন’ পাঠ করিতেছিল। মুখে তাহার চপল হাসি

ক্ষণে ক্ষণে ফুটিয়া উঠিতেছিল। তার বাঁ-দিকের কাঁধের উপর স্প্রিং রঙের শিল্প শাড়ীর কাজ করা আঁচলটুকু কৌচকাইয়া ছোট্ট একটা মীনা করা সোণার ব্রোচে আবদ্ধ। ঘাড়ের উপর এলান খোঁপার ভিতর হইতে সরু একগাছি সোণার ‘চেন’ বিকালের স্নান আলোকে ঝিক্‌ঝিক্‌ করিয়া জ্বলিতেছিল। সহসা গিছন হইতে আলোক আসিয়া তাহার উভয় চক্ষু চাপিয়া ধরিল। সে স্পর্শে রেবেকা বিরক্ত হইয়া ঝাঁঝিয়া বলিল—“আঃ কী ছেলেমানুষী আরম্ভ করে দিলে বলত, যাও ছাড়, দেখছ বইখানা পড়ছি আজই ফেরৎ দিতে হবে।”

আলোক চট করিয়া চোখ ছাড়িয়া রেবেকার হাত হইতে বইখানি ছৌঁ মারিয়া তুলিয়া দুই চারি পৃষ্ঠা উল্টাইয়া অবহেলা-ভরে চেয়ারের এক পাশে ফেলিয়া বলিল—“ছিঃ রেবা, তুমি এই সব বাজে ‘ম্যাগাজিন’ পড়তে ভালবাস?”

রেবেকা হেঁট হইয়া বইখানি তুলিয়া তাহার পাতা খুলিতে খুলিতে বলিল—“কেন ‘ম্যাগাজিন’ খানায় কী দোষ তুমি দেখলে?”

আলোক বলিল—“দোষ নয়, ওতে যত সব বাজে ‘অথর’রা লেখেন, আর সে লেখাও এমনি যে তাঁর স্মারক মত উদ্ভেজক, ঐ সমস্ত দুর্নীতিমূলক উৎকট প্রেমের গল্প পড়ে পড়েই মেয়ে-ছেলেদের মাথা খারাপ হ’য়ে মাচ্ছে। তাতে ক’রে ফল

দেশ-বন্ধু

দাঁড়িয়েছে এই যে উঠতে বসতে তারা স্বামীকে জন্তুবিশেষ ভাবে, এই যেমন তুমি—নম্বর ওয়ান্‌।”

রেবেকা ঝঙ্কার দিয়া আলোককে বাধা দিয়া বলিয়া উঠিল—
“আমি তো মন্দ চিরকালই আছি, সেটা আজ নতুন করে শোনাচ্ছ কি...তোমার যদি মাথার ঠিক থাকে তা হলে উঠে যাও, আজ সন্ধ্যার সময় আমাকে সিনেমায় নিয়ে যাবে বলেছ, যাও বক্সটা রিজার্ভ করে এস, না হলে পরে পাওয়া যাবে না।”

আলোক চেয়ার ছাড়িয়া বলিল—“কেন, আমি তোমার গোলাম নাকি যে যখন তখন তোমার হুকুম পালন করতে ছুটব?” বলিতে বলিতে আলোক ভিতর বাড়ীর বারান্দায় ঝুঁকিয়া উচ্চকণ্ঠে ডাকিল—“ফাণ্ডন?”

শ্রাবণের ঘন মেঘের মত একরাশি ভিজা কালো চুল পিঠের প’রে এলাইয়া সন্ধ্যা রাণীর মত মৃদু গতিতে উদয় হইয়া ফাস্তুনী বলিল—“কি দাদা?”

আলোক পকেট হইতে সুন্দর লাল রেশম কাপড়ে মোড়া মোটা অধচ ছোট্ট একখানি বহি বাহির করিয়া দূর হইতে উভয়কে দেখাইয়া তব্বল কণ্ঠে বলিল—“এই বইখানার নাম যে করতে পারবে তাকে আজ বায়স্কোপের নতুন ফিল্ম দেখিয়ে আনব।”

রেবেকা সমস্ত রাগ ঝাড়িয়া মুছিয়া স্বামীকে কাছে ঘেঁসিয়া

বলিল—“কি বই গো দেখি, ওখানা কি “টুর্গেনিভের” ? কি বল তো, আমার নাম ঠিক মনে পড়েছে না। দেখি না, দাও একবার।” রেবেকা হাত বাড়াইল।

আলোক সরিয়া হাসিয়া বলিল—“ছাই পাল্লের বলতে...ছি ছি রেবা, তোমার বি-এ পড়াই মিথ্যে, সামান্য একখানা বইয়ের নাম তুমি বলতে পারলে না? ফাণ্ডন্ তুই বল তো এ খানা কি বই?”

রেবেকা আহতা ভুজঙ্গীর মত ফেঁস করিয়া বলিয়া বসিল—“ঠিক লোককে ধরেছ, হুঁ উনি আবার তোমার ব’য়ের নাম বলবেন।”

“কেন ও কি তোমার চেয়ে নীচু নাকি, কিরে ফাণ্ডনী তুইও ঠকলি নাকি?”

ফাণ্ডনী কোতুকোজ্জল চোখ দুইটি রেবেকার মুখের পরে স্থাপিত করিয়া বলিল—“দাঁড়াও দাদা একেবারে জবাব দিতে পারব না, কেন না ওর নামটা তো মোটেই দেখতে পাচ্ছি না—আচ্ছা ধর প্রথম, বোধ হয় গীতা হবে নয় কি?”

আলোক পরিভূপ্তির হাসি হাসিয়া রেবেকার কাঁধে হাত দিয়া বলিল—“কি হলো রেবা, হার মানছ তো ফাণ্ডনের কাছে, আহা তোমার বায়স্কোপটাই মাটি হ’য়ে গেল। একটা অন্ন

দেশ-বন্ধু

শিক্ষিতা পাড়ারগেয়ে মেয়ের কাছে হেরে গেলে? ফাণ্ড্‌ এই
নে ভাই তোর গীতা।”

রেবেকা জ্বলিয়া বলিল—“এর আবার হার জিত কি? ও
সব বাজে ব’য়ের খবর আমি রাখি না, তোমরা সব এক একটি
পণ্ডিত, তোমরা ও সব মস্ত শেখ, যাও পথ ছাড়, নীচে আমার
কাজ আছে।”

প্রস্থানোচ্ছতা জুড়া পত্নীর হাত ধরিয়া আলোক সুতীক্ষ্ণ কর্তে
বলিল—“অবাক করলে বে রেবা! হিন্দুর মেয়ে তুমি গীতার
খবর রাখ না?”

মুখটা বাঁকাইয়া ভ্রমর কোঁচকাইয়া রেবেকা বলিল—“অবাক
আমি কিছুই করি নি গো...অবাক হচ্ছি তোমার দিন দিন
পরিবর্তন দেখে।”

“তাই নাকি রেবা, আমার পরিবর্তনটুকু তা হলে তোমার
অত কাজের ভীড়েও নজর এড়ায় নি দেখছি, আমার কি হচ্ছে
না হচ্ছে তা হলে সেটুকুরও খবর রাখছ। হঠাৎ হতভাগার
উপর এ অনুকম্পা এল কেন রেবেকা, বলতে কি তোমার
আপত্তি আছে?”

ধাঁ করিয়া আলোকের হাত হইতে নিজের হাত মুক্ত করিয়া
পুনরায় চেয়ারে বসিয়া বলিল—“দেখ সকল কাজের একটা সীমা
আছে জান তো? তুমি আজকাল সভ্যতার গণ্ডী ছাড়িয়ে

দেশ-বন্ধু

বাইরে বেরুতে শিখেছ,—বাস্রে যিনি ননকোর নামে খজাহস্ত তিনি এখন একজন ভণ্ড ননকো-অপারেটরের পায়ের ধুলো মাথায় করে নিচ্ছেন...চমৎকার, এক রাত্তিরে একটা বিজ্ঞোহীর কথায় মেতে উঠে চারিদিকের লোক হাসানো, এ তোমার চমৎকার ব্যবহার। নাঃ তুমি আর আমাকে এ বাড়ীতে টিকতে দেবে না দেখছি।”

আলোক পূর্ব হইতেই এইরকম প্রশ্নের উত্তরের জ্ঞ প্রস্তুত হইয়া ছিল। বার দুই মাথা নাড়িয়া ক্ষুব্ধস্বরে সে বলিল—“রেবা, আমার মত এইরকম পরিবর্তন যদি আজ তোমার হ’তো...তা হ’লে জ্বর গোরবে আজ আমি ধৃত হতুম। রেবা ভগবান যে আমাকে এত শীগগীর মুক্তি মার্গের সোপান দেখিয়ে দেবেন এ আমার কল্পনাভীত ছিল। রেবেকা, একবার বলো যে স্বামীর ধর্ম পালন করাই সত্যী জ্বর কর্তব্য। আমি তোমার মতেই চলব।” আমি কি আশা করতে পারি রেবা যে তুমি তোমার ভুল সংশোধন করবার চেষ্টা করবে?”

রান্না ঠোট দু’খানি উল্টাইয়া রেবেকা স্থণার সহিত বলিল—
“হ্যাঁ আগে তাই করব! তোমার মত তো আমি পাগল হই নি যে “দেশ আমার জননী” ব’লে ক্ষেপে উঠবো—আমাদের চিরা-
চরিত রীতি নীতিগুলো ভুলে...। যাও গো, তোমার ও বহুমূল্য

দেশ-বন্ধু

উপদেশগুলো এখানে না ছড়িয়ে, অথ কোথাও ‘লেকচার’ দাও গে—তাতে কাজ দেখবে।”

আলোক তাহার দন্তপূর্ণ উত্তর শুনিয়া বিমূঢ় হইয়া রহিল। সহসা একটা তীব্র ঝঙ্কার তাহার কাণে আসিয়া বাজিল—
“ফাগুন, এই অবশ্যই তুমি স্নান করেছ অসুখ করলে কে দেখবে? তুমি দিন দিন ভয়ানক জেদী মেয়ে হ’চ্ছ, আগে তো এমন ছিলে না।”

রেবেকার তিরস্কারে ফাল্গুনীর ডাগর আঁখি ছলছল করিয়া উঠিল। আলোক ঝটিতি আসন ত্যাগ করিয়া উঠিয়া দাঁড়াইয়া বলিল—“উঠে আয় ফাগুন, অবশ্যই স্নান করে যে অসুখে পড়ে সে তোমাদের মত অবলা কোমলা নারীদেরই বেশীর ভাগ দেখা যায়। অত শরীরের কি ভয় করলে সংসার চলে? গায়ে কাপড়, জামা এঁটে স্বাস্থ্য নষ্ট করে ঘরের কোণে এলিয়ে থাকা তোমাদের মত বিলাসিনী অলস মেয়েদের সাজে, কিন্তু ওর শরীর ফ্যানের নীচে গুয়ে নভেল পড়বার জন্ত সৃষ্টি হয় নি...ও যাতে আদর্শ হিন্দু রমণী হয় সেই শিক্ষাই আমি দেব বুঝতে পারলে?”

অলস দৃষ্টিতে রেবেকাকে দৃষ্টি করিয়া ফাল্গুনীর হাত ধরিয়া টানিতে টানিতে আলোক নামিয়া গেল। জড় পুতুলের মত রেবেকা নিশ্চতন হইয়া বসিয়া রহিল। ক্রোধে তাহার সাদা

মুখখানি টক্টকে হইয়া ফাটিয়া পড়িবার উপক্রম হইতেছিল।
 ওঃ এতদূর! এত তাজিল্য! এত অপমানসূচক কথা যে
 স্বভাব কোমল আলোকনাথের মুখে শুনিতে পাইবে সে তাহা
 প্রত্যাশা করে নাই। অভিমানের আতিশয্যে তাহার চোখ
 ঠেলিয়া জল আসিতে চাহিল। হাতের সেই অর্ধ-পঠিত
 ‘ম্যাগাজিন’খানি ছুড়িয়া অসহিষ্ণু ভাবে উঠিয়া দাঁড়াইতেই সম্মুখে
 যে দৃশ্য তাহার পড়িল, তাহাতে তাহার চোখের জলের ধারা
 নিঃশেষে শুকাইয়া, তৎপরিবর্তে আলায় ভরিয়া উঠিল। যেনা
 তাহাকে উপেক্ষা ও বিজ্ঞপ করিবার মানসে কাহারো গাহিয়
 উঠিল—

“ওগো. গৃহলক্ষ্মী ধরি তোদের পায়

এই জীর্ণ ঘরটি শুঁড়িওনা’ক

একটি লাথির ঘায়?”

রেবেকা তাড়াতাড়ি তাহার সুন্দর ধপধপে চরণ ছুঁখানি
 লাল মখমলের “স্লিপারের” মধ্যে ঢুকাইয়া এক বলক দমকা
 বৈশাখী ঝাড়ের মত উদ্দামগতিতে ঘুরিয়া দ্বিতলের বারান্দার
 উপর আসিয়া দাঁড়াইল। যাহা সে দেখিল তাহাতে তাহার বুকের
 মাঝখানটা দপ্ করিয়া জলিয়া উঠিল। স্বামী তাহাকে এত তুচ্ছ
 জ্ঞান করিতেছে...যে যাহাতে সে আজন্ম স্থগা করিয়া আসিতেছে
 সেই স্বৈচ্ছাসেবকেরা তাহারই বাটীর উঠানের মধ্যে বসিয়া গীত

দেশ-বন্ধু

গাহিতেছে? রেবেকা কি একটা কথা বলিবার জন্ত ঝুকিয়া পড়িল—সেই সময় গায়কেরা গানের শেষ চরণ গাহিয়া উঠিল—

“তোমরা যাহার মুখের বেণু—তোমরা যাহার পায়ের রেণু
তোমরা বিনা যাদের বীণা বাজবে নাকো হয় ।
তোমরা তাদের মাথায় বসে, আপন টান টেনে কসে
চালাও যদি মনোরথ তবে দেশটা কোথায় যায় ।
এই দেশেতে সীতা ছিল……”

ক্ষিপ্ত হইয়া চীৎকার করিয়া ডাকিল—“মানসিং?”
“কেয়া মাজী?”

নেপালী দ্বারোয়ান ভাঁটার শ্রায় ক্ষুদ্র গোলাকার চক্ষু ঘুরাইয়া উপরে তাকাইল । রেবেকা চোখ মুখ ঘুরাইয়া রলিল—“শুয়ার…
তুম্ কাঁহা গিয়া থা…অন্দরমে এৎনা ডাকু ঘুসনে দিয়া
হারামজাদ ।”

নীচে স্ব্বেচ্ছাসেবকদের পাশে দাঁড়াইয়া আলোক মুচকি মুচকি হাসিতেছিল । তাহা দেখিয়া রেবেকা জ্বলন্ত কামানের গোলার মত ছিটকাইয়া বলিল—“এ মানসিং, আভি নিকাল দেও, কুছ্ বাত নেই শুনেগা ।”

“রেবা ।”

অকস্মাৎ অলোককে সম্মুখে পাইয়া রেবেকা মনের রাগ মিটাইবার সুযোগ পাইল। ক্রুদ্ধা সিংহীর স্থায় ফুলিয়া বলিল—
“কী ?”

“সহের সীমা যে তুমি অতিক্রম করে যাচ্ছ রেবা...ভদ্রলোকের ছেলেদের দারোয়ান দিয়ে গলাধাক্কা দিতে তোমায় লজ্জা করে না? এতে তোমার স্বামীর মাথা কত নীচু হচ্ছে তা কি এত লেখাপড়া শিখেও জানতে পাচ্ছ না?”

“তাই নাকি গো? কিসে তোমার মাথাটা নীচু হচ্ছে শুনি...আর তুমিও যে আজকাল বড় বাড়িয়ে তুলেছ, আমি এ বাড়ীর কর্ত্রী...তোমার স্থায় অস্থায়গুলো আমাকেও দেখতে হবে, যাও শীগগীর ওঁদের বিদেয় কর—আর তুমি যদি না পার—আমিই যাচ্ছি।”

‘চুপ চুপ রেবা—খুব হয়েছে—আর জালিও না—আন্তে কথা বল—নাচে ওঁরা শুনতে পেল কি ভাববেন বল তো?’

রেবেকা মাথা নাড়িয়া বলিল—“ভাববেন আবার কী সত্যি কথা বলছি, তাতে ভয়টা কি? না না, এত সব অনাচার আমি চোখে দেখতে পার্ক না—“শেম্” ওঃ তুমি কি ভুলে যেতে বসেছ যে তুমি একজন নামজাদা ব্যারিষ্টার। ছিঃ এমন হীন হয়ে পড়েছো তুমি...যে সমাজে এ সব কথা উঠলে...তঁারা আমাদের

দেশ-বন্ধু

সান্নিধ্য হতে ঘৃণায় সরে যাবে।” বলিয়া সত্য সত্যই যেন সেই অনির্দিষ্ট আশঙ্কায় রেবেকা শিহরিয়া উঠিল।

আলোক তাহার মুখের প্রতি চাহিয়া কঠোরস্বরে বলিল—
“আমি যে ব্যারিষ্টার, আর তুমি যে ব্যারিষ্টার পত্নী, সে কথা ভুলে যাও রেবা—ভাব তোমার স্বামী একজন দীন দরিদ্র মায়ের ছেলে।”

মুখ মচ্কাইয়া রেবেকা বলিল—“মায়ের সন্তান না তো কি অমনি হয়েছে।”

“স্বেচ্ছাচারিণী প্রগল্ভা...ইট্ ইস্ মাই মিসফরচুণ ছাট্ আই হ্যাভ্ মারেড্ ইউ।”

* * * *

আলোক তর্ তর্ করিয়া ক্ষিপ্রগতিতে সিঁড়ি বাহিয়া নামিয়া অমলের কাঁধে হাত দিয়া করুণস্বরে বলিল—“চলুন অমলদা আমিও আপনার সঙ্গে খুলনায় যাব।”

অমল তাহার বেদনা পীড়িত অথচ কিসের দীপ্তিতে প্রভাবিত মুখের পানে চাহিয়া সানন্দে বলিল—“সেতো আমার সৌভাগ্য ভাই।”

আলোক তাহার হাত ধরিয়া অনুনয় করিয়া বলিল—“একটু দাঁড়িয়ে যান্ একবার দয়া করে মৃণাল বাবুকে নিয়ে আপনাকে ওপরে যেতে হবে।”

*



ফাস্তুনীর ছোট্ট ঘরখানিতে উভয়কে বসাইয়া আলোক ভগ্নীর সন্ধানে বাহির হইয়া গেল। অমল ও মৃণাল সবিস্ময়ে ঘরখানির প্রতি দৃষ্টি বুলাইয়া দেখিল—সহৃদের প্রাচীর গায়ে মহাত্মা গান্ধীর প্রকাণ্ড তৈলচিত্র সন্ধ্যার ঝিকিমিকি আলোতে পূতময় হইয়া উঠিয়াছে— পার্শ্বে দেশবন্ধু চিত্তরঞ্জন, বালগঙ্গাধর তিলক, মাননীয় গোখলে, দাদা ভাই নোরজী, লাল লজপৎ রায়ের এবং কবি সম্রাট রবীন্দ্রনাথ ইত্যাদি বাঙ্গলার কয়েকটি উজ্জ্বল রত্ন স্বদেশ প্রাণ মহাত্মাদিগের আলেখ্য গৃহ প্রাচীর সুসজ্জিত পবিত্র। দক্ষিণদিকের জানালার কোলেই ঝকঝকে জলচৌকীর পরে কমলা চরকা, ও সূতা কাটিবার সমস্ত সরঞ্জাম সুরক্ষিত। গৃহের প্রত্যেক খুঁটিনাটি বস্তুগুলিও কাহার শ্রীকর স্পর্শে নিপুণভাবে সাজান, শুছানো। ধূনা ও গুগগুলের মধুর স্রবাস তাহাদের প্রতি রন্ধে রন্ধে প্রবেশ করিয়া গেল। সেই মুহূর্ত্তে সোনার থালায় থান কয়েক সোনার চুড়ী ও দুই থাকে দুই শত টাকা লইয়া আলোকের সহিন ফাস্তুনী দেবী প্রতিমার মত ঘরে ধীরে ধীরে প্রবিষ্টা হইল! তাহার আগমনে ঘরের সমস্ত অপূর্ণটুকু যেন পূর্ণতায় ভরিয়া হাসিয়া উঠিল। উভয়ের পদপ্রান্তে থালা খানি রাখিয়া মোটা আঁচলখানি গলায় তুলিয়া ফাস্তুনী ভূমিষ্ঠ হইয়া প্রণাম করিল। আলোক কুণ্ঠাপূর্ণ সুরে বলিল—“অমলদা,

দেশ-বন্ধু

ফাল্গুনী আপনাদের স্বরাজ ফণ্ডে যৎসামান্য উপহার দিচ্ছে !”

অমলের চোখ জলিয়া উঠিল। ফাল্গুনীর হাত ধরিয়া উঠাইয়া স্নেহ গদগদ ভাষায় বলিল—“দিদি ফাল্গুন লক্ষ্মী তুমি ...তোমার এ দান আমাদের অমূল্যরত্ন। এ ঘর বোধ হয় তোমারই না? আলোক এই রকম শান্তিকুঞ্জ যদি প্রতি গৃহে গৃহে হয়, তাহলে আমাদের সমস্ত অভাব শীগগীরই দূর হবে আশা করি।”

অমলের প্রশংসা বাক্যে কালো মেয়েটির সর্বাঙ্গ রাঙ্গিয়া উঠিল। আর মৃণাল...সে সেই কালোরাগের স্নিগ্ধ শুচি-শুভ্র অন্তরখানির পরিচয় পাইয়া কৌ একটা পুলক...কৌ একটা মাধুর্য্য অন্তরে অন্তরে অনুভব করিয়া অভিভূত হইয়া বসিয়াছিল। অনেক বর্ণশ্রেষ্ঠা সুন্দরীদের সে দেখিয়াছে...এবং সুন্দরের প্রশংসা সে কত জায়গায় করিয়াছে কিন্তু সে সব সুন্দরীদের মধ্যে প্রাণের পরিচয় পায় নি। এখন তাহার মনে হইল যে বহিঃ-সৌন্দর্য্যে সার পদার্থ কিছুমাত্র নাই, সে কেবল দর্শনেন্দ্রিয়ের তৃপ্তি সাধন করে মাত্র...কিন্তু অন্তরের যা সৌন্দর্য্য...সে পুষ্প পরাগের মত লুপ্ত থাকিয়া পরকে মাতাইয়াই স্থখী হয়। মেঘে ঢাকা ক্ষণপ্রভা...কিশা অন্ধকারের বুকে লুকান চাঁদের মিষ্ট আলোটুকু...অথবা শামলা ধরিত্রী...কৌ এ, ঐ সবটুকুই যে

সুন্দর...কি দিলে ইহার উপমা খুঁজিয়া পাওয়া যায়। বেশী
আলো লোকেস্ব চোখে সহ্য হয় না আলোর আড়াল খুঁজে...
তেমনিই চিরটাকাল সৌন্দর্যের উপাসক মৃণাল...ঐ কালো
মেয়েটির অন্তর খুঁজিতেছিল অন্তর্দৃষ্টি দিয়া। একমুহূর্ত মৃণালের
প্রশংসামান মুগ্ধ অপলক নেত্রের প্রতি চাহিতেই বিশ্বের সমস্ত
লজ্জা যেন ঝাঁপিয়া ফাস্তুনীর মুখে চোখে আসিয়া পড়িল।
উদ্বেলিত হৃদয়ে পুনর্ব্বার উভয়কে প্রণাম করিয়া ফাস্তুন। ললিত
গতিতে বাহির হইয়া গেল।

—সাত—

কাজল-কালো-মেঘে-ছাওয়া মেঘুর দিনের সজল সন্ধ্যাখানি।
ভাদ্রের শেষ। সেদিন সকাল হইতেই আকাশের মুখটা অল্প
অল্প করিয়া ষোরালো হইয়া উঠিতেছিল। বাতাসটাও কেমন
যেন এলোমেলো হইয়া ছন্নছাড়ার মত ঘুরিতেছিল। মধ্যে মধ্যে
যেন কোন ব্যাথাতুরের মর্ষ নিঙ্ড়ান দীর্ঘশ্বাসের মত ছুটিয়া
আসিয়া বদ্ধ জানালার কোলে কোলে আছাড় খাইয়া পড়িতে-
ছিল। মানুষের সম্ভাবতঃই এই মেঘুর ক্লান্ত দিবসে মন বড়
চঞ্চল হইয়া উঠে, বিশেষ প্রিয়জন যাহার সুদূর প্রবাসে

হাতের কাজঙলা চটপট্ করিয়া সারিয়া যখন নিজের
সুন্দ গৃহটির কোণে ফাল্গুনী বিকল চিত্তে আসিয়া দাঁড়াইল, তখন
আকাশ চুয়াইয়া দুই এক ফোঁটা জলকণা ঝরিতেছে। খোলা
জানালা হইতে জলের ছিঃ লাগিয়া পাছে তাহার চরকাটি নষ্ট
হইয়া যায়...এই কারণে ফাল্গুনী জানালার কপাটটা ভেজাইয়া,
পিতলের প্রদীপ জালিয়া, ছোট্ট একটি নিঃশ্বাস ফেলিয়া স্নাতা
তুলিতে বসিল।

“ফাস্তুনৌ ?”

ফাস্তুনৌ মুখ তুলিয়া দেখিল, রুমালে, কাপড়ে এসেঙ্গ ঢালিয়া কুঞ্চিত মুখে রেবেকা দাঁড়াইয়া। রেবেকার আগমন এ গৃহে নূতন। ফাস্তুনৌ জিজ্ঞাস্বনেত্রে চাহিয়া রহিল। অগ্রসর মুখে রেবেকা বলিল—“বাবাঃ যখন এই ঘরটার সামনে দিয়ে ওদিকে যাই, তখনি মনে পড়ে সেই রূপকথার সেই সেকেলে বুড়ীর কথা, আঃ জ্বালাতন। চব্বিশ ঘণ্টা ঘ্যানর, ঘ্যানর। ভালও লাগে...? কি ভাই বসতে পারি কি এখানে...না স্নেচ্ছ রমণীর স্পর্শে হিন্দু রমণীর শুচিপূর্ণ ঘর অস্পৃশ্য হ’য়ে যাবে। কি বল, সরে পড়ব ?”

ফাস্তুনৌ বলিল—“তুমি হ’লে স্নেচ্ছ রমণী, তা হ’লে দাদা...”

“বালাই, তোমার দাদা কেন স্নেচ্ছ হতে গেল, সে জন্ম জন্ম হিন্দু হ’য়ে জন্মাক। এবারে এলে বলো—যেন টিকি রাখে, মন্দ দেখাবে না, অবতারের ‘কভারের’ মত কতকটা হবেখ’ন।” বলিয়া তীক্ষ্ণদৃষ্টিতে ঘরের চারিদিক দেখিয়া বলিল—“ওক্ কাঠের চেয়ারগুলো দেখছি ঘর থেকে গ্যাছে, তা হলে কি অবশেষে এই ধুলোতেই বসব নাকি ?”

“ধূলোর ওপর বসবে কেন বৌদি,—আহা অমন ‘ক্রীম কলারের’ সাড়ীখানাই যে নষ্ট হ’য়ে যাবে, দাঁড়াও ভাই দিচ্ছি

দেশ-বন্ধু

বসবার জায়গা।” বলিয়া ফাল্গুনী তাহার হাতে-বোনা চটের আসনখানি বিছাইয়া বলিল—“বসো বৌদি।”

“ও আবার কি বিশ্রী জিনিষ দিলে? থাক, আমি বিন. কারণে আসিনি, যা বলতে এসেছি শোন, তোমার এ রাস্তার ধারের ঘরটা আমার চাই। দেবে কি?”

ফাল্গুনী রেবেকার মতলব বুঝিয়া বলিল—“এটা যে মার ঘর ভাই।”

“আঃ ওঁ তো তোমার ‘সেন্টিমেন্ট’! মার ঘর, বাবার ঘর, ও কী! কেন তোমার মা তো এ বাড়ীর সব ঘরগুলিই ব্যবহার করে গ্যাছেন—তবে তোমার আপত্তিটা কিসের?”

ফাল্গুনী কোন উত্তর করিল না। রেবেকা আপন মনেই বলিয়া চলিল—“আমি মনে করছি এই ঘরটাকে আমার ‘ষ্টুডিও’ রুম করলে বেশ সুবিধে হয়। কি বল, দিতে পারবে না? কথার জবাবটাই দাও না।”

ফাল্গুনী বেশ স্পষ্টস্বরেই মুখ তুলিয়া জবাব দিল—“না।”

ছোট্ট এই ‘না’ কথাটি রেবেকার বুকের প’রে জলন্ত আগুনের টুকরার মত ছিটকাইয়া পড়িল। “কী—আমার মুখের পরে’ জবাব! জানো ফাল্গুনী—এ বাড়ীর কর্ত্রী তুমি নও, আমি।”

শশব্যস্তে জিভ কাটিয়া ফাল্গুনী বলিল—“ছিঃ বৌদি, ও

কথা কি বলতে আছে—কখনও তো আমাকে এমন করতে না ?
আজকাল তোমারই বা কি হ'লো ভাই ?”

অধিকতর উৎসাহে রেবেকা বলিল—“হয়েছি তোমাদের
আক্কেল দেখে ! তোমরাও কি এমনি ছিলে ? এই সেদিন ভাই
বোনে মিলে প্রায় শ' চারেক টাকা কী একটা বাজে ফণ্ডে দিয়ে
এলে, পয়সা গুলি তো অমনি আসে না ।”

রেবেকার মুখে শেষোক্ত কথাগুলি উপহাসের ছায়া শুনাইল ।
—এই রেবেকাই সেদিন তাহার পিত্রালয়ের বন্ধু ডাক্তার এস,
কে গুপ্তের বিবাহোৎসবে একছড়া দামী মুক্তার নেকলেস বধুকে
উপহার দিয়া আসিল । তারপর বায়স্কোপ, বোটানিক্যাল
গার্ডেনে যাওয়া আসা, পিকনিকে এক একটা বড় বড় ভোজ
দেওয়া, এ ত হামেসাই হইতেছে । রেবেকা অস্থিরভাবে
বলিল...“তা হ'লে ঘর বোধ হয় পাব না ? কিন্তু শোন ফাল্গুনী
তোমার পিছনে আজকাল বড় বেশী খরচ হচ্ছে, সে খবর কি
রাখো ?”

ফাল্গুনী অবাক হইয়া বলিল—“আমার পিছনে বাজে খরচ ।
সেকি বোদি ?”

“নিশ্চয়ই । এই পরশুদিন কতকগুলো চরকাই কিনে
ফেললে, তারপর তোমার আলমারীতে বোধ হয় নানারকম
কাপড়ে ভর্তি, তবুও তুমি দাম দিয়ে মোটা খদ্দর কিনে পরছো ।

দেশ-বন্ধু

তৃতীয় ; তুমি সেদিন কতকগুলো স্বদেশী গুণ্ডাদের নতুন চুড়ীগুলো আর দু'শো টাকা অনর্থক দিয়ে দিলে—এগুলি কি বাজে খরচ নয় ? আমি এসব গুলো মোটে পছন্দ করি নে ।”

অপমানে ফাল্গুনীর মুখ লাল হইয়া উঠিল...শক্তভাবে কথাটার উত্তর দিতে যাইয়া কি ভাবিয়া সে আত্মসংবরণ করিয়া গলার স্বরকে যতদূর সম্ভব কোমল করিয়া বলিল—“বেশ তো বৌদি, তোমার বিবেচনায় যদি এ সব বাজে খরচ বলে মনে হয়... তা হ'লে এক কাজ করো ভাই আমাকে তিন চার মাসের জন্তে সময় দাও—আমি তোমার যা টাকা কড়ি খরচ করেছি সমস্ত শোধ করে দেব...”

রেবেকা বিদ্রূপ করিয়া বলিল—“তাই নাকি ! তুমি আবার উপায় করতেও শিখেছ নাকি ?”

মলিনভাবে হাসিয়া ফাল্গুনী বলিল—“কাজে কাজেই...কি আর করি বল বৌদি, তোমার মত তো আমি বাপের বিষয় পাই নি। কাল দেখলুম “আত্মশক্তিতে” একজন নাসের জন্তে বিজ্ঞাপন বেরিয়েছে, না হয় সেই কাজটাই নিইগে’। তা হ'লে আজই তাদের চিঠি লিখে দি, কিছু ‘এলাউস’ টাকা পাঠিয়ে দিলেই শুধু এ ঘরটা কেন, সমস্ত বাড়ীটাই আমি ছেড়ে দেব ।”

একফোঁটা মেয়ের মুখে এত শক্ত শক্ত কঠোর সত্য মিশান

জবাব শুনিয়া রেবেকা ইতিকর্ভব্যতা হারাইল। কি বলিবে খুঁজিয়া না পাইয়া হঠাৎ উত্তেজ্যাবশে বলিয়া ফেলিল—“তাকিছুদিন পরে কেন বাড়ী ছাড়বে আজই ছেড়ে দাও, আমিও তোমার মত বিদ্রোহী মেয়ের ঘরে থাকাকাটা পছন্দ করি না।”

ফাস্তুনী নিঃসঙ্কেচে বলিয়া উঠিল—“বেশ আমি এখনই যেতে প্রস্তুত আছি। ভাল বোদি, একজন অনেকদিন আগেই গেছে, বাকী ছিলাম আমি...আমিও চললুম ভাই। প্রার্থনা করি তুমি সুখে থাক।”

“ফাস্তুনী—তুমি বড় লম্বা লম্বা কথা বলছ, তোমার দাদা ইচ্ছে করে চলে গ্যাছে—তাকে তো আমি যেতে বলি নি, তার জন্ত কি দায়ী আমি?”

“কতকটা দায়ী বই কি বোদি। পায়ে পড়ি তোমার ভাই, রাগ করো না, তুমি লেখাপড়াই শিখেছ কিন্তু স্বামীকে কেমন ক’রে ভালবাসতে হয় জান না—স্বামীর মর্যাদা কিসে থাকে সে শিক্ষা তোমার হয় নি। তা যদি জানতে, তাহলে—তাহলে আজ দাদা তোমাকে এমন করে উপেক্ষা করতো না।

“বাঃ বেশ লেকচার দিচ্ছ তো। তাহলে তোমার দাদার মহা ভুল হয়েছিল যে এক বিলাত ফেরৎ ডেপুটী ম্যাজিস্ট্রেটের উচ্চ শিক্ষিতা মেয়েকে বিয়ে করা—আর তারই পিতৃদত্ত ধনে বিলেতে গিয়ে ব্যারিষ্টারী শেখা। তার উচিত ছিল...পাড়াগাঁয়ের

দেশ-বন্ধু

অসভ্য, জংলী, কুসংস্কারাচ্ছন্ন, অশিক্ষিতা মেয়েকে বিয়ে করা, তা হলে তোমার দাদার মত গুণী ব্যক্তির মর্যাদা যথার্থই থাকত ।”

ফাল্গুনী বেশ সহজ, সরল ভাবেই বলিল—“বৌদি আমাদের পাড়ারগাটাকে অতটা তুচ্ছ ভোবো না, সত্যি যদি তুমি একজন অশিক্ষিতা মেয়ের কাছে শিক্ষা পাও, তাহলে তোমার ওসব ‘সায়েন্স’, ‘ম্যাথামেটিক্স’, ‘ফিলজফির’ কতকগুলি দুর্বোধ্য ভাষার চেয়ে সে গার্হস্থ্য শিক্ষা বড় সরল লাগবে !”

অবহেলাভরে উচ্চহাস্ত করিয়া রেবেকা লুটাইয়া পড়িল ; হাসির বেগ প্রশমিত হইলে বলিল—“অবাক করলে আমার ফাল্গুনী...‘ফাই’ ! সেখানে আমার সমকক্ষ কেউ কি আছে, তারা আমার মূল্যই বোঝে না। আমি যাব সেখানে শিক্ষা নিতে.....?”

ফাল্গুনী আর থাকিতে পারিল না, ফস করিয়া বলিল—“হ্যাঁ বৌদি কথাটা খুব সত্যি বলেছ, খনি গর্ভস্থিত রত্নের মূল্য সে চাষার মেয়েরা কেমন করে জানবে.....তারা কেবল কাজই শিখেছে.....”

“বাবা, হার মানছি তোমার কাছে...তোমার সঙ্গে কথা কইতে আসাই ঝক্‌ঝকী হয়েছে। আচ্ছা তুমি যে অনর্থক ‘সায়েন্স’ আর ইংরেজী ব’য়ের নিন্দে করলে, তারা ‘সায়ান্স’ কাকে বলে জানে ?”

দেশ বন্ধু

ফাল্গুনী দৃকেঠে বলিল—“কেন জানবে না—তাদের ‘সায়েন্স’ ‘রামায়ণ’ ‘মহাভারত’। তোমার আদর্শ হয়ত ‘জোয়ান অফ আর্ক, হতে পারে, কিন্তু তাদের আদর্শ সীতা, সাবিত্রী, সতী, দময়ন্তী.. তুমি যতটা সময় বাজে নভেল পড়ে কাটাও তার চেয়ে সে সময়টা আমাদের আদর্শ রমণী লীলা, খনা, গার্গী এঁদের জীবন চরিত্রগুলো প’ড়ো, মনের সমস্ত জড়তা কেটে গিয়ে নির্মল হ’য়ে যাবে .তাতে শাস্তি, তৃপ্তি দুইই পাবে। যাক অনেক কথাই বলে ফেললুম মাফ ক’রো ভাই, এখনি তো যাচ্ছি—রমা?” ফাল্গুনী উচ্চরবে দাসীকে ডাকিল। হাসিমুখে রমা আবির্ভাব হইয়া বলিল—“কেন দিদিমণি।”

রেবেকা চোখ ঘুরাইয়া ধমক দিয়া বলিল—“আজ তোকে ফুল দিয়ে হল্টা সাজাতে বলেছি, হয়ে গ্যাছে সাজানো?”

রমা ভীতি বিবর্ণমুখে বলিল—“সাজাচ্ছিলুম তো...দিদিমণি ডাকলেন.....”

রেবেকা কঠোরস্বরে বলিল—“তোমার দিদিমণির কাজ করতে হবে না, তার ইচ্ছে হয় কুলী দিয়ে সমস্ত জিনিষপত্র নিয়ে যাক। আমাকে অপমান করে আমার চাকর দাসীর সাহায্য নেবে ভেবেচো, তা হবে না—যাও আমার চাকর দাসীর দ্বারা একটাও সাহায্য পাবে না। তোমার যা যা জিনিষপত্র আছে নিয়ে যাও কিন্তু আমার জিনিষের একটি জিনিষও ভাগ পাবে

দেশ-ভাষা

না—তবে অবশ্য তোমার মায়ের জিনিষপত্র, গহনা সব বের করে দিচ্ছি নিয়ে যোগে চাও তো যাও। তাতে তোমার অধিকার আছে...আইন সঙ্গত কাজ আমি করব। তখন যে তোমার দাদা এসে কোন কথা বলবে, সে সহ্য করবার মেয়ে আমি নই। তোমার জিনিষে আমার জোর নেই।

রক্ত জ্বার মত রাঙ্গা হইয়া ফাল্গুনী বলিল সে জোর হয়তো তোমার আছে বৌদি...সবই তো তুমি জোয় করে করছো... দাদাকে তুমি কটু কথা বলে তাড়ালে—কিন্তু একদিন এর জন্তে তোমাকে পস্তাতে হবে এটা স্থির জেনো। আর তোমার দয়ার দান আমি চাইনে বৌদি...আমার মায়ের গহনা রেখে গেলুম— দাদার ছেলের বৌ এসে পরবে।

ফাল্গুনী বস্ত্র সংযত করিয়া উঠিয়া দাঁড়াইল—পরে হেঁট হইয়া বলিল—“যতই কর বৌদি বয়সে ছ’এক বছরের ছোট হোলেও তুমি আমার প্রণম্য।” রেবেকার সুন্দর শ্লিপার শোভিতা চরণের ধূলা লইয়া সিক্ত আঁখি পল্লব ছুই করে আবরিত ক’িয়া ফাল্গুনী গভীরস্বরে বলিল—“চল্লুম বৌদি, পথের একটা কাঁটা অনেকদিন হলো বিদায় নিয়েছে, আর আজ দ্বিতীয়টিও জন্মের মত দূর হ’লো।”

দীপ্তমুখে দীপ্তিময়ী ফাল্গুনী আজন্ম পরিচিত স্নেহ-নোড় পিছু-ভবন ত্যাগ করিয়া নূতন আলোকের সন্ধানে যাত্রা করিল।

*

*

*

*

হাঁফ ছাড়িয়া রেবেকা বলিল—“দেখলি রমা, তোর দিদিমণির আঁকল—আমি ওর মাথো কত বড়, আর আমাকেই অহঙ্কার দেখিয়ে চলে যাওয়া হ’লো—আসতেই হবে যাবে কোথায়?”

রমা পরম বিজ্ঞভাবে মাথা নাড়িয়া বলিল—“কক্ষনো নয়—সে রকম হালকা মেয়েই সে নয়। না খেতে পেয়ে রাস্তায় মরলেও এ বাড়ীতে আর পা দিচ্ছে না।”

“যা, যা বকাস্নে তুই, ঐ দেখ দেখি সন্ধ্যা হ’য়ে এল...এফুনি ওরা সব এসে পড়বে। এই যে গুড্ ইভনিং মিঃ রয়—আসুন, আসুন—কিন্তু আজ আপনার তিন মিনিট লেট হ’য়ে গ্যাছে... এই দেখুন পাঁচটায় আসবার কথা—পাঁচটা তিন হ’য়ে গ্যাছে।”

ডাক্তার কল্লোল রায়ের আগমনে রেবেকার মুখে চোখে আনন্দের উজ্জ্বল আভা ছড়াইয়া পড়িল। কল্লোল মৃদু হাসিয়া বলিল—“গুড্ ইভনিং মিসেস্ বোস্—লেট্ হবার দরুণ মাফ চাইছি, কিন্তু জানেনই তো আমরা বাঙ্গালীর ছেলে অতটা ঠিক ‘টাইমলি’ সব কাজ করে উঠতে পারিনে...কিন্তু ও ঘরটায় কি হয়েছে বলুন তো...মিনিট কয়েক আগে রণযুদ্ধ হ’য়ে গ্যাছে নাকি—জিনিষ পত্র এমন বিশৃঙ্খল হ’য়ে রয়েছে কেন?”

চট্ করিয়া অলক্ষ্যে রেবেকা সুগন্ধি রুমাল দিয়া ধপধপে

দেশ বন্ধু

গাল দুইটা মুছিয়া তাতে তাজা রক্তের ঢেউ খেলাইয়া মিহিন্সরে বলিল—“ওঃ সে ভয়ানক বিশ্রী ব্যাপার! চলুন বাইরে, সমস্ত শুনবেন—এ ঘরটার মধ্যে খেন দম বন্ধ হয়ে যাচ্ছে।”

উভয়ে কক্ষ পার হইয়া ছাদের উপর দুইখানি সোফার উপর বসিয়া পড়িল।

“ভারপর—মিঃ বোসকে দেখছি না কেন? তিনি কি টুরে বেরিয়েছেন?”

অগমনস্কতার ভাব জোর করিয়া আনিয়া কাঁপিয়া কাঁপিয়া বলিল—“ঠিক বলেছেন তো মিঃ রয়—জ্যোতির্বিজ্ঞান পারদর্শী হলেন কবে থেকে?”

কল্লোল হাসিয়া ফেলিল, বলিল—“জ্যোতির্বিজ্ঞান ধার ধারিনে—এমনিই মন গড়া একটা কথা বলে দিলেম, তা পূজোর এদিকে তো মিঃ বোস ফিরছেন?”

ছলনাময়ী রেবেকা সক্রণকণ্ঠে বলিল—“তাহলে তো বাঁচতুম মিঃ রায়...কি জানেন...আমাদের মধ্যে...যাক্, ইঁা পূজোর শেষেই বোধ হয় বাড়ী আসবেন।”

মিঃ রায় বলিল—“তা হলে পূজোর ছুটিতে বাড়ীতে বসেই থাকবেন?”

কৃত্রিম মলিন ভাবে কম্পিতকণ্ঠে রেবেকা বলিল—“তাই হয় ত হবে—আপনি এবারে কোথায় বেরবেন মিঃ রয়?”

“এখনও প্রোগ্রাম ঠিক করিনি, তবে কোথাও যে যাব, এটা নিশ্চয়ই।”

“মিঃ রয়—যদি আপনার কোন অসুবিধা না হয় তাহলে আমাকে কি আপনি এবার সঙ্গী করে নিতে পারেন?”

চেয়ার হইতে উঠিয়া বিশ্বাসচককণ্ঠে কল্লোল বলিয়া উঠিল—
“আপনি যাবেন! সে তো আমার সৌভাগ্য মিসেস বোস, যে আমি এবার আপনার মত সাথী পাব—একথা আবার কুণ্ঠিত ভাবে জিজ্ঞেস করছেন? সত্যি যেতে প্রস্তুত আছেন মিসেস বোস?”

টানিয়া টানিয়া রেবেকা বলিল—“সত্যিই বলছি, মিঃ রয়, মিথ্যে কেন বলব বলুন। কিন্তু আপনার যেন আপত্তি নেই জানলুম—মিসেস রয়ের তো কোনও—”

হা হা করিয়া কল্লোল হাসিয়া উঠিল। বলিল—“মিসেস রয়ের কথা তুলবেন না মিসেস বোস, সে মানুষই নয়—বোধ হয় এই পূজোর সময় সে বাপের বাড়ী যাবার জন্তে বায়না ধরবে।”

একটা পাতলা হাসির রেখা বিদ্যুৎবেগে রেবেকার মুখের উপর খেলিয়া গেল। সরল কল্লোল সে ভাবটুকু দেখিল না। বুকের আনন্দ চাপিয়া রেবেকা যেন পরম হৃৎখিতের মত অত্যন্ত করুণা প্রকাশ করিয়া বলিল—“ও তাহলে আপনি সাংসারিক

দেশ-বন্ধু

হিসেবে বড় সুখী নন্ না মিঃ রয় ?” কিন্তু আপনার জী তো
জুনেছি বেশ শিক্ষিতা ?”

কল্লোল সহানুভূতিতে আর্দ্র হইয়া বলিল—“জ্বালাতন হয়ে
গেছি মিসেস বোস্...সে শিক্ষিতা হলে কি হবে ? সে পুরাতন
মতটাই শ্রেষ্ঠ করে মানতে চায়—সে যে অমন জাস্তাম না, ভারী
আশ্চর্য্য ?”

“আশ্চর্য্য কিছুমাত্র নয় মিঃ রয়, আমার ননদের বিসদৃশ
ব্যবহারে সে ভ্রম আমার ঘুচে গ্যাছে । উঃ কি এক-রোখা মেয়ে
সে—আজ একটা সামান্য কথার জন্তে বাড়ী ছেড়ে দিয়ে চলে
গেল ।”

“তাই নাকি, মিস্ বোস্ তাহলে কোথায় গেলেন ?”

কে জানে কোথায় কোন সেবাস্রমের নস' হতে । যাক্, ও
সব বাজে কথা, তাহলে ঠিক যাচ্ছেন তো মিঃ রয় ?

“সার্টেন্ লি, আমি সৰ্ব্বক্ষণই ‘রেডী’ হ'য়ে রয়েছি, বলুন না
কবে আপনি যাবেন ?”

“কোথায় যাওয়া হচ্ছে রেবা ?”

চমকিতা রেবেকা পিছন ফিরিয়া নেলিকে দেখিয়া তাড়াতাড়ি
উঠিয়া তাহার হাত ধরিয়া আনন্দোৎফুল্ল স্বরে বলিল—“নেলি ?
কতদিন পরে দেখা হল ভাই ? সেই মিঃ চৌধুরী আসতে
তোদের বাড়ী গেছলুম ; তারপর থেকে চারদিক দিয়ে আমার

এমন কাজ পড়ে গেল, যে মোটে ফুরন্ত পেলাম না—কিন্তু, তুই তো ভাই একবার আসতে পারতিস ?”

নেলি বলিল—“কেমন করে আসব ভাই, মাঝে বাবার প্ল্যুরিসি’ হ’ল, আজ কদিন হ’লো তিনি একটু ভাল হয়েছেন, তাই মনে করলাম একবার তোমায় দেখে আসি।”

রেবেকা উৎকণ্ঠিত ভাবে বলিল—“নেলি ! জ্যাঠা মশাইয়ের ‘প্ল্যুরিসি’ হয়েছিল ? আমাকে জানাস নি, কেন ভাই ?”

মিঃ রয় এতক্ষণ নীরবে ইহাদের আলোচনা শুনিতেছিল—সহসা সে বলিয়া উঠিল—“বাঃ মিসেস্ বোস্...ওঁকে কি বসবার অবসর দেবেন না ?”

রেবেকা ঈষৎ লজ্জিতা হইয়া পাশের চেয়ারটিতে নেলিকে বসাইয়া বলিল—“মিঃ চৌধুরীর কোন খবর পেয়েছিস ?”

অন্তগামী রবির রাঙ্গা কিরণের মত সহসা নেলির মুখের বর্ণ হইয়া উঠিল। সে নতমস্তকে বলিল—তা জানিনা।”

রেবেকা কল্লোলের দিকে ফিরিয়া বলিয়া উঠিল—“মিঃ রায়, ইনি হচ্ছেন আমার প্রিয়তম বন্ধু মিস্ নেলি মুখাজ্জী, আর নেলি—ইনি মিঃ কে, কে, রায়।”

কল্লোল সহান্তে বলিল—“বড় সুখী হলুম মিস্ মুখাজ্জী আপনার সঙ্গে পরিচিত হ’য়ে।”

নেলিও হাসিয়া বলিল—মিঃ রয়, আমিও তজ্জপ।”

দেশ-বন্ধু

‘ইন্ট্রোডিউসের’ পালা শেষ হইল। সান্ধ্য-সমিতিতে রেবেকার পরিচিত বন্ধুবর্গের শুভাগমনে আলোকের বাটী পরিপূর্ণ হইয়া উঠিল। রেবেকার মুহু মুহু বচন বিজ্ঞাসে, সকলে মুগ্ধ ও পরিতৃপ্ত হইয়া গৃহকর্ত্রীর গৃহসজ্জা ও সেই সুসজ্জিত গৃহের অধিবসরী মিসেস্ বোসের রূপের ছটা উপভোগ করিতে লাগিল। হায় হতভাগ্য আলোকনাথ! তুমি ব্যারিষ্টার হইলে কি হইবে। দূর দৃষ্ট তোমার তাই গৃহে এমন রূপের রাণী সুন্দরী পত্নীকে ফেলিয়া স্বদেশ উদ্ধার সাধনে ঘুরিয়া মরিতেছ ?

*

*

*

*

হাসনুর প্রাণ মাতান সুবাস, ইলেক্ট্রিকের তীব্র জ্যোতিঃ, সুন্দরী তরুণীদের চটুল হাস্য পরিহাসে রেবেকার প্রকাণ্ড হলখানি সুরভিময়, সমুজ্জল, গীতি মুখরিত হইয়া উঠিল। আছে সবই গো, নাই কেবল বাহার বড় সাধের সাজানো গৃহ, বাহার সর্বস্ব—সেই আলোক, আর নাই শান্ত শ্রীসম্পন্ন শ্রামলা নয় হতাবা ফাল্গুনী। কেন জানিনা...আজ রেবেকার স্মৃতি শতধারে উল্লী প্রপাতের ঝায় ঝরিয়া পড়িতেছিল। গুল্লবেশ-পরিহিতা নেলির যে এ সমস্ত ভাল লাগিতেছিল তাহা নয়। সে রেবেকার এতদূর বাড়ি-বাড়ি দেখিয়া মনে মনে বিরক্ত স্তম্ভিত হইয়া উঠিতেছিল। কি একটা, দাক্ষণ লজ্জা, ঘুণায় নেলি শিহরিয়া উঠিল। ছিঃ, ছিঃ ছিঃ—তাহার বাল্যের সহচরী, আলোকের পরিণীতা

*

পত্নী রেবেকা, এ যে তাহার আত্মসম্মান পর্য্যন্ত বিসর্জন দিতে বসিয়াছে, সামান্য বিলাসপ্রিয়া স্ত্রীলোকের ত্রায়। আলোক ও ফাস্তুনীর গৃহত্যাগের কারণ শুনিয়া নেলি একেবারেই সন্তুষ্ট হইতে পারে নাই...যতদূর হইবে রেবেকা ভাবিয়াছিল নিজের মন দিয়া। আলোকের অবস্থা স্মরণ করিতেই, কি জানি, কেন অকারণে নেলির বুকটা ধড়াস্ করিয়া উঠিল। বাম হস্তে বুকটা চাপিয়া মনের এই চাঞ্চল্য ঘুচাইবার মানসে সে ধীরে ধীরে আসিয়া দাঁড়াইল—যেখানে রেবেকা গাঢ় নীল রঙের সাড়ী পরিয়া অর্গেনের সহিত নিজের মোহন গলার সুর মিলাইয়া গাহিতেছিল—

“ওহে সুন্দর, মম গৃহে আজি পরমোৎসব রাত্রি,

আমি রেখেছি কনক মন্দিরে কনকাসন পাতি।”

রেবেকার অসংখ্য স্তাবক দলের প্রশংসার মুহূর্ত্তজন গান ছাপাইয়া উঠে উঠিল। প্রশংসা গর্বিতা রেবেকার সুরের লহরী বিচিত্র মালায় প্রবাহিত হইতে লাগিল। নেলির এক মুহূর্ত্তও তথায় দাঁড়াইতে অসহ্য বোধ হইতে লাগিল। টলিতে টলিতে নেলি একটা কৃত্রিম লতামণ্ডিত থামের পরে মাথা রাখিয়া নম্পলক নেত্রে নিস্তব্ধ হইয়া দাঁড়াইয়া রহিল। ভাবিল, “আলোক! তথা-কথিত শিক্ষিত সমাজের সভ্যতার আবরণ তলে এ কি হীন কদর্যা মূর্ত্তি লুকান ছিল! এই সমাজেরই

দেশ-বন্ধু

বুকের পরে দাঁড়াইয়া সভ্যতার মুখোস পরিয়া এমনি করিয়া কুৎসিৎ অভিনয় করিয়া যাইবে ! অথচ কেহ ইহাকে একটা কথাও বলিতে পারিবে না ? বাঃ সমাজে এ যে চলিত হইয়া গিয়াছে ! “অতিথির সম্মানের জ্ঞাত তাহার সন্মুখে বাহির হওয়া অবশ্য কর্তব্য...অতিথির মনস্তষ্টির নিমিত্ত দুই একটা গান, তা গাহিলেই বা দোষ কি !” এই সমস্ত বলিয়া কহিয়া হিন্দুনারীকে তার গৃহাশ্রম হইতে বাহির করিয়া “এডুকেটেড্” করার কল যে কতদূর বিষময় হইতে পারে সময় সময় এটুকু প্রত্যেক মানবের বুঝিয়া দেখা উচিত । অবশ্য সকল নারীই কিছু সমান নহে, তবে স্বাধীনতার নাম দিয়া স্বৈচ্ছাচারিতাকে প্রশ্রয় দেওয়া কোনমতেই উচিত নহে ; নারী সম্বন্ধে প্রশিক্ষিতা হইয়া সর্বদিক দেখুন, যথাযথ নারীমূর্তিতে প্রকটিত হউক ; কিন্তু দোহাই কয়েকটি বাজে নভেলের নায়িকা সাজিয়া সমাজের সংসারের সর্বনাশ করিয়া বেড়াইলে এ ভারতের ধ্বংস অবগুস্তাবী !

* * * *

অসহ ! নেলির দেখিয়া দেখিয়া অসহনীয় বলিয়া বোধ হইতে লাগিল । এই সমস্ত বিদেশীয় পরিচ্ছদে কালো অঙ্গ ঢাকা বাঙ্গালী সাহেবদিগের প্রতি নেলির চিত্ত আজি সহসা বিমূখ হইয়া উঠিল । ক্রণেকের তরে সে কল্পনায় অমলের দেশীয় বস্ত্রে শোভিত দেবকান্তি ইহাদের পার্শ্বে আনিয়া উপস্থিত করাইতেই...নেলির

মন বলিল—‘না, না।’ বিবেক বলিল—‘না, না’, সমস্ত দেহের শিথিল কলকজাগুলিও নড়িয়া চড়িয়া বলিয়া উঠিল—“না গো না কিসে আর কিসে তুলনা।” চিন্তের নিকট দ্বন্দ্ব পরাজিতা নেলির শ্রান্ত দেহ দাঁড়াইতে অক্ষম হইল। গৃহের একপাশে একখানি সোফার পরে’ এলান দেহ এলাইয়া, চোখ মুদিয়া নেলী পড়িয়া রহিল। পাশের রঙ্গোন কাঁচের টবের কয়েকটি প্রফুটিত নিশিগন্ধার মিষ্ট সুবাস তাহার নাকের কাছ দিয়া ছলিয়া চলিয়া গেল। নিজের মনের এই আকস্মিক ভাব পরিবর্তনে নেলী কেমন একটা অস্বস্তি বোধ করিল। নেলী কেমন কাঁপিয়া উঠিল—তাইতো...নাঃ পায়ে নোচে রেবেটা যেন ছলিয়া ছলিয়া উঠিতেছে...অমল—অমলকেও তো সে এমনি করিয়া প্রত্যাখ্যান করিয়াছে। সত্য, কিন্তু কেন অমলের প্রতি তার ভালবাসা একবিন্দুও কমিয়া যায় নাই? সে অমলকে এখনও ভালবাসিয়া চলিয়াছে—কেন আজ তাহার বিরহ এমন শাস্ত হইয়া ফুটিয়া উঠিল। আজ কেন তাহার বঞ্চিত ক্ষুধিত তরুণ হৃদয় পরাণ-প্রিয়র সঙ্গ বাচনা করিতেছে। উন্নয়ন ভাবে নেলী উঠিয়া বসিল, আবার তাহার দৃষ্টি রেবেকার মুখের পরে পড়িল। ছিঃ কি স্বর্ণিত মূর্তি, এতকাল স্মৃতির আবরণে অতি সজ্জাপনে লুকাইয়াছিল! রেবেকার পরিণাম কি ভয়ানক, ভাবিয়া নেলী তাহার জন্ত সত্য সত্যই একটা বেদনা উপলব্ধি করিল,

দেশ-বন্ধু

আর নিজেকে সে ধন্তবাদ দিল—আর যাহাই হউক না কেন—
এ রকম করিয়া পুরুষের লালসা-বহ্নিতে পতঙ্গের মত বাঁপ দেয়
নাই—তাহাদের লালসাপূর্ণ কামনার মোহে মুগ্ধ হয় নাই—ছিঃ,
এতদিন সে পিশাচিনীকে হিতকামিনী ভাবিয়া ভালবাসা দিয়া
অবাধে মেলামেশা করিয়াছিল।

“জাগরণে যায় বিভাবরী, আমার আঁখি হতে

নিল ঘুম কাড়ি।”

রেবেকার গানখানি নেলীর কাণে তীক্ষ্ণ শরের গুণায় ছুটিয়া
আসিয়া বিধিল। নেলীর ইচ্ছা হইল সে ছুটিয়া যাইয়া রেবেকার
কণ্ঠ চাপিয়া বলে—থাক্ রেবেকা...এইখানেই এ পরিচ্ছদ সমাপ্ত
করো আর মুখ পুড়াইও না—যথেষ্ট হইয়াছে। মিসেস বোসের
মুখের প্রতি সতৃষ্ণ নয়নে চাহিয়া মিঃ সরকার, মিঃ লাহিড়ী, মিঃ
সেন ইত্যাদি শিক্ষিত নামধারী ব্যক্তিগণ তুষিত হৃদয়ে বসিয়া
আছে। হায় হতভাগ্য অপরিণামদর্শী যুবকের দল—
ভাবিয়াছ ঐ রঙীন প্রজাপতিকে ধরিয়া ফাঁদে ফেলিবে...তোমরাই
ঘুরিয়া মরিবে একবিন্দু করুণার প্রত্যাশী হইয়া—পাইবে না
একবিন্দুও। বড় বিচিত্র এই নারীর হৃদয়! সে নিজের স্বামীকে
স্বেচ্ছায় বিতাড়িত করিয়া বন্ধুবান্ধব পরিবেষ্টিত হইয়া আপনাকে
সৌভাগ্যবতী মনে করিতেছে! ধিক্ রেবেকা!! নেলী উঠিয়া

রেবেকার পৃষ্ঠে হাত রাখিল। চমকিতা রেবেকা মুখ তুলিল
অর্দ্ধ সমাপ্ত গান আৰ্ত্তনাদ করিয়া থামিয়া পড়িল।

“কি নেলী?”

রেবেকা সবিস্ময়ে চাহিল।

নেলী অগ্ৰদিকে মুখ ফিরাইয়া স্থলিতভাবে বলিল—“বড় মাথা
ধরেছে ভাই। আমার ‘কার’ ঐ বাইরে আছে, দয়া করে
কাউকে বলো গাড়ী-বারান্দায় আনতে, আমি চললুম।”

“সে কি নেলী, এখনি যাবি? আর একটু বসবি নি?”

নেলী বিরস অথচ দৃঢ়কণ্ঠে বলিল—“না ভাই।”

অগত্যা রেবেকাকে উঠিতে হইল। সকলের সমবেত উৎসুক
আঁখি অপরিচিতার মুখের পরে পড়িতেই কী এক পবিত্র দীপ্তিতে
ঝলসাইয়া অপ্রতিভ আঁখির দল নিম্নদৃষ্টি হইল। পাশ কাটাইয়া
নেলী কক্ষ হইতে নিষ্কাশ্ত হইয়া গেল। সশব্দে হর্ণ দিয়া মোটর
বাহির হইয়া গেল। গাড়ীর মধ্যে অবস্থিতা নেলী অবসন্ন হইয়া
পূর্ব কথার সমালোচনা করিতে লাগিল।

—আট—

“বাবা।”

টেবিলে ছড়ানো কাগজপত্র হইতে মুখ তুলিয়া কণ্ঠকে গৃহ
প্রবিষ্টা হইতে দেখিয়া মিঃ মুখার্জী স্নেহভরাকণ্ঠে বলিলেন—
“কে, মা নেলি, এখনি ফিরে এলে?”

“হ্যাঁ বাবা আর আমার ভাল লাগলো না”...সহসা পিতার
জানু পরে মুখ রাখিয়া সিন্ধুকণ্ঠে নেলি বলিল—“হ্যাঁ বাবা, মা
কোথায় মারা গেছিলেন, এইখানে কি?”

পুরাতন স্মৃতির দ্বার উদঘাটিত হইতে দেখিয়া মিঃ মুখার্জী
একটু বিমনা হইয়া কণ্ঠকে নিকটে টানিয়া বেদনামিশ্রিতকণ্ঠে
বলিলেন—“কেন মা,...সে কথা এতদিন পরে তুলছ?”

“না, এমনিই জিজ্ঞেস্ কছি...আচ্ছা বাবা, মা কি আপনার
এই সমস্ত বিলাতী আদব কায়দায় চলতেন?”

“না মা, তোরা মা ছিলেন আদর্শ রমণী...প্রফেসরের কণ্ঠা
ছিল সে, শিক্ষার কোনটাই তার বাকী ছিল না। তবে মনে

বোধ হয় ঘৃণা করতেন কিন্তু মুখ ফুটে কখনো আমার কোন কাজেই বাধা দায় নি। কেবল মাঝে মাঝে আমার অমিতাচার দেখে দীর্ঘনিঃশ্বাস ফেলে সরে দাঁড়াতো...”

“বাবা...,বাবা...” নেলি ফুঁপাইয়া কাঁদিয়া উঠিল।

“কি হয়েছে মা নেলি... ? মিঃ মুখার্জী নেলির ব্যাকুলতায় কণ্ঠার মস্তকে ধীরে ধীরে হস্তাবমর্ষণ করিতে লাগিলেন। এই মাতৃহীনা মেয়েটিকে তিনি এক দণ্ডের জন্ত কাঁদিতে দেন নাই। আজ বুঝিলেন না যে তাহার এ কান্না কি কারণে।

“বাবা মা যেখানে আগে ছিলেন আমাকে সেইখানে নিয়ে চলুন না ?”

“সে কি মা, তুমি সেখানে যাবে, সে বড় খারাপ জায়গা... ম্যালেরিয়া.....”

“হোক ম্যালেরিয়া...সে তো আমাদের জন্মভূমি বাবা, আমি আপনার ছেলেবেলার দেশ দেখবো। চলুন না বাবা একবার।”

“দূর পাগলী বেটা, যাওয়া বললেই কি যাওয়া হয়...সেখানকার ঘর দোর সব সংস্কারের অভাবে ভেঙ্গে পড়ছে। দাঁড়া মা, ম্যানেজারকে একখানা চিঠি দি—তিনি সব সারিয়ে বাসের উপযোগী করে দিন তারপর যাওয়া যাবে”ন।”

দেশ-বন্ধু

“না বাবা, আমি সেই ভাঙ্গা বাড়ীই দেখবো, আমাকে না নিয়ে গেলে আপনাকে আজ সারারাতই জ্বালাতন করব।”

কণ্ঠার এই দেশপ্ৰীতি দেখিয়া মিঃ মুখার্জী সন্তুষ্টচিত্তে বলিলেন—
—“বেশ তো মা, তা হলে কবে যেতে চাও?”

“আমি কালই যাব।”

“কালই যাবে—অসম্ভব!”

“কেন অসম্ভব বাবা?”

সমস্ত গুছোতেও তো অন্ততঃ একটা দিন সময় চাই।”

নেলি মাথা নাড়িয়া বলিল—“কেন, জিনিষপত্রে দরকার নেই বাবা। দরকার হলে সেখানকার জিনিষেই চলবে, আমার আর একতিল এখানে ভাল লাগছে না। বলুন না বাবা, তা হলে কাল যাবেন কিনা?”

“যাব মা—নিশ্চয়। তোমার মনের এই পরিবর্তনে আমি বড় সুখী হ’য়েছি...নেলি এইট যদি কিছুদিন আগে হতো।” মিঃ মুখার্জীর বুকের ভিতর কি একটা ব্যথা ক্রমাগত পীড়ন করিতেছিল।

“বাবা।”

“কি মা?”

নেলি ক্ষণকাল ধামিয়া বলিল—“বাবা স্নানীতি আমার নাম কে রেখেছিল?”

“তোমার মা।”

“মা ! তবে আপনি আমার নাম নেলি রাখলেন কেন ?”

“নেলি আমি ভেবেছিলুম কি জানিস, যে তোর মায়ের কাজে সকল বিষয়ে বাধা দেব। কিন্তু তোমার নাম নেলি রাখতেই সে আর ভুলেও তোমাকে স্মৃতি নামে ডাকে নি; দরকার পড়লে সে খুঁকী বলে সেরে নিতো ! তোমার মা’কে অমল বড় ভালবাসত...তাই সে বিলেত হ’তে এসেই তোমাকে ঐ নামে প্রথমে অভিহিত করে।”

অন্তবেদনায় নেলির বুক মোচড়াইয়া চোখ ফাটিয়া জল ঝরিল। মিঃ মুখাজ্জী নেলির মাথা কোলে টানিয়া ব্যথিতভাবে বলিলেন—“অনেক রাত হয়েছে মা—যাও শোও গে। কাল যখন বলবে...সেইক্ষণেই কল্যাণপুর রওনা হ’ব।

নেলী শিথিল চরণে কম্পিত বক্ষে নিজের কক্ষে বাইয়া... অনস ক্লান্ত দেহলতা স্নকোমল সোফার অঙ্কে অর্পণ করিল।

“আকাশ কাঁদে হতাশ সম

নাই যে ঘুম নয়নে মম

দুয়ার খুলি হে প্রিয়তম

চাই যে বারে বারে।”

পাশের বাটী হইতে কে গাহিয়া উঠিল করুণ সুরে। নেলির অন্তরাগ্নাও সমতালে গাহিয়া বলিল—

দেশ-বন্ধু

“অন্তরে আজ কী কলরোল

দ্বারে দ্বারে ভাঙল আগল

হৃদয় মাঝে জাগল পাগল

আজি ভাদরে।”

বাহিরে মেঘের গুরু গুরু গর্জন...বাতাসের ঝাপটার সাথে
ভেসে আসা...কাহার গানের এক টুকরা কলি...নেলির ব্যাকুল
অন্তর আজ হাহাকার করিয়া কাঁদিয়া বলিল—“কই গো কই,
যা’রে চাই আজ, সে কোথায়, কোন্ কল্ললোকে.. নানা সে নাই,
সে নাই গো।” টলিয়া টলিয়া উঠিয়া পাশের ঘরের কপাট
ঠেলিয়া নেলি ডাকিল—“লখিয়া?”

এক ডাকে ঘুম ভাঙ্গা লখিয়ার অভ্যস্ত হইয়া গিয়াছিল।
ধড়মড়িয়া উঠিয়া নিদ্রা-জড়িতকণ্ঠে লখিয়া বলিল—“কি
দিদিমণি?”

কপাটটা ছুই হাতে চাপিয়া ব্যথা কাতরস্বরে নেলি বলিল—
আয় না লখিয়া...একটু আমার ঘরে বসবি।

“চল দিদিমণি, ভয় করছে বুঝি...আহা একলাটি, অমন বয়সে
আমরাও একলা থাকতে পারতুম না।”

“ভয় কিরে, নাঃ ভয় করবে কেন? একলা সত্যিই ভাল
লাগছে না। হাঁরে লখিয়া তোর খণ্ডর বাড়ী আছে?”

“নেই আবার দিদিমণি, সবই আছে দিদি...বাপের বাড়ী এলাহাবাদে, শ্বশুর বাড়ী গয়ায়।”

“কে কে আছে সেখানে?”

“সবই আছে, সোয়ামী আছে, তিনটে ছেলে, ছোটো মেয়ে.....”

নেলি বলিল—“তবে মরতে তুই চাকরী করতে এসেছিস কেন?”

“পেটের দায়ে দিদিমণি, এ যে বড় জালা...“লখিয়া গম্ভীর ভাবে নিঃশ্বাস ফেলিল।

নেলি উৎসুকভাবে বলিল—“মাস গেলে তো পনের টাকা মাইনে পাস্...তাতে তোর খরচে কুলোয়?”

লখিয়া ললাটে করাঘাত করিয়া বলিল—“আ পোড়া কপাল আমার দিদিমণি...আমার একটা পেটের জন্তে কি ভাবি? মাসে যে দশটাকা করে দেশে পাঠাই।”

“কার কাছে পাঠাস?”

“কেন সোয়ামীকে...রুগ্ন আছে সে, কি করব দিদিমণি, বুড়োমানুষ একে, তাতে আবার বাতে পঙ্গু, আমি না দিলে সে খাবে কি করে...ও কি দিদিমণি, তুমি কঁাদছ কেন?”

নেলি ভাবিল এই অশিক্ষিতা নীচজাতিয় রমণী-হৃদয়েও কী গভীর স্বামীভক্তি...তাহার চোখে করুণার অশ্রু আসিতেছিল।

দেশ-বন্ধু

বলিল—“দূর, কাঁদব কেন ! দেখ লখিয়া, কালকে বাবাকে বলে
তোর মাইনে পঁচিশ টাকা করে দেব, তা হলে তোরা চলবে
তো ! আর কাল তোকে ছ’ মাসের মাইনে দেব, তুই দেশে
চলে যাস । আঃ কী করিস লখিয়া পা ছাড় না...যা যা, কাল
যে আমরাও দেশে যাবো । যা এখন, আমি ঘুমোব ।”

বিস্ময়-বিমুঢ়া লখিয়াকে একরকম ঠেলিয়াই শয্যায় আসিয়া সে
আছড়াইয়া পড়িল । বাহিরে বর্ষার অবিরাম গীতিধ্বনিতে তার
চাপা কান্নার অশ্রুট শব্দ মিশাইয়া গেল । আকাশের বুক
ভাসাইয়া বাদল ধারা ঝর ঝর করিয়া নিরুপ ধরণীর তাপিত চিত্ত
শীতল করিয়া ঝরিতেছিল ।

* * * *

ঝমঝমে নিশুত্ রাত । ষ্টেশনে জনমানবের সাড়াটি নাই ।
দূরে একটা তেলের ল্যাম্প তৈলাভাবে নিতান্ত, দ্ব্যতিহীন, নিস্তাভ
তারার মত টিম্ টিম্ করিয়া জ্বলিতেছিল । মধ্যে মধ্যে জলো
হাওয়ার এক একটা ঝাপটায় কাঁপিয়া কাঁপিয়া নিক্সাগোশ্মুখ
হইতেছিল । দূরাগত নৌড়হারা বিল্লীর অস্পষ্ট করুণ রাগিণী
কেমন যেন চাপা কান্নার গুমবাণীর মত শুনাইতেছিল । প্লাট-
ফর্মের টিনের চালা ভেদ করিয়া অবিশ্রান্ত বৃষ্টির ধারা ঝরিতেছে ।
কল্যাণপুর গ্রামখানি যেন অকল্যাণের পূর্ণ মূর্তি ধরিয়া দাঁড়াইয়া-
ছিল । কী একটা অনির্ণীত শঙ্কায় নেলির বুকটা ছঁাত করিয়া

উঠিল। পিতার পাশটিতে দাঁড়াইয়া ভীতিবিহ্বল নেত্রে চারিদিকে চাহিতেছিল।

“মুখজ্যে মশাই !”

প্রকৃতির বৃকভরা তমোরানী নাশ করিয়া আলোর রেখা প্রাস্তভাগে ফুটিয়া উঠিল, সঙ্গে সঙ্গে মানব কণ্ঠের সাড়া পাইয়া নেলি ফিরিল। শ্রাওলা রঙের হাতকাটা সাট গায়ে, মোটা লাল পাড় ধূতি পরণে...উজ্জল শ্রামকাস্ত সম্পন্ন এক যুবকের দৃষ্টিতে নেলির চঞ্চল দৃষ্টি মিলিল। নেলি লজ্জাজড়িত আঁখি ফিরাইয়া দূরে ‘সিগত্থালের’ পানে নিবদ্ধ করিল। মিঃ মুখাজ্জী বিস্মিত হইয়া বলিলেন—কে.....”

“আমি মানস, চিন্তে পাচ্ছেন না ?”

“ওহো তুমি হরকুমারের ছেলে মানস, না ?”

“আজ্ঞে হ্যাঁ”—মানস মিঃ মুখাজ্জীর পায়ের ধূলা লইয়া মিষ্টমুখে বলিল—“ওঃ আজ কতদিন...কত মাস পরে আপনার সঙ্গে দেখা হলো। * * * ষ্টেশনে প্রায় পাঁচ ছ’ঘণ্টা ‘লেট’ করে ফেললে, কোথায় লাইন খারাপ হয়েছিল। কিন্তু আমি এত করে ম্যানেজারকে চিঠি দিলাম...কিন্তু সেও তো এলনা ; আর ছুৰ্যোগ.. “খুব সম্ভব, এই ছুৰ্যোগে তিনি বাড়ী থেকে বেড়বার অবসর পাননি। আর আজও আমি কেমন অভাবনায় ভাবে এখানে এসে পড়লুম—এই ট্রেনটায় আমার এক বন্ধুর

দেশ-বন্ধু

আসবার কথা ছিল। তাকে আনতে এসে আপনার দেখা মিলে মিলে গেল...উঃ আরো যে চেপে বৃষ্টি আসছে...আচ্ছা আপনি আমার ছাতিটা নিন্, বলিয়া মানস নেলিকে লক্ষ্য করিয়া সম্ভ্রমভরা কণ্ঠে বলিল—“কিস্তি উনি—”

মিঃ মুখার্জী হাসিয়া বলিলেন—“বাঃ মানস আমাকে চিন্লে আর নেলিকে চিনতে পারলে না? উটি যে আমার ছোট মা,— আর তোমার মনে না থাকবারই কথা—কেননা ও যখন এখানে এসেছিল, তখন খুব ছোট।”

• মানস লজ্জারক্ত মুখখানায় স্নিগ্ধহাসি ফুটাইয়া বলিল—“তবে আপনি আমার এই ম্যাকিন্টসটা নিন্ পরে ফেলুন—আমি একবার দেখে আসি গাড়ী পাওয়া যায় কিনা।” বলিয়া নিজের ম্যাকিন্টসটা খুলিয়া নেলির হাতে তুলিয়া মানস দ্রুতপদে স্ফুখে অগ্রবর্তী হইল। মিঃ মুখার্জী বলিলেন—“আর তুমি নিজে যে ভিজে গেলে মানস—শোন, শোন...”

প্রবল ঝড়ের শব্দে তাঁহার কথাগুলি মিলাইয়া গেল। মানস চক্ষের নিমিষে একটা বাঁকের মুখে অদৃশ্য হইয়া গেল।

—নয়—

প্রভাতের মুক্ত অরুণ কিরণ চোখে মুখে লাগিতেই নেলির গাঢ় নিদ্রা ভাঙ্গিয়া গেল। দুই হাতে চোখ রগড়াইয়া ফুল্লমনে শয্যার উপরে উঠিয়া বসিল। রেবেকার বাড়ী হইতে আসিয়া পর্যন্ত নানারকম দৃষ্টিস্তায়, ও কয়দিন তাহার ঘুমই হয় নাই। তাহার পর কালকের সারাদিন ট্রেন ‘জাণি’তে অবসন্ন নেলি অতরাতে বাড়ী ফিরিয়া শয্যা আশ্রয় করিতেই শান্তিময়ী স্নপ্তির কোমল অঙ্কে নিভাবনায় ঢলিয়া পড়িয়াছিল। আজ এতখানি বেলা অবধি ঘুমাঠিয়াছে ভাবিয়া ঈষৎ লজ্জিতা নেলি আস্তে আস্তে পা টিপিয়া দ্বার খুলিয়া চওড়া দালানের পরে দাঁড়াইতেই সবিস্ময়ে দেখিল...তাহার পিতা বহু পূর্বেই উঠিয়া কালকের সেই অচেনা দয়ালু যুবকটির সহিত গল্প জুড়িয়া দিয়াছেন। সামনে অভূক্ত চায়ের পেয়ালা পড়িয়া রহিয়াছে, বোধহয় এখনও স্পর্শ করেন নাই। একে বেলায় উঠার দরুণ লজ্জা...তাহার উপর একজন অপরিচিত যুবকের সম্মুখে হঠাৎ আসিয়া পড়িল—নেলির মুখের

দেশ-বন্ধু

পরে' প্রভাতের অরুণরাগের মত লজ্জার অরুণিমা ছড়াইয়া পড়িল। পিতা কৃত্তাকে সম্বোধন করিয়া স্নেহসিক্ত ভাষায় বলিলেন—“এস মা কালকে তোমার ঘুমের কোন অসুবিধা হয় নি তো?”

আরক্তমুখে নেলি বলিল—“না বাবা—বরঞ্চ সেখানের চেয়ে কাল এখানে বেশীই ঘুমিয়েছিলাম।”

মানস তাহার সরল চোখ দুইটি নেলির প্রশান্ত চক্ষুর পরে' সমাবেশ করিয়া বেশ পরিচিতের মতনই বলল—“কালকে এদেশে নূতন এসেছ দিদি...তাই মশার উৎপাত টের পাওনি—কিন্তু ছুচার দিন থাক, দেখবে রাত্তিরে মশার দল কি রকম ‘কনসার্ট’ বাজাতে আরম্ভ কর্বে, আর একদণ্ড মশারীর বাইরে শোবার জো নেই...সেই জন্ত প্রতি বছর ম্যালেরিয়াতে দেশটা উচ্ছন্ন যেতে বসেছে।”

নেলির কাণে মানসের এই স্নেহ সম্বোধন যেন নূতন সুরে বাজিয়া উঠিল। সে একটু ভয় ব্যাকুলস্বরে বলিল—তাই নাকি মানসদা? কিন্তু আজকাল তো অনেক স্বদেশীর দল এই পল্লী সংস্কারে মন দিয়েছেন, তাঁরা এ কল্যাণপুরের সংস্কার করছেন না কেন?”

“হ্যাঁ সে চেষ্টাও হচ্ছে বই কি, অমলদা আজকাল পল্লী সংস্কার, জাতীয়তা উন্নতি লাভাশায় যতটা বুকে পড়েছেন,

বোধ হয় তার মত স্বার্থত্যাগী কর্ম্মঠ, উৎসাহী কর্ম্মী খুবই বিরল। তিনি এদেশে এখনও পৌঁছুতে পাচ্ছেন না ; কিন্তু আমাকে প্রতি পত্রে জানাচ্ছেন—“এখানে স্বায়ত্ত্ব শাসন প্রতিষ্ঠা কর, বয়ন বিঘা, শিল্পোন্নতি দ্বারা গ্রামে, দেশের অর্থাগমের প্রকৃত পন্থা বলে দাও। হিন্দু মুসলমান মিলে সংঘ গঠন কর...তাদের প্রত্যেকের কাণে স্বাধীনতা বীজমন্ত্র শুনাও।” কিন্তু কাকে শোনাব দিদি—বলতে গেছলুম তাতে ফল হয় এই যে নিরক্ষর চাষারা ক্ষেপে উঠল, ভদ্রবাসীরা বললে—“বিপ্লব বাদী রাজদ্রোহীর কথা আমরা মানব না—আমরা রাজার বিরুদ্ধে বড়যন্ত্র করবো না।” কিন্তু এটা তাঁরা বুঝছেন না যে রাজা এই ভারতবর্ষের রাজাই থাকুন কিন্তু আমরা নিজেদের স্বাধীনতাটুকুকে পরের হাতে তুলে দেব কেন? বিপ্লব বাধায় কারা? যারা পরভূতি, চিরদিন পরাধীন হ’য়েই থাকতে চান,...তাঁদের কাছেই স্বদেশ সশ্রদ্ধে বলতে গেলেই বিদ্রোহ বাধিয়ে তুলে, কিন্তু আমরা জানি এ কাজ বিদ্রোহ করে বিরোধ করলে সফল হবে না। কিন্তু সে কথা কয়টি আমরা বুঝলুম—আর সম্প্রদায়ের সকল কর্ম্মী বুঝল না—ফলে কত জায়গায় হাতাহাতি হ’বার উপক্রম পর্য্যন্ত হয়ে গ্যাছে। সেই ক্ষত্রে আমি আপাততঃ হাল ছেড়ে দিয়েছি। অমলদাঁকে লিখে দিয়েছি যে তিনি না এলে, এখানকার সংস্কার কিছুতেই হবে না।”

দেশ-বন্ধু

মিঃ মুখার্জী উৎসুকভাবে বলিলেন—“মানস—তুমি কোন অমলের কথা বলছ ?”

মানস মিঃ মুখার্জীর কথার প্রতিধ্বনি তুলিয়া সহাস্ত্রে বলিল—“অমলদা”র পরিচয় ‘অমলদা’ তার অগ্র কোন পরিচয় পাই নি। তবে এইটুকু বলতে পারি যে কেষ্ট জ থেকেই আমাদের পরিচয়ের সূত্রপাত হয়, আমি যে বছর পরীক্ষা দিয়েছি...তার পরের বছর তিনি সিভিল সার্ভিস পরীক্ষা দেন...”

মুহূর্ত্তে কক্ষের মধ্যে একটা গাঢ় নিস্তরুতা আসিয়া দেখা দিল। মিঃ মুখার্জী একটি সুদীর্ঘ নিঃশ্বাস পরিত্যাগ করিয়া চেয়ারের পরে সোজা হইয়া বসিলেন। আর নেলি আপনাকে সম্বন্ধিত গৃহান্তরে আশ্রয় লইল।

* * * *

স্তম্ভ ধানে নিজেকে সম্পূর্ণরূপে আবরিত করিয়া, মৃণালের মত দু’খানি অলঙ্কার শূন্য হাতে, দুই খালা জল খাবার লইয়া মিঃ মুখার্জীর বিধবা ভাগিনেয়ী মমতা আসিয়া মুহূর্ত্তে ডাকিল—“মামাবাবু ?”

মিঃ মুখার্জী মুখ তুলিয়া বলিলেন—“কি মা মমতা ?”

“আপনার জলখাবারের সময় হ’য়েছে উঠুন, হাত মুখ ধুয়ে খেতে বসুন।”

“কি করে জানলে মা যে আমার ক্ষিধে পেয়েছে ?”

লজ্জাবনত মুখে মমতা বলিল—“এতখানি বেলা গড়িয়ে পড়লো—মানুষের পিপাসা পায় না? ও মা! মানসদা’ যে অনেকদিন পরে এ পাড়ায়?”

মানস বলিল—“তা জানি মমতা, যে এর জন্তে তোমাকে কৈফিয়ত দিতে হবে। কিন্তু এ পাড়ায় কেন—এ পাড়া, ও পাড়া, রায় পাড়া, মুখুয্যে পাড়া, প্রত্যেক পাড়া খুঁজলেও আমাকে পেতে না। আমি এখানে ছিলাম না।”

“কোথায় গেছলে?”

“আমি অমলদার কাছে দৌলতপুরে গেছলুম।”

“তুমি গেছলে দৌলতপুরে! সেখানে তুমি কী কাজ করলে?”

কেন মমতা, আমার দ্বারায় কি কোন কাজ হয় না মনে কর।”

“কি জানি—আমি তো কেবল জানি, তুমি কেবল বাঁশী বাজাতেই জান; তোমার মত আত্মভোলা মানুষে যে কোন কাজ করতে পারে এ আশ্চর্য্য।”

মিঃ মুখার্জী এইবার মমতার কথায় প্রতিবাদ করিয়া বলিলেন—“না মমতা, মানস বোধ হয় এখন খুব কাজের লোক হ’য়েছে...”

মমতা মুখ টিপিয়া হাসিয়া বলিল—“ঐ যে ভাল ছেলোটর

দেশ-বন্ধু

কাজের নমুনা দেখুন না। জলখাবার দিলুম, তা উনি আবার নিজের বাড়ীতে বসে লৌকিকতা করছেন। দেখছেন তো সন্দেশ ছুটো পাতে ফেলেই জলের গ্লাস মুখে তুলছেন।”

মানস বলিল—“না মমতা বাড়ী থেকে এক দফা খেয়ে বেরিয়েছি...আর কখনও খাওয়া যায় ?”

তাই তো, বাড়ীতে তোমার জন্তে কে খাবার তৈরী করে বসে আছে ? তুমি যে আবার নিজের জন্তে জলখাবার তৈরী করেছ...ভাল, তবু আজ তোমার মুখে একটা নূতন কথা শুনলুম।”

মানস মমতার এই স্পষ্ট উত্তরে অপ্রতিভ হইয়া মাথা নত করিল। মিঃ মুখার্জী মানসকে বলিলেন—“এ কি সত্যি কথা মানস, বাড়ীতে তোমার কেউ নেই ?”

মানস মুখে মানস বলিল—“আত্মীয় স্বজন তো বহুদিনই আমাদের পরিত্যাগ করেছেন...আর বাবাকে বিলেত থেকে ফিরে এসে আর দেখতে পাই নি.....”

মিঃ মুখার্জী বলিলেন—“কোন জায়গাটায় থাক তুমি বাবা—অনেকদিন হ’ল আসিনি, সব ভুলে গেছি—”

মাথা নীচু করিয়া মানস বলিল—“আজ্ঞে পৈতৃক বাড়ীখানা হাঁসপাতালের জন্যে ছেড়ে দিয়েছি...এখন থাকি দত্ত পাড়ার ওদিকে অলকা নদীর ধারে...”

“কোথায় মাটির বাড়ীতে।”

“আজ্ঞে হ্যাঁ।”

“বুদ্ধিমান ছোকরা, নিজের মাথা রাখবার ঠাইটুকু বিলিয়ে দিয়ে এখন কুঁড়ে ঘরে আশ্রয় নিয়েছ, এও কি তোমাদের মহাত্মার আদেশ?”

“না না মহাত্মার আদেশ হবে কেন? আমার জন্মভূমি— আমি স্ব ইচ্ছায় মাতৃভূমির কাজে লাগিয়েছি, আর একা মানুষ, অত বড় বাড়ীটায় থাকতে পারা যায় না।”

“তার তত্ত্বাবধান করে কে?”

“কোথায়, হাসপাতালের?...তার জন্যে বিশ্বস্ত লোক নিয়োগ করেছি—তা ছাড়া আমিও রোজ দু’বেলা গিয়ে দেখাশুনো করে আসি। আচ্ছা উঠি এখন জ্যাঠামশায়, বড় বেলা হয়ে গ্যাছে—”

মানস উঠিয়া দাঁড়াইল। মিঃ মুখার্জী মানসের হাত ধরিয়া বলিলেন—“আর তোমায় যেতে দেব না বাবা। মায়ার বাঁধনে যখন তুমি নিজে হ’তে ধরা দিচ্ছ, তখন তোমার এই বড়ো ছেলেকে, আর তোমার ছোট বোনটিকে দেখতে হবে। তা হলে তোমার জিনিষপত্র নিয়ে এস এইখানে?”

মানস এই প্রস্তাবে চঞ্চল হইয়া অনুনয়ের সুরে বলিল—“এ আমার বড় সৌভাগ্য জ্যাঠামশায়, কিন্তু ঐ বিষয়ে আমাকে মাফ

দেশ-বন্ধু

করতে হবে। আমার একলা থাকতে কোন কষ্ট হয় না...আর এতদিন যখন কেটে গ্যাছে, তখন—”

মিঃ মুখার্জী ফুককণ্ঠে বলিলেন—“আচ্ছা তা হলে আজ রাত্তিরে এখানে থেয়ে যেও...কেমন, আমার এই কথাটা তো রাখবে?”

ব্যস্ত হইয়া মানস বলিল—“অমন করে বলবেন না জ্যাঠা-মশায়, এ আপনার অনুরোধ নয়, স্নেহের আদেশ বলে আমি মাথা পেতে নিলুম...

—দশ—

মহা রহস্যের অন্তরালে বসিয়া বিশ্ব নিয়ন্তা যে কখন কাহার মনের পরিবর্তন সাধিত করেন—তাহা কি কেহ বলিতে পারে ?...

বিশ্ব ও বেদনার প্রথম আঘাতটা সম্বরণ করিতে না পারিয়া নেলি চঞ্চল পদে ছুটিয়া আসিয়া নির্জনে ছাদের তপ্ত শানের উপর লুটাইয়া—পড়িল ।.....

অমল, অমল, তাহারই অমল...তাহারই অনাদৃত প্রিয়তম, অমলের প্রশংসা' আজ লোকের মুখে ধরিতেছে না!... তাহারই নিভৃত অন্তরের চির বাঞ্ছিত দেবতা নিজের স্বার্থ, সুখ, ঐশ্বর্য্য তুচ্ছ করিয়া কামনা শূন্য অন্তরে দেশের সেবায় আপনাকে নিঃশেষে বিলাইয়া দিয়াছে।

জ্ঞানে শিক্ষায়, হৃদয়াকুলতায় তাহার অমল যে, দেশের বুকে, সব হারাদের প্রাণের মাঝে আজ আসন পাতিয়া বসিয়াছে। ওরে অভাগী কি জিনিষ তুই পাইয়াছিলি—

দেশ-বন্ধু

আর কী জিনিষ তুই স্বৈচ্ছায় বিলাইয়া দিয়াছিস্—একবার ভাবিলি না?.....বন্ধ ছয়ারের একটা পাশে দাঁড়াইয়া ভিখারী রিক্ত হাত হু'খানি মেলিয়া পাষাণ প্রতিমার কাছে এক বিন্দু প্রেম ভিক্ষা করিয়াছিল—কিন্তু পাইল কী—? তীব্র করুণ বেদনা, নির্মম প্রত্যাখ্যান,...আর নিষ্ফল আশার অনন্ত জ্বালা।—
উঃ.....

‘শুভ্র’ নিটোল কপোল বহিয়া টপ্ টপ্ করিয়া মুক্তা ফল ঝরিল।...

অনুতাপ, অনুতাপ...অতীতের সকল কথা স্মরণ করিয়া নেলির কোমল অন্তরে অনুতাপের প্রখর অগ্নি জলিয়া উঠিল।...

“ওগো, ফিরিয়া এস, ফিরিয়া এস...আমার স্নেহের স্বপন ঘেরা চির শক্তিময়ী অতীত—ফিরিয়া এস...জীবনের ভুলটাকে সংশোধন করিয়া লই...।...কিন্তু, না না—দরকার নাই, সে ভালবাসা পাইয়াছিল—ভালবাসিয়াও ছিল,...তবু নিজের সামান্য স্বার্থের লোভটুকু ত্যাগ করিতে পারে নাই, হৃদয়হীনার মত অকরুণ হইয়া সে অমলের প্রেমপূর্ণ অন্তরে আঘাত করিয়া যে অপরাধের বোঝাটুকু মাথায় তুলিয়া লইয়াছে’—আজ সেই অপরাধের প্রায়শ্চিত্ত করিতে হইলে যে তাহাকে বর্তমানের সহিত যুক্তিতে হইবে...। মন্দ বেদনায় বুক ফাটিয়া চোখে

জল আসিলেও, বাহিরে তাহাকে সবার সাথে হাসিতে হইবে।
তাই ভাল—প্রভু, তাই ভাল, এই শাস্তির অনলে নেলীর গর্কিত
অস্তরকে দহন করিয়া নির্মল করিয়া তোল...এই না পাওয়ার
গভার বেদনার মধ্য দিয়া সে তাহার হারানো জীবনটিকে
খুঁজিয়া লউক।...

অস্তরের দুর্বলতাকে সবলে ঝাড়িয়া নেলি চোখ মুছিয়া
উঠিয়া দাঁড়াইল।

ইচ্ছা করিলে সেও কি অমলের মত নিঃস্বার্থ হইতে
পারে না? পারে, পারে—নারী বলিয়া সে কি সাধারণ নারীদের
মত দুর্বলতাটাকেই প্রশ্রয় দিতে থাকিবে। অতীত জীবনের
সুখের স্মৃতি স্মরণ করিয়া বেদনার নিঃস্বাস ফেলিয়া শুধু চোখের
জলকে সঞ্চল করিয়া জীবনের দীর্ঘ পথটা অতিক্রম করিবে?

না, না—সেও অমলকে দেখাইবে—পুরুষের মত অবহেলে
সকল বঙ্কা বিপদ মাথায় তুলিয়া লইতে পারে কি না, সে-শক্তি
তার আছে কি-না।

নেলি টলিতে টলিতে নামিয়া আসিয়া রান্নাঘরে মমতার
বুকের উপর ঝাঁপাইয়া পড়িয়া স্থলিতকণ্ঠে ডাকিল—“মমতা
দি’?

মমতা রান্নাঘরে তাহার হবিষ্য চড়াইবার জন্ত উনানে আঁচ
দিতেছিল। সহসা এই ধূলি-ধূমের মধ্যে অসমৃতা নেলিকে

দেশ-বন্ধু

ছুটিয়া আসিতে সে বিস্মিত-কণ্ঠে বলিয়া উঠিল—কি ভাই
নেলি ?—এমন সময়...

মমতাকে বাধা দিয়া নেলি চঞ্চলকণ্ঠে বলিল—“সময়ের
মূল্য বোঝবার দিন আর আমার নেই ভাই—এসেছি তোমার
কাছে একটা জিনিষ ভিক্ষে করতে—দেবে কি ?

নেলির কণ্ঠ সহসা রুদ্ধ হইয়া আসিল।

মমতা অবাক হইয়া নেলীর মুখের পানে তীক্ষ্ণ দৃষ্টিতে
চাহিল।...

নেলি নত মুখে অশ্রুসিক্তকণ্ঠে বলিল—তোমার মত ঐ
রকম মোটা শাড়ী একখানা আমাকে দিতে পার মমতা-
দি’ ?

স্বস্তির নিঃশ্বাস ফেলিয়া মমতা মুহূ হাসিয়া বলিল—‘ওঃ
এই! আমি মনে করি না-জানি কি !...কিন্তু এত মোটা কাপড়
নিয়ে তুই কি করবি ভাই ?’...

ব্যথা-কাতর চোখ দুইটা তুলিয়া নেলি উত্তেজিত কণ্ঠে
বলিয়া উঠিল—

“পরব—পরব মমতা দি’—কৌ অমন করে তাকিয়ে রয়েছ
যে ?—খুব আশ্চর্য্য হয়ে হ’য়ে গেছ নয় ?—আশ্চর্য্যের কথাই
বটে, আমিও নিজে আশ্চর্য্য হয়ে যাচ্ছি যে এত শীগগীর আমি
আমার জীবনের ভুলটাকে, ক্ষতিটাকে লক্ষ্য করলুম, কি করে।...

দেশ-বন্ধু

মমতা দি'—এতদিন অন্ধের মত পরশ মানিককে পায়ে
ঠেলে হাতড়ে হাতড়ে পথ চলে এসেছি... আজ দৃষ্টি লাভ করে
দেখলুম—আমারি অবহেলায় সে কোথায় লুকিয়ে পড়েছে—।
আজ তাকে ফিরে পেতে হ'লে কঠিন প্রায়াশ্চিত্ত করতে হবে...
দিদি, ভাই... আমাকেও অমনি তোমাদের মতই সাধারণ ভাবে
ধাক্কাতে দাও ।... দেখি, যদি নুতন জীবন লাভ করে...”

উবেলিত অশ্রু চাপিতে না পরিয়া নেলি মুখ ফিরাইল ।...

এলো চুলটা বাঁ হতে জড়াইয়া মমতা সেই কালী মাথা
গাতেই নেলিকে বুকের ভিতর টানিয়া লইল ।...

আনন্দের প্রথম আবেগটা কাটিয়া গেলে মমতা সিক্তকণ্ঠে
বলিল—“স্মৃতি হোক তোর নেলি... মাসীমার কত আদরের
বড় আশার ধন তুই... মাসীমার মতই তোর অন্তর নিৰ্মল হ'ক...
দৃঢ় হোক... আর, আর আশীর্বাদ করি—যা হারিয়েছি... তা
যেন তোর একনিষ্ট সাধনায় আবার তোর বুকের মাঝে ফিরে
আসে—তার পাশে দাঁড়াবার যোগ্যতা তুই যেন লাভ করতে
পারিস—দিদি আমার, বোনটী আমার, এর বেশী আশীর্বাদ
আর ত' আমি জানিনে ভাই ।”

মমতার হুইটী নয়ন জলভারে আনত হইয়া পড়িল ।

* * * *

দেশ-বন্ধু

দৌলতপুর—

আমার নীলা

আজ মানসের একখানা চিঠি পেয়েছি ! তার ভেতর দিয়ে তোমার ষেটুকু পরিচয় পেয়েছি—সেইটুকুর জোরেই আজ তোমাকে ‘আমার নীলা’ বলে ডাকতে পারলুম—জানিনা তুমি আমার অসংখ্য অপরাধের ভেতরে এটুকুকে ক্ষমার চোখে দেখবে কি না।...

মানসকে আমি কোনদিন অবিশ্বাস করিনি—তবু আজ তোমায় জিজ্ঞেস করছি নীলা—এ কী সত্য ? সত্যিই কি তোমার নব-জন্ম সূর্য হয়েছে ?...

তুমি হয়ত জানোনা, তোমার নির্মম উপেক্ষায় আমার বুকের মাঝখানটা কি রকম নৈরাশ্রের প্রবল ঘায়ে ভেঙ্গে পড়েছিল।

আঘাতের বেদনায় প্রাণ যখন আমার একটা কিছুকে আঁকড়ে ধরবার জগ্রে অধীর হ’য়ে উঠেছিল—সেই সময় প্রাণের দ্বারে বেজে উঠেছিল—লক্ষ লক্ষ দেশবাসীর দাসত্বের লোহ শৃঙ্খলের শব্দ। চোখ মেলে চেয়ে দেখলুম—দাসত্বের পায়ে আত্মবিক্রয় করবার জগ্রে তারা দলে দলে মরণের পথে এগিয়ে চলেছে...

নিজের বেদনা ভুলে গিয়ে নিখিলের বেদনা দূর করাই তখন

আমার কর্তব্য হ'য়ে দাঁড়াল।...প্রাণ চাইল—দেশের মুক্তি... দেশবাসীর স্বাধীনতা! তারই উদ্দেশ্যে জীবনের সকল প্রলোভন কামনা আলস্য স্বার্থকে বিসর্জন দিয়ে কস্মসাগরে ঝাঁপ দিয়েছি। নিজের জীবন দিয়েও যদি একজন দেশবাসীর অভাব দূর করতে পারি—সেই হ'ল আমার চরম উদ্দেশ্য। কাজ চাই, শুধু কাজ...সত্যিকারের কাজের মধ্যেই আমি জীবনকে ডুবিয়ে দিতে চাই। এই বিরামবিহীন অবিশ্রান্ত কন্ঠের মাঝখানেও যে তোমায় আমি ভুলতে পারিনি নীলা! তোমার কাছ হ'তে আজ আমি অনেক, অনেক দূরে র'য়েছি সত্য...কিন্তু আমার মনের মাঝে এই দূরত্বের ব্যবধানটুকু একেবারেই নেই...বুকের পটে যে মুখখানি এঁকে নিয়ে এসেছি—অমর সে মুখখানি এমনই উজ্জ্বল, এমনই মধুর হ'য়ে ফুটে থাকবে।

জানিনা—তুমি আমার এ ভালবাসার প্রলাপ শুনে কী ভাবছ?

তোমার কাছে আমার এই শেষ চিঠি নীলা,...আর কখনো তোমাকে বিরক্ত করতে আসব না।...সহরের বাইরে কাঙাল ভাই বোনদের কষ্ট দেখলে চোখ ফেটে জল আসে—তারাও মানুষ, আমরাও মানুষ, শুধু পার্থক্য এই তারা অশিক্ষিত...তারা মুখ...তারা দরিদ্র। আমি এদের মানুষ ক'রে গ'ড়ে তুলব, নীলা,...এই আমার পণ।...

দেশ-বন্ধু

ছঃখ করোনা, ...দেশের ছঃখ দূর করে যদি কোনদিন ‘মানুষ’
হ’য়ে ফিরতে পারি...তখন...যাক...

আমার শেষ অনুরোধ, আমার পানে তাকিয়ে নিজের
জীবনটাকে নষ্ট না করে ভগবানের পানে তাকিয়ে পথ চ’লো
তাহ’লেই তোমার মনের অশান্তি ঘুচে যাবে।

নীনা, আশীর্বাদ করি—তোমার মনের আশা সফল হোক।

হতভাগ্য অমল।

নেলীর ব্যাধিত বুকের অন্তরে সঞ্চিত রুদ্ধ অশ্রুরাশি উথলিয়া
উঠিল। অমলের চিঠিখানি সযত্নে বুকের ভিতর চাপিয়া রুদ্ধকণ্ঠে
বলিয়া উঠিল—

তাই হোক প্রিয়তম, তাই হোক। তুমি আমার কাছ হইতে
দূরেই সরিয়া যাও। দেশের বন্ধু তুমি...দরিদ্রের আনন্দ ধন,—
সবার প্রাণে ব্যথা দিয়া তোমাকে আমি নিজের কাছে ফিরিয়া
পাইতে চাহিনা, এতদিন ভালবাসার যথার্থ মর্ম্ম বুঝিতে পারি নাই
—তাই নিজের স্বার্থর দিকে নজর দিয়া সবাইকে বঞ্চিত করিয়া
তোমাকে নিজস্ব করিতে গিয়াছিলাম। আজ আমার অনেক
দিনের মোহ ভাঙিয়া গিয়াছে! দেবতা আমার, আমার সকল দর্প
এক নিমিষে পথের ধূলায় লুটিয়া পড়িয়াছে। আজ তোমাকে
আমি দেবতার আসনে বসাইয়া অন্তরের প্রেম ঢালিয়া পূজা
করিব। এই দেশ, এই বাড়ী—এরই বুকের মাঝে তুমি বাড়িয়া

দেশ-বন্ধু

উঠিয়াছিলে...এই বাড়ী আমার মহাতীর্থ...ইহারই মাটিতে, শেষ জীবনে শুইয়াও আমি তোমার পায়ের ধুলার জন্ত অপেক্ষা করিব। এতেই আমার স্মৃতি এতেই আমার চরম তৃপ্তি। ওগো, আর কিছু চাহিনা।

নেলীর চোখের অজস্র উষ্ণ-ধারায় অমলের পত্রখানি সিক্ত হইয়া উঠিল।...ধীরে ধীরে তার আরক্ত কম্পিত অধর গুট দুইখানি অমলের নামের তিনটি অক্ষরের পরে নত হইয়া পড়িল।

তখন হেমন্তের কুহেলী-অঞ্চলের অন্তরালে প্রাতিপদের ক্ষীণ চাঁদখানি মেঘের আড়াল ঠেলিয়া উকি মারিতেছিল।.....

শেষ

—নূতন পুস্তকের তালিকা—

মধু মিলন	(মিলন মধুর উপগ্রাস)	পঞ্চম সংস্করণ
মার্চীঠীমেয়ে	(রহস্যময় উপগ্রাস)	তৃতীয় সংস্করণ
সভীলক্ষ্মী	(পল্লীচিত্র)	চতুর্থ সংস্করণ
মাধব মন্দির	(উপগ্রাস)	" "
হিন্দু-সতী	(সতীর তেজ)	" "
রাজপুত বীরাননা	(ঐতিহাসিক উপগ্রাস)	তৃতীয় সংস্করণ
মতিঝিল	(")	ষষ্ঠ সংস্করণ
জ্বর-চিঠি	(দাম্পত্য পত্রাবলী)	দ্বিতীয় সংস্করণ
ব্যথার শেষ	(নারী জাগরণ)	তৃতীয় সংস্করণ
গৃহ-লক্ষ্মী	(চরকা ও অহিংস অসহযোগ মূলক উপগ্রাস)	" "
হত্যা-বিভীষিকা	(রোমাঞ্চকর ডিটেক্টিভ উপগ্রাস)	চতুর্থ সংস্করণ
রুদ্ধ আবেগ	(আধুনিক সভ্যতা-মূলক উপগ্রাস)	তৃতীয় সংস্করণ
সইয়ের বর	(জ্বী পাঠ উপগ্রাস)	চতুর্থ সংস্করণ
খুনিকে খুন	(ডিটেক্টিভ উপগ্রাস)	দ্বিতীয় সংস্করণ
প্রেমের স্বপন	(মিলনাস্তক উপগ্রাস)	" "
হীরাঝিল	(ঐতিহাসিক উপগ্রাস)	দ্বিতীয় সংস্করণ
দাম্পত্য জীবন	(মিলন মধুর উপগ্রাস)	তৃতীয় সংস্করণ

* প্রত্যেক পুস্তকখানি সুন্দর বহুমূল্য এ্যান্টিক কাগজে মুদ্রিত ও সুন্দর সুন্দর রঙ্গিন চিত্রে শোভিত।

বাজিল ছন্দুভি—ঘোষিল শুভ বার্তা মস্ত্রে মস্ত্রে ।

গাভিল বাঙ্গালী—বাণীর জয়গান ছন্দে ছন্দে ॥

স্বপ্ন আজ সফল হইল—সাধনা আজ সার্থক হইল ।

শ্রীকৃষ্ণ লাইব্রেরীর প্রতিষ্ঠান পুত—পাঠকের আশা আজ পূর্ণ হইল !

সাহিত্য-জগতে সর্বজন নন্দিত বন্দিত

মানসী সম্পাদক সাহিত্যোৎসব—

শ্রীযুক্ত প্রভাতকুমার মুখোপাধ্যায়

মহাশয়ের প্রতিভা-সঞ্চারিত-লেখনায়-সম্পাতে গঠিত—

—প্রতিমা—

সাহিত্য দেবীর আশীষধারী পূজকের সমস্ত প্রতিভালোকে উজ্জলিতা

—শোভা-সম্পদে—সৌন্দর্যে—মাধুর্যে মণ্ডিতা—

—প্রতিমা—

সত্যই অনুপম—অতুলন—অতি মনোরম ।

শ্রীকৃষ্ণ লাইব্রেরী হইতে চাকচিক্কে চিত্রিত হইয়া অচিরে বাংলার

আকাশ বাতাস পুলকাঙ্কিত করিয়া প্রকটিত হইবে ।

পুণ্য-পুলকময়ী, স্বর্গালোকময়ী প্রভাত-প্রতিভালোক-প্রদীপ্তা এ—

—প্রতিমা—

বাংলার শুদ্ধান্তঃচারিণী—দেবীকৃপিত ললনাগণ কর্তৃক—বাঙ্গালীর

পূণ্য-মন্দির সম অন্তঃপুরে প্রতিষ্ঠিত হোক—বসিত হোক—

ঘরে ঘরে প্রতিমার আরাতি হোক ।

তরুণ-সাহিত্যিক শ্রীপ্রবোধচন্দ্র মৈত্র, এম-এ, প্রণীত

সাঁঝের পুরবী

গ্রন্থকার তাঁর “সাঁঝের পুরবী” নিয়ে বঙ্গবাণীর মন্দিরে

নৈবেদ্য দিতে এসেছেন !

ছঃখ-ভরা বেদনার বাণী, বাংলা মায়ের পল্লীর এক নিখুঁত ছবি,
যুগের নানা সমস্যা, লেবার ক্যাপিট্যালাে সংগ্রাম, খণী শ্রমিকের
বিবাদ, অসহযোগের ভাবপ্লাবন, নূতন ভাবে পুরবী রাগিণীতে
বেজে উঠেছে ।

—শরৎচন্দ্রের “পথের দাবীর”—

পরে এমন নূতন সমস্যা নিয়ে আর কোন উপভাস বের হয়নি ।

অপূর্ব মনস্তত্ত্বের বিশ্লেষণ, নরনারীর চিরন্তন বুদ্ধি

পাতায় পাতায় ফুটে উঠেছে ।

নবীন পূজারী প্রাণের দরদ দিয়ে পূজা সার্থক করার চেষ্টা করেছেন,

আপনারা কি সে পূজায়, সে মাতৃবক্তে, সাহায্য করবেন না ?

